



BIBLIOTECA NAZ.  
Vittorio Emanuele III

XXIII

B

41

NAPOLI





XXXIII

B

4<sup>5</sup>-



LIBELLVS


IOANNIS DE SACRO  
BOSCO, DE ANNI RATIO-  
ne, seu vt vocatur vulgò, Computus  
Ecclesiasticus.

CVM PRAEFATIONE



LVTETIAE,

Apud Gulielmum Cauellat, sub pingui Gallina,  
ex aduerso collegij Cameracensis.





# PROOEMIUM

## AUTHORIS.



**C**OMPUTVS est scientia considerans tempora ex Solis, & Luna motibus, & eorum adinuicem coequatione distincta. Fecit enim Deus duo luminaria magna, ex quorum beneficio dies, & nox illuminantur, & temporum vices humanae fragilitati famulantium efficiuntur. Ecclesia itaque non de motibus vniuersorum corporum curans supercoelestium, tempora mensurata, ac distincta secundum motum istorum duorum Planetarum solum intendit. Vnde hanc scientiam Ecclesiae subalternatam ab Astronomia distare constat, quae de motibus astrorum omnium vniuersaliter exequitur. Haec verò temporum discretionem secundum cursum Solis, & Lunae tantum metitur.

Quicquid etiam Astronomus de temporis fractionibus determinat, sit gratia motus astrorum: ipsius enim est, motum ipsum considerare: Computistae verò, temporum discretionem. Vnde miro artificio illius aequalitas in astrorum & Planetarum motibus minutissime consideratur: huius verò gressa inaequalitate per temporum spatia nunc maiora,

## DE ANNI RATIONE. 5

maiora, nunc minora, ut in omnibus sufficiat, comprehenditur. Tempus autem est effectus corporum supercoelestium motus, ex quo quantitatis dimensionem & numerum, & qualitatis alterationem sortitur.

Computista autem partes temporis quandoque die maiores, quandoque minores determinat. Partes temporis die maiores sunt, Septimana, Mensis, Annus, Lustrum, Indictio, Saeculum, & Aeuum, de quorum singulis per ordinem in consequentibus dicetur. Partes temporis die minores sunt, Quadrans, Hora, Punctus, Momentum, Vncia & Atomus.

## DE PARTIBVS TEMPORIS minoribus.

**Q**uadrans, est quarta pars diei naturalis, id est, sex horarum integra comprehensio. Hora est vigesimaquarta pars diei naturalis. Horarum verò alia naturalis, alia æquinoctialis. Naturalis est, spatium temporis, quo medietas signi peroritur. Æquinoctialis verò est, 15. graduum circuli æquinoctialis supra horizontem ascensio. Verumtamen utraque illarum, naturalis, nisi discretionis causa, poterit appellari. Punctus quidem in solari computatione, est quarta pars horæ unius: in lunari verò, quinta. Momentum, est

## IO. DE SACRO BOSCO

decima pars puncti, prout prius sumebatur punctus. Vncia verò est duodecima pars momenti.  
 c Atomos est 48. pars vnciae. Astronomica tamè pars 60. vsque ad minimum cuiuslibet integri, vniformis est fractio. Cum igitur in istarum temporis partium & differentiarum computatione huius scientiae consistat complexio, à computando nomen Computus accepit: non quòd computare doceat, sed quoniam numerus certus & subtiliter coniunctis doceatur.

## DE DIEBUS NATURALIBUS & ARTIFICIALIBUS.

**D**ierum autè alius naturalis, alius artificialis. Naturalis est 24. horarum, à quocunque quatuor punctorum meridiani vel horisontis Sole inceptarum, continua comprehensio, id est, diei & noctis completæ spatium. Vnde illud Genesis, Factum est vespere & manè dies vnus. Item,  
 Qui manè iunctum vesperei,  
 Diem vocari precipis.

Dies verò artificialis, est spatium temporis ab ortu Solis vsque ad eius occasum: vnde artificialis dies, est Sol lucens super terram. Nox autem, est vmbra terræ, in Solis oppositum diametraliter extensa. Et dicitur nox à noceo noces, est enim tem-

pus nocentibus aptum.

Notandum igitur, quòd dies naturalis secundum diuersos, diuersa habet principia. Romani enim diem naturalem à media nocte incipiunt, & ibidem terminant, quoniam legitur, quòd Dominus natus fuerit in medio noctis diei Dominicæ: & quoniam Sol, qui causa est diei, à puncto remotissimo in media nocte incipit ascendere. Arabes verò à meridie incipiunt, qui dicunt Solem fuisse factum in meridie, secundum cuius motum diem considerant. Iudei autem à vespere, innitentes illi auctoritati Genesis, Factum est vespere & mane dies unus. Quidam etiam secundum sensum agentes, ut vulgus, diem naturalem ab ortu Solis incipiunt: quia cum Sol sit causa diei, tunc meritò debet dies incipere, cum Sol effertur supra nostrum horizon-tem. Est autem horizon circulus, quem sibi circumscribit cuiusque aspectus. Meridianus verò est circulus, quem Sol à polo ad polum per hominum verticem transeuntem die media designat.

Huius itaque diei secundum Medicos quatuor distinguuntur quadræ. Quarum prima est, ab hora noctis nona usque ad tertiam diei, calida & humida, in qua sanguis mouetur. Secunda verò à tertia diei artificialis, usque ad nonam eiusdem, calida & sicca, in qua cholera euentatur. Tertia à nona diei artificialis usque ad tertiam noctis, frigi-

da & sicca, in qua melancholia multiplicatur.  
Quarta est à tertia hora noctis, vsque in nonam  
eiusdem, frigida & humida, in qua phlegma flu-  
etuat, vnde versus:

Tres lucis primas, noctis tres sanguinis imas,  
Vus cholerae medias lucis sex vendicat horas,  
Dátque Melan primas noctis, tres lucis & imas,  
Centrales ponas sex noctis phlegmatis horas.

Dies artificialis similiter in quatuor quadras ab  
authoribus diuiditur, quarum prima rubens, se-  
cunda splendens, tertia vrens, quarta tepens dici-  
tur. Vnde Sol quatuor equos habere fingitur, quo-  
rum nomina sunt hæc, Eous, Lampas, Pyrois,  
Phlegon. Vnde versus,

Solus equi lucis dicuntur quatuor horæ,  
Hæc rubet, hæc splendet, hæc calet, illa tepet.

Notandum etiam quòd dies septimanae, secun-  
dum diuersos, diuersas habent appellationes. Philo-  
sophi enim gentiles quemlibet diem septimanae, ab  
illo Planeta, qui dominatur in prima hora illius  
diei, denominant. Dicunt enim Planetas successiue  
dominari per horas diei: quorum nomina & sphæ-  
rarum ordinatio in subscripta figura clarescunt.

FIGVRA



FIGURÆ, OSTENDENS

distributionem, & ordinem sphæ-  
rarum cœlestium.



Post S I M S V M sequitur, vltima Luna subit.

*Vel ordine retrogrado sic.*

Cynthia, Mercurius, Venus, & Sol, Mars, Ioue,  
Satur.

IO. DE SACRO BOSCO

Ordine retrogrado sibi quivis vendicat horam:

Supponatur igitur, quòd Saturnus dominetur in prima hora diei Sabbati, Iuppiter in secunda, Mars in tertia, Sol in quarta, Venus in quinta, Mercurius in sexta, Luna in septima. Item in 14. similiter in 21. Saturnus in 22. Iuppiter in 23. Mars in 24. Vnde cum non sint plures horæ in illo die naturali, relinquitur ergo quòd Sol dominetur in prima hora diei subsequens, à quo dicebatur dies Solis, & inde recipit appellationem. Et con simili computatione habebimus quòd Luna dominatur in prima hora diei subsequens diem Solis, & inde recipit denominationem, & sic de aliis. Secundum hoc igitur sagaces medici, cum dant portiones, vel faciunt minutiones, considerant Vtrum Planeta beneuolus, vel maleuolus dominetur in hora illa. Beneuoli sunt Iuppiter & Venus: Maleuoli, Saturnus & Mars. Indifferentes verò Sol, Luna, & Mercurius:

Vnde versus.

Iuppiter atque Venus bene sunt. Sat. Marsque maligni.

Sol & Mercurius, cum Luna, sunt mediocres. Qualitates quidem eorum complexionales in his patent versibus.

Frigidus & siccus Satur. Iup. æstuat vdu.

Mars & Sol sicci feruent, sed Luna Venúsque

Vde

*Vdæ frigescent: medius Cyllenius esto.*

*Humana quidem persuasio stellis numeros & nomina fecit, non ex sui natura, sed significatione distinctionis accommodata.*

*Vnde Bernardus Syluestris dicit.*

*Communi ne voce rei generalis oberret.*

*Item Virgilius in 1. Georgi.*

*Nauita tum stellis numeros & nomina fecit,  
Pleiades, Hyadas, clarâmq; Lycaonis Arcton.*

*Ex prædictis autem soluitur, quòd competens ordo est inter Planetas, quoad circulos suos, & dies septimanæ ab illis denominantur. Ergo secundum eundem ordinem se sequi deberent, ut statim diem Sabbati sequeretur dies Iouis, & hūc dies Martis, & sic deinceps. Ratio autem huius est, quòd 24. horæ distributæ sunt Planetis. sed septem sunt Planetæ. Vnde si quilibet illorū successiue sibi assumat tres horas, supererunt de 24. horæ tres, attribuendæ tribus Planetis. Sic igitur patet, quòd si aliquis dies denominetur ab vno Planeta, dies sequens denominabitur à Planeta tertio post.*

*Christiani autem, sicut Beda, Hieronimus, & alij viri religiosi istas appellationes, quoniam à gentibus erant impositæ, volentes transmutare, diem primum Septimanæ, diem Dominicum, siue primam Feriam appellauerunt. Dominicum, quia*

tali die natus est Dominus, tali die resurrexit, tali die mundum fecit: Feriam, quia feriari idem est quod celebrare, & ab opere cessare: Et die illo, quē Dominicum appellamus, debemus cessare ab omni opere manuali, & etiam peccati. Vel FERIA à ferendus victimis dicitur, quoniam olim diebus festiuis ad templa ferebantur victimæ & holocausta. Secundum diem Septimanæ, secundam Feriam appellabant, & sic deinceps per ordinem.

Nomen verò Sabbati non mutauerunt, vt appellarent eam Feriam septimam. Sabbatum enim idē sonat quod requies, & tali die requieuit Dominus ab omni opere, quod patrauerat. Tali etiam die requieuit in sepulchro, vnde adhuc tale nomen obtinuit.

Iudæi autem alias habent dierum Septimanæ appellationes. Primum enim diem Septimanæ suæ vocant Sabbatum, sicut & nos: diem Dominicū, primam Sabbati appellant, vnde illud, Mane prima Sabbati surgens Dei filius, id est, prima die post Sabbatum. Diem verò, quē nos dicimus diem Lunæ, secundam Sabbati appellant, & ita deinceps.

Dicitur autem dies à diebus, quod est clarum, vel à diebus, quod est duo, quoniam dies naturalis in duo diuiditur, in diem scilicet artificialem & noctem: vel dicitur dies à diebus: Planetæ enim dii dicebantur, à quibus dies denominantur.

DE ANNI RATIONE. 9  
DE PARTIBVS TEMPORIS  
die maioribus, & primò de septimana.

**E**t autem septimana septem dierum naturalium, die Dominico inchoata, successiva progressio. Et notandum quòd septimana non habent proprias appellationes, quemadmodum dies, duplici ratione: cùm propter earum multitudinem (sunt enim in anno 52. septimane & unus dies) tum propter hoc, quòd spatium dierum in vno anno existens vna septimana est, partes duarum septimanarum in anno sequenti. Et ita si esset aliquod nomen appropriatum ei, esset permu-  
tandum in alio anno: quod est inconueniens, quod sic patet. Si in hoc anno sit aliquod festum in die Sabbati, idem erit in anno sequenti in die Dominico: vnde illud festum, quod terminat septimanam in hoc anno, erit initium alterius septimane in anno sequenti. Habent tamen septimane communes appellationes has, scilicet, hebdomada, septimana, Sabbatum. Hebdomada ab ἑβδομα dicitur, quod est septem, & doas, quod est dies, quasi septem habens dies. Septimana dicitur à septem & manè, quasi septem habens manè, id est, septem matutina tempora, & sic sumitur pars pro toto. Sabbatum etiam dicitur septimana, per quod significatur, quòd per

## IO. DE SACRO BOSCO

totam septimanam quiescere debemus ab opere peccati. Vnde illud, Ieiuno bis in Sabbato, &c. Ex his patet, quod Sabbatum est æquiuocum ad totam Septimanam, & ad vnum diem ipsius. Si autem quaratur, quare Sabbatum in solennitate & hebdomadæ inchoatione sicut Iudæi non auctorizemus: sciendum quod solennitas Sabbati auctoritate Domini in diem Dominicum transiuit. Nam tali die natus est Dominus, tali die resurrexit, tali die dona sancti spiritus Apostolis misit.

Item Iudæi omnia sub typo contigerunt & figura. Figura autem & figuratum non idem sunt, sicut de agno vero, & de agno Paschali, arca fœderis & Ecclesia patet. Sabbatum ergo & dies Dominicus idem esse non debent.

## DE MENSIBVS.

**M**ensium autem alius Solaris, alius Lunarís, alius Vsuális.

Solaris, est spatium temporis quandiu moratur Sol in signo peragendo. Vnde Philosophus: Sol vnum duodecim signorum integro mense metitur.

Lunarís, est propriè post Lunæ a Sole recessum, eius ad Solem reuersio, de quo in sequentibus cōsequetur.

Vsuális, est spatium dierum Calendarij nostris inscriptum, & ab antiquis auctorizatum.

Scien-

Sciendum igitur quòd inter Latinos, Romulus primus menses distinxit & annos, in anno suo decem menses constituens, quoniam vidit quòd tantum tempus sufficit mulieri prægnavanti ut pareret: vel quia per tantũ tempus debuit mulier abstinere à nuptiis post mortem mariti sui.

Primum igitur mensem Martium à Marte patre suo denominavit: vel à marte, hoc est, à bello. Tunc enim reges Romani procedere solebant in expeditiones:

Mensem secundum Aprilem ab aperiendo appellavit: tunc enim pori terræ, & arborum aperiuntur, & procedunt herbæ & folia in arboribus: vel Aprilis quasi aphrilis, ab æphros, quod est spuma maris, de qua Venus nata fingitur, quæ fuit principium generationis Romuli, ex parte matris suæ.

Tertium mensem Maium à maioribus appellavit. Quartum Iunium à iunioribus. Menses verò sequentes appositis dictionibus numeralibus appellavit, ut Quintilem, Sextilem, Septembrem, Octobrem, Novembrem, Decembrem.

Vnde Ovidius.

„ Martis erat primus mēsis, Venerisq; secundus.

„ Hæc generis princeps, ipsius ille pater.

„ Tertius à senibus, iuvenum de nomine quartus.

„ Quæ sequitur, numero turba notata suo est.

Sed postea sequens Numa Pompilius duos adie-



cit *Menses, scilicet Ianuarius, & Februarius.*

*Vnde Ovidius,*

„ *At Numa nec Ianum, nec auitas præterit*

„ *Umbras,*

„ *Mensibus antiquis præposuitque duos.*

*Ianuarius dicitur à ianua: quia quemadmodum per ianuam fit introitus in atrium, ita per Ianuarium, in annum. Vel dicitur à Iano bicipite, qui Deus mercatorum dicebatur. Ita enim Ianuarius duplicem habet respectum, quia ad ipsum annus terminatur, & ab ipso incipitur.*

*Februarius verò dicitur à Februo, id est, à Plutone, quia tunc solebant Romani sacrificia facere Plutoni, & diis infernalibus, pro animabus antecessorum suorum: vel dicitur à febre, tunc enim in calidis regionibus homines febricitare consueverunt.*

*September dicitur, quasi septimus ab imbre, hoc est, à tempore pluuioso, sicut à Februario. similiter & de aliis.*

*Licet igitur Numa annum ex duodecim mensibus fecerit, diminutè tamen egit, quoniam menses assumpsit lunares: unum scilicet 30. dierum, & alium 29. dierum. Vnde annus eius constabat ex 354. diebus, qui numerus dierum non sufficit cursui Solis. Sequens igitur Iulius Cæsar ultimam Calendario apponens correctionem, undecim dies adiecit, & quadrantem. Vnde annus Iulij constabat*



stabat ex 365. diebus & sex horis. Superflue tamen partem duodecimam vnius horæ assumpfit, vt inferius patebit. Calendarium etiam à Martio iussit inchoari. Vnde Ovidius.

*Qui Ianum sequitur, veteris fuit vltimus anni.*

*Tu quoque sacrorum, Termine, finis eras.*

Et dies anni inter menses numero competenti distribuit, ita quòd mensibus imparibus dies 31. mensibus verò paribus 30. attribuerentur. Sed cùm ad vltimum mensem imparitatis, Ianuarium scilicet, peruenisset, defuit vnus dies: vnde à Februario subtraxit vnum diem ad completionem numeri dierum Ianuarij, quem recuperaret Februario in anno Bissextili. Tempore autem Iulij Cæsaris, Romani adulantes Iulio, mensem prius dictum Quintilem, Iulium appellauerunt, quia in tali tempore dicitur fuisse natus. Similiter tempore Augusti, mensem prius dictum Sextilem, Augustum appellauerunt. Sed tunc inuidens Augustus mensem suum mense Iulij breuiorem esse, diem vnum à Februario surripuit, & Augusto addidit. Vnde remansit Februario 28. dierum.

Aliud insuper accidit inconueniens, tres menses simul esse 31. dierum: Iulium scilicet, Augustum, & Septembrem. Vnum igitur diem remouens à Septembri, eum Octobri attribuit: similiter vnum à Nouembri, quem Decembri addidit.

# IO. DE SACRO BOSCO

Hac itaque mensium ordinatione, & numeri dierum positione, licet reprehensibilis fuerit, usque hodie vtitur Ecclesia.

Per quam autem literam quilibet mensis incipiat, & in qua per consequens terminetur, in his patet versibus.

Altitonans Dominus, diuina gerens, bonus extat.


Gratuito cœli fert aurea dona fideli.

Primæ enim literæ harum duodecim dictionum, ostendunt literas inchoatiuas mēsium, habito initio à Ianuario. Qui autem menses vsuales plures habeant dies, & qui pauciores, scitur in his versibus.

Sep. No. Iun. Ap. triginta dato, reliquis magis vno.

Ni sit Bissextus, Februus minor esto duobus.

In quolibet quidem Mense dicitur Sol in-



trare nouum signum, & ut notabilius dicatur, circa medium mensis, prout præsens sensui subiicit figura.

Est autem signum certa Zodiaci portio duodecima, ab Astronomis distincta. Gradus autem est tricesima signi portio. Nomina igitur signorum, ordinatio, & numerus in his patent versibus.

„ Sunt Aries, Taurus, Gemini, Cancer, Leo,  
 „ Virgo,  
 „ Libráque, Scorpius, Arcitenens, Caper, Am-  
 „ phora, Pisces.

Vnde si in quo gradu cuiuslibet signi sit Sol scire volueris, numero dierum mensis præteritorum adde 15. & si resulent 30. vel minor numerus, in tali gradu signi ad mensem pertinentis est Sol. Si vero maior, abiciantur 30 pro signo mensis, & quot fuerint in residuo, in eo gradu signi sequentis est Sol. Nam signum detur mensi quem fine meretur. Quod autem signum cui mensi pertineat, in his patet versibus.

„ Ap, Aries. Ma, Tau. Iu, Ge. Iul, Can. Au,  
 „ Leo. Sep, Vir.  
 „ Octo, Libra. No, Scor. De, Sa. Ian, Capricor.  
 „ Feb, A Mar, Pis.

Hæc tamen regula non penitus penes ordinationem mensium, quæ nunc est, sed quæ esse deberet attendatur.

# IO. DE SACRO BOSCO

Primum igitur signum est *Aries*, quoniam secundum quod credit *Ecclesia*, in eo factus est *Sol*: licet dicant *Arabes* quod factus sit in *Leone*.

*Ar. di.* Et dicitur *Aries*, quoniam quemadmodum *Aries* est animal quod in parte anteriori viget, in posteriori verò debile est: ita *Sol* existens in illa parte *Zodiaci*, quæ *Aries* dicitur in tempore hyemali parum habet virtutis, scilicet caloris & siccitatis, in parte anteriori magis, scilicet versus æstatem. Vel, ut dicitur, *Aries* tota hyeme sinistro lateri accumbit, æstate verò dextro: siquidem *Sol* tota hyeme accedit ad inferius hemisphæriū, æstate verò ad superius, quod est quasi latus mundi dextrum.

*Taurus.* Secundum signum *Taurus* dicitur, quia tunc labores *Taurorum* siue bouum apparent: vel quia sicut *Taurus* est animal fortius *Ariete*, ita *Sol* in eo signo existens, fortior est in virtutibus suis, vel qualitatibus, quàm fuit in *Ariete*.

*Gemini.* Tertium signum est *Gemini*, quoniam tunc geminatur virtus *Solis* in caliditate & siccitate: vel quia sicut *Gemini* depinguntur iuvenes amplectentes se, ita quando *Sol* est in illa parte coeli, quædam terræ nascencia amplectuntur se & pubescunt per radicem superius in herbam.

*Cancer.* Quartum signum *Cancer* dicitur. Sicut enim *Cancer* est animal retrogradum, ita *Sol* existens in illa parte *Zodiaci*, à nostro recedit hemisphæ-

rio: Vnde signum illud dicitur Tropici, quasi conuerſuum: in eo enim fit Solſtitium æſtiuale.

Quintum ſignum Leo dicitur: quia ſicut Leo *Leo.* eſt animal ardentiffimæ naturæ & implacabilis iræ, ita Sol exiſtens in illa parte cœli ardentiffimus eſt & ſicciffimus. Vnde tunc nō eſt bonum minui, nec purgationibus vti, propter defectum humoris in tempore caloris & ſiccitatis: ſicut innuit Hippocrates. Sub cane & ante canē, ſunt moleſtæ purgationes. Sūt enim tunc dies Caniculares, quorum initium & terminus ſic habentur.

Iulius à Nonis inducit caniculares,  
Septembris gaudent decaſexto ſine Calendas.

Sextum ſignum eſt Virgo. Sicut enim Virgo *Virgo.* ſterilis eſt, & nihil in eſſe producit, ita tempus illud dum Sol eſt in Virgine, ſterile eſt, & nihil producit, ſed producta maturat.

Septimum ſignum eſt Libra, quoniam tunc *Libra.* librantur dies artificialis & nox, & eſt æquinoctium Autumnale.

Octauum ſignum Scorpius dicitur. Sicut enim *Scorpius.* Scorpius cum cauda pungit, ita Matutina parum cautos tunc frigora ledunt.

Nonum ſignum dicitur Sagittarius. Tunc enim *sagittarium.* in nos mittuntur ſagittæ temporis, tempeſtates ſcilicet, imbres, grandines, & huiusmodi.

*Capri-* Decimum verò signum Capricornus dicitur,  
*cornus.* quia quemadmodum caper in pascendo erigit  
se, ita Sol tunc ab inferiori hemisphærio versus  
nostrum hemisphærium ascendit, unde hoc si-  
gnum Tropicum quasi conuersium dicitur. Est  
enim tunc Solstitium hyemale, & de cætero Sol  
conuertitur ad nos.

*Aqua-* Residua verò duo signa, scilicet Aquarius &  
*rius.* Pisces, abundantiam aquarum notant. Dicitur  
*Pisces.* enim Aquarius ab aquosa qualitate aëris. Pisces  
verò, quia in pluuiis omnia natare videntur. Qui-  
dam tamen dicunt, quòd hæc signa à situ stella-  
rum in illis partibus ad modum huiusmodi anima-  
lium sic denominantur. Vnde Macrobius. Sydera  
in signum plurimum stellarum compositione for-  
mantur. Et Lucanus de Ariete dicit.

„ Sed postquam Vernus calidum Titana recepit  
„ Sydera respiciens delapsa portitor Helles.

Qualitates autem omnium signorum per qua-  
tuor triplicitates distinctorum, his versibus  
patent.

„ Ignea sunt A, Leóque, Sa. Terrea Tau, Caper,  
„ & Vir.  
„ Vda, Ge, Li, & A feruent. Cancer, Aquatica,  
„ Scor, Pis.

QVID

## QVID CALENDÆ, NONÆ,

ET IDVS.

**N**otandum etiam quòd in quolibet mense sunt tres dies, denominationes sortiti principales, à quibus assumptis dièctionibus numeralibus omnes cæteri dies denominantur: scilicet Calendæ, Nonæ, & Idus. Dicuntur autem Calendæ, quasi colendæ. Primus enim dies cuiuslibet mensis colebatur ab antiquis in honore Iunonis. Vnde Ovidius,

„ Vendicat Ausonias Iunonis cura Calendas.

Vel dicuntur Calendæ à καλῶ, quod est voco. Præco enim primo die cuiuslibet mensis ascēdebat locum eminentem in ciuitate, & clamabat quater καλῶ, vel pluries, secundum quòd nundinæ per plures in mense sequenti durarent dies, & ideo in plurali numero dicuntur Calendæ.

Vel dicuntur Calendæ à καλόν, quod est bonum, eo quòd in primo cuiuslibet mensis die solebant ab amicis mutuò dari quædam dona, vt per totum mensem sequentem bonum omen eis eueniret.

Nonæ dicuntur à non: nullus enim Deus habuit festum in Nonis. Vnde Ovidius,

Nonarum tutela Deo caret, &c.

Vel dicuntur Nonæ quasi nouæ, propter statuta renouata in singulis mensibus apud Romanos.

Vel dicuntur Nonæ à nundinis: per tot enim dies

durare solebant, quot erāt Nonæ Idus verò dicuntur, quasi diuisiones : diuidunt enim mensem ferè in duas partes æquales. Vel quia tunc diuidebantur nundinæ.

Ab istis autem diebus, coassumptis dictionibus numeralibus denominantur alij dies mensis, ita quòd maiori numero, secundum quod magis antecedunt, minori secundum quod minus. Si igitur quærat, quare non dicatur secundo Calendas, Nonas, & Idus? Dicendum, quòd hæc dictio secundus, prouenit à verbo sequor, vnde sequi deberet dies ille, si rectè diceretur secundus: sed ibi bene dicitur pridie Calendas, id est, priori die ante Calendas.

Quilibet autem mensis octo habet Idus. Vnde versus,

„ Octo tenent Idus menses generaliter omnes.

Sed quidā menses plures habent Nonas, quidam pauciores habent Nonas. Vnde versus,

„ Mar. Ma. Iul. Oc. senas, reliquis dato bis duo

„ Nonas.

Habito igitur quot dies habeat quilibet mensis, sicut ex prædictis patet, & quot Nonas, & Idus: subtractis Nonis & Idibus, reliqui omnes erunt Calendæ.

Notandum etiam quòd in quolibet mense, sunt duo dies, qui dicuntur ægri, mali, & Aegyptiaci.



ptiaci. Aegri ab effectu: secundum enim opinionem quorundam, si quis his egrotaret diebus, vix vel unquam euaderet. Mali, quia malum erat incipere aliquod opus in his diebus, propter malas eorum constellationes. AEgyptiaci, quia ab AEgyptiis erant inuenti. Præter enim decem plagas notas, quæ in his breuiter habentur versiculis,

„ Sanguis, vana, culex, muscæ, moriens pecus,

„ Vlcus,

„ Grando, locustæ, nox, mors prius orta necans.

Contigerunt ei plurima mala, ita quòd bis in mense quolibet, sicut in Calendario notatur.

Quidam enim in his diebus humanum sanguinem Plutoni sacrificabant. Vnde prohibitum est, ne quis in his diebus sibi minuat, ne videatur sacrificare Dæmoni. Observationes tamen istorum dierum inhibet Augustinus, dicens, Calendas mensium, & dies AEgyptiacos non obseruetis. Sed quia à vulgo sunt suspecti, ad illos habendos sciuntur isti quatuor versus.

„ Armis Gunse, Dei Kalatos, adamare dabatur,

„ Lixa memor, cõflans gelidos, infancia quosdã,

„ Omine limen, Aaron bagis, concordia laudat,

„ Chiia linkat, ei coequarta, gearcha, lifardus.

Istorum versuum singulæ binæ dictiones, singulis seruiunt mensibus, initio sumpto à Ianuario. Si

## IO. DE SACRO BOSCO

igitur primum diem *Aegyptiacum* alicuius mensis habere volueris, computentur tot dies, à principio mensis illius descendendo, quota est litera prima præcedentis dictionis in alphabeto, & ubi terminatur talis computatio, ibi est dies *Aegyptiacus*: & quota fuerit prima litera secundæ syllabæ eiusdem dictionis in alphabeto, talis hora illius diei est suspecta. Ad habendum autem secundum diem *Aegyptiacum* eiusdem mensis, computentur tot dies à fine mensis ascendendo, quota est prima litera sequentis dictionis in alphabeto, & quota fuerit prima litera secundæ syllabæ eiusdem dictionis in alphabeto, talis hora eiusdem diei est suspecta: hoc etiam prænotato, quod h non computatur pro litera.

## D E A N N I S.

**A**Nnorum autem alius Planetarum singulorum discretus, alius omnium communis, qui annus mundi siue perfectus specialiter nuncupatur.

Discretus, est spatium temporis, quo quilibet Planetarum Zodiacum completè peragrat. Est autem Zodiacus firmamenti cingulus, Planetarum via, stellis fixis signorum distinctio. Vnde Saturnus omnium Planetarum supremus signiferum

rum 30. annorum spatium peragit. Deinde Iouis sy-  
dus temperatum annis 12. ipsum complet. Mars  
verò tertius annis duobus circuit. Medius autem  
omnium Planetarum Sol 365. diebus & quadran-  
te Zodiacum percurrit. Infra Solem Venus est,  
quæ & Lucifer & Vesper dicitur, temporibus ta-  
men diuersis. Illi quidem Mercurius proximus  
est, qui modò ante Solis ortum, modò post eius  
splendescit occasum: qui duo pari temporis spatio  
minimò ve minus Sole signiferum circumeunt,  
horum enim trium ordinem motus vicinitas con-  
fundit. Luna verò omnium nouissima 27. diebus  
& tertia parte diei per signiferum confugit dein-  
de biduo in Solis commorata coniunctione, nus-  
quam in firmamento apparet, ultra cuius regionem  
nihil temporis subiaccens immutationi transcendit.  
Est enim fœx superiorum, puritas verò inferiorum,  
diuinorum caducorumque medium interstitium,  
Vnde Claudianus,

„ Lunari subiecta globo, qui septimus auras

„ Ambit, & æternis mortalia separat astris.

Magnus autem annus, est spatium tempo-  
ris, in quo planetæ omnes simul cum stellis fixis  
firmamenti vniuersis ad loca, quæ in prima ori-  
gine mundi tenuerunt, reuertuntur: de quo Iose-  
phus sic meminit. Nullus ad vitam modernam  
& annorum nostrorum breuitatem vitam com-

parans antiquorum, falsa putet eorum scripta, quæ nunc haud ediscere posset, si sexcentos viueret annos. In tot enim annorum circulis magnus completur annus. Sed philosophorum verior existit sententia, qui magnum annum 15000. annorum summa definiunt, qui est annus totius mundi. Vnde versus,

„ Millia ter quinque mundus completitur annos,  
 „ Vt Plato testatur, quos magnum nuncupat  
 „ annum.

„ Ex his bis centum minus vno millia quinque.

„ Præcessere tuæ nouæ legi tempora Christe.

Veruntamen annus mundi perfectus 36000. Solus revolutiones ex eiusdem ratione subsultantibus, continere videtur.

## DE ANNO SOLARI.

Cum itaque multiplex sit annus, & ceteris omnibus omiſſis duo specialiter à computista intendantur, scilicet Solaris & Lunaris, de digniori prius est pertractandum, scilicet de Solari. Est igitur annus Solaris spatium temporis, quo Sol à quocunque quatuor punctorum Zodiaci æqualitatis vel conuersionis, mouetur, circumiens totum Zodiacum motu proprio, rediens iterum ad idem punctum. Vnde apud antiquos solet

solet depingui Serpens deuorans propriam caudam sic,

„ Serpens annus ego sum, sol sic circinat in quo.

„ Qui fluxit pridem, status est nunc temporis idem.



Cuius quidem reuolutionis terminus, in 365. diebus, & quarta diei naturalis præter rem modicam secundum sensum perficitur. Neque defectus illius quantitatem, secundum veritatem, propter diuersitatis paruitatem possibile est inueniri: sicut in *Almagesti* dictione tertia à *Ptolemæo* reperitur. Hoc etiam sciolis computistarum suæ licet professioni aduersantibus sensibilibiter ex eius causa congruit demonstrari. Est itaque *Solis* motus in die vno naturali 59. minuta, 8. secunda, 17. tertia, 13. quarta, 12. quinta, & 31. in sextis, ut huiusmodi quippe minutorum in fractionibus, ad sexta perueniat, nunc sufficit partitio. Qui quidem

motus si Zodiacum in sexta redactum, tum in toto tum in parte, prout competit, mensuret, prædictis 6. horis non ex toto unius duodecima deficiet. Vnde versus,

„ Qui scidit Eudoxum superatur Cæsaris annus.

Hæc itaque anni Solaris quantitas si per 12. diuidatur, erit mensis Solaris 30. dierum, & 10. horarum, & 29. minutorum, & 36. secundorum.

Dicitur autem annus ab innoatione cunctorum vegetabilium, quæ temporum vicissitudine naturaliter præterierunt: vel ab an, quod est circum, & eo us, propter prædictam temporis reuolutionem.

Notandum igitur quod secundum diuersos, diuersa sunt anni principia. Numa enim Pompilius annum suum incepit à Solstitio hyemali, quoniam tunc ad nos Sol ascendere incipit. Vnde Ouidius,

„ Bruma noui prima est veterisq; nouissima Solis.

„ Principium capiunt Phœbus & annus idem.

Romulus verò annum incepit à Martio iuxta æquinoctium vernale, quia tunc omnia virent & florent. Secundum Theologiã autem annus à Martio dignè inchoari videtur, cum mundus factus sit 15. Calendas Aprilis. Item præcepto domini in Exodi 12. de Martio dicentis, Mensis iste primus erit in mensibus anni. Vnde versus,

Omnia

Omnia cum vireant, tunc est noua temporis  
 ætas.

Sic annus per Ver incipiendus erit.

Arabes verò annum incipiunt à Solstitio æstiu-  
 uali: quorum opinio est, Solem factum fuisse in  
 Leone. Quidam autem annum incipiunt à Septem-  
 bri, iuxta æquinoctium autumnale, quemadmo-  
 dum Iudæi, propter illud Genes. Protulit ter-  
 ra herba virentem, facientem fructum iuxta ge-  
 nus suum. Sed Autumnus est tempus fructuosum,  
 vnde ibi volunt annum incipere, cum à fructi-  
 bus suis annum veterem spoliauerunt. Istorum  
 autem omnium principia imitamur in aliquibus,  
 & in aliquibus mutamus. Nam clauas termino-  
 rum, aureum numerum, & literam Dominica-  
 lem incipimus à Ianuario: Concurrentes & regu-  
 lares Solares à Martio: à Septembri verò Epactas  
 & regulares Lunares, & secundum quosdam  
 Embolismos. Vnde versus,

Aureus in Iano numerus, Clauésque no-  
 uantur.

Litera sic Domini nouat, & Bissextus  
 eandem.

Mars Concurrentem renouat, September E-  
 pactas.



IO. DE SACRO BOSCO  
DE MUTATIONE FERIA-  
rum in singulis annis, & singulis  
mensibus annorum.

**S**Vnt quidem in anno 52. septimanae, & unus  
dies, & quarta ferè diei, prout in predictis in-  
nuitur. Dies igitur iste residuus variat septima-  
nas, & est causa quare festa Sanctorum & lite-  
ra Dominicalis singulis annis variantur: & quòd  
Calendarium in *A*, incipit, est origo Concurr-  
entium: sed cum nullus dies sit extra septimanam,  
dies iste pars erit septimane sequentis, & sic an-  
ni initium. Vnde per septimanas computando in-  
tegras, in tot diebus fit anni anticipatio quotus  
est Concurrrens. Sic igitur annus Cycli ultimus,  
53. continet septimanas ¶ Quòd autem Festa  
Sanctorum per istum diem variantur, sic patet.  
Si Festum aliquod in hoc anno fuerit in die Do-  
minico, in anno sequenti idem erit in die Lunæ:  
& si Bissextus fuerit, in die Martis. Hæc eadem  
variatio est per singulorum mensium Calendas.

Vnde ad habendum generaliter & artificiosè  
quota feria quilibet mensis incipiat, inuenti sunt  
duo numeri, Concurrrens scilicet, & Regularis  
Solaris.

Est autem Concurrrens numerus, septenarium  
non excedens, proveniens ex superabundantia  
anni



anni diuisi per septimanas. Numerus dico largè, ut Vnitas numerus appelletur, quoniam quandoque Vnitas est Concurrrens. Non excedens septenarium, dico: quia Concurrrens septem non transit, sed petit assem. Cum enim septem sint feriæ tantum in septimana, & Concurrrens cum regulari habeat ostendere primam feriam mensis, neuter eorum excedit septenarium. Proueniens ex superabundantia dico, quoniam ille dies, qui relinquitur ultra septimanas in anno, est causa Concurrentis.

Primus igitur annus Cycli Solaris Vnitatem habet pro Concurrente. Secundus, binarium. Tertius, ternarium. Quartus, quinarium, vno die superaddito propter Bissexum. Quintus, senarium. Sextus, septenarium. Septimus, Vnitatem. Octauus, ternarium propter Bissexum. Et eodem modo computandum est donec perueniatur ad 28. annum, ubi septenarius est Concurrrens, & est annus Bissextilis. Postea verò redibit penitus idem status, in formatione Concurrentium, unde & spatium 28. annorum dicitur Cyclus Concurrentium. Per hos autem versus scitur quis numerus sit Concurrrens in quolibet anno Cycli.

- „ Quam Feriam Martis F. litera significabit,
- „ Illius in numero Concurrrens seruiet anno.

Vide enim quota feria significetur per primum F in Martio, & talis est Concurrrens illius

anni . Vel sic.

2. 3.  
E. D. „ Sex habet A. B, quinq; tenet. C, quatuor. & D,  
5. 6.  
B. „ Tres habet. E, que duos. F vnum. G, quoque  
7. „ septem.

Quoties enim A, est litera Dominicalis, sena-  
rius est Concurrents : quoties B, quinariis, & ita  
deinceps. Dicitur autem Concurrents à con: quod  
est simul, currere, quoniam simul currit cum re-  
gulari, ad ostendendum quota feria quilibet  
mensis incipit.

Regularis solaris est numerus, septenarium  
non excedens, qui adiunctus Concurrenti pri-  
mas ferias mensium indicat. Numerus dico, ut  
prius. Non excedens septem dico, ut prius. Sed  
istud membrum, Qui adiunctus, & c. ostendit tam  
officium Concurrentis, quàm regularis. Habet  
autem nunc, & semper habebit quilibet mensis tot  
pro regulari, quota feria incepit à principio mun-  
di. Mundus autem factus est 15. Calendas Aprilis:  
Vnde ibi solet notari primus dies sæculi, & Sol in  
Ariete. Vnde versus,

„ Principium mundi reuouat G. tertia Martis.

Constat quidem quòd primus dies sæculi, fue-  
rit diēs Dominicus. Illa igitur G, fuit litera Do-  
minicalis. Supposito itaque per totum annum se-  
quentem, quòd G, sit litera Dominicalis, patet qua  
feria menses incipiant, & sic per consequens pa-

tent regulares. Habet autem Martius quinarium pro regulari, tanquam habuisset omnes dies suos integrales: vel regularis Martij provenit ex numero quatuor dierum remanentium ultra divisionem dierum anni intra singulos menses per 30. factam. Habito igitur vno regulari, scilicet Martij, sic per artem formari possunt omnes aliorum mensium regulares. Numero dierum Martij, iunge eius regularem, & ab illis simul iunctis subtrahatur septenarius, quoties poterit, & remanebit unitas, quæ est regularis Aprilis: & similiter faciendum est de omnibus aliis mensibus, hoc etiam prænotato, quod si nihil sit residuum, septenarius erit regularis mensis subsequens. Per hos autem versus sine labore possunt haberi omnium mensium regulares.

- „ Quinque No, Mar, Iu, Fe. Sex, A. Iul. affem,  
 „ Sep, Déque septem,  
 „ Oc. duo, Ma. Iaque tres habet, Au. duo bus re-  
 „ gulares.

Habitis igitur Concurrente, & regulari, insimul iunguntur, & si ex eorum coniunctione resultet septenarius, vel minor numerus, à tali feria incipit mensis, cuius regularem sumpsisti. Si autem maior, reiice septem, & quotus erit numerus residuus, à tali feria incipit mensis, cuius regularis sumebatur. Vnde versus,

# IO. DE SACRO BOSCO

- „ Dant feriam mensis Concurrrens & Regularis.
- „ Cùm plus sit septem, reliquum cape, reuice septem.

Dicitur autem Regularis, quia regulariter cum Concurrente primam feriam mensis ostendit.

Et dicitur Solaris ad differentiam Regularis Lunaris.

## DE ANNO BIS.

### S E X T I L I.

SEX autem horarum diem Bissextilem integrantium nunc restat assignatio. Est autem Bissextus in Februarium, quarto anno Cycli Solaris (ut cursui Solis tempus adæquetur) diei vnius interpositio. sunt enim in anno Solari 365. dies, & 6. horarum ferè integritas, prout in prædictis manifestatur: gratia tamen confusionis vitandæ completæ supponuntur.

Quoniam igitur difficile esset has 6. horas cui-libet anno continuare, ita quòd nunquam in diem redactæ alicubi ponerentur: nam secundum hoc, si annus præcedens incipiat à manè, secundus à meridie, tertius à vespere, quartus à media nocte inciperet: quare prouisum est, quòd sex horæ excedentes in primo anno, & sex in secundo, & sex in tertio, reseruentur ad sex horas quarti anni:

ni: Vnde sic in anno quarto dies vnus, ex quater sex horis colligitur. Iste igitur dies ita particulariter collectus, interponitur in Februario, quoniam mensium breuissimus est, & secundum rationes prædictas, vltimus. Et quoniam quando est Annus Bissextilis, in Ecclesiis Cathedralibus legentes in Martylogio, bis pronunciant sexto Calendas Martij, duos dies ponentes super eandem litteram, ideo Bissextus dicitur. Duo igitur dies cum super eandem F, computentur, in sequenti die debet celebrari festum Mathie Apostoli.

Vnde versus,

„ Bissextum sextæ Martis tenuere Calendæ,

„ Posteriore die celebrantur festa Mathiæ.

Ratio autem quare in eo loco intercaletur Bissextus, est hæc. Senarius est primus numerus perfectus, & illo die est quasi perfectio anni. Vnde interponitur die denominato, à numero perfecto, & non in vltimo, ne festum Terminii mobilitaretur. Numerus autem perfectus est, cuius partes aliquotæ simul aggregatæ, ipsum numerum præcisè perficiunt. Et hac ratione dici potest, quòd in Februarium interponitur, cum dies eius in secundo numero perfecto consistant.

Vtrum autem annus sit Bissextilis necne, sic scitur. Numerus annorum Domini ab eius Natiuitate inceptorum per 4 diuidatur, & si nihil resi-

duum, præsens annus est Bissextilis. Si autem residuum siue 1. siue 2. siue 3. ostendit annum post Bissextum. Vnde versus,

- „ Tunc bissextus erit, partes per quatuor æquas  
 „ Annos partiri cū poteris Domini.

Notandum est etiam quod nisi Bissextus obseruaretur in 364. annis, contingeret natalem Domini in tam longis diebus celebrari, sicut nunc celebratur Annunciatio Domini: quod sic patet. In tot annis, cū quartus sit semper Bissextilis, contingunt 91, dies, qui numerus est quarta pars 364 dierum, sed ex 91 diebus possunt perfici tres menses, duo, scilicet 30 dierum, & vnus 31 dierum. Et isti tres menses sunt quarta pars anni, quæ si esset subtrahenda, cōtingeret prædictum inconueniens, vel fortè peius, scilicet, quod natalis Domini celebraretur, vbi nunc celebratur festum Ioannis Baptiste: quod patet consideranti, si duplentur anni.

## DE CYCLO SOLARI, & inuenienda litera Dominicali.

**V**iso quid sit Concurrrens, quid Bissextus, sequitur de Cyclo Solari, qui est quasi istorum annorum effectus. Est igitur Cyclos Solaris, reuolutio temporis, in qua considerantur omnes variationes,

riationes, quæ fiunt in anno Solari, per Concurrentem & Bissextum. Et completur ille Cyclus, quando ultra septimanas integras nihil est residuum de diebus excrescentibus, ultra annum hebdomaticum, qui sunt causa Concurrentium, nec de horis excrescentibus singulis annis, ultra dies anni, ex quibus provenit Bissextus, & illud spatium est 28 annorum, quoniam in tanto tempore complentur omnes istæ variationes, & quodlibet festum per quamlibet feriam variatur, & Bissextus in qualibet feria contingit, & ita in toto Cyclo ex diebus Bissextilibus integratur una Septimana, sicut patet depingenti Cyclum Solarem & tabulam Concurrentium.



Cum autem Cyclus sit circulus, & in circulo contingat ubicunque volueris principium assignare, non est mirandum si Cyclus Solaris secundum diuersos diuersa habeat principia. Discretio igitur Cycli Solaris secundum veritatem & vtilitatem



considerationem, in his habetur versibus,

„ Fons est dans bis agro, Fundus cibat, aufer edacē.

„ Augens fert escas, Bos aut gens, edacibus glans.

Istorum versuum singula syllabæ singulis annis  
Cycli Solaris per ordinem deseruiunt, prima primo,  
secunda secundo, & ita deinceps.

Prima igitur utilitas horum versuum est, ut  
sciatur litera Dominicalis: quæ enim litera est  
inchoatiua syllabæ, Dominicalis erit per totum  
annum, cui deseruit illa syllaba, nisi Bissextus fue-  
rit. Si autem fuerit Bissextus, litera illa Dominica-  
lis erit per decem menses, sumpto initio à Mar-  
tio: & litera quæ signatur extrà, fuit litera Domi-  
nicalis per Ianuarium & Februarium, vsque ad  
locum Bissexti.

Secunda utilitas est, ut sciatur, quòd habita li-  
tera Dominicalis, statim per hunc versum habetur  
Concurrens.

F. E. D. C. B. A. G. Concurrentes posuere.

Quoties enim F. est litera Dominicalis, vnitas est  
Concurrens, quoties E. binarius, & ita de aliis, ob-  
seruato ordine literarum positarum in versu.

Tertia utilitas est, ut sciatur, vtrum annus sit  
Bissextilis, necne. Sumantur igitur in septem digi-  
tis duarum manuum, ita quòd primus annus Cy-  
cli, sit in radice indicis sinistrae manus, secundus in  
iunctura proxima, tertius in superiori, quartus in  
summita-



summitate indicis, quintus in radice maioris digiti, & ita ascendendo, donec compleatur Cyclus.

Dico igitur quòd in septem summitatibus sunt septem anni Bissextiles, in radicibus verò primi anni, post Bissextum, & sic deinceps.

Hoc etiam scitur per tale Abecedarium retrogradum. G. F. E. D. C. B. A. Quoties enim in supradictis versibus transilitur aliqua litera istius Abecedarij, tunc est annus Bissextilis, & litera pertransita, erit litera Dominicalis, per duos menses sicut prædictum est. Litera verò prima syllabæ sequentis, ubi factus est transitus, erit litera Dominicalis per decem menses. Literæ itaque Bissextiles, in septem annis Bissextilibus, ex quibus in toto Cyclo una colligitur septimana, in hoc habentur versu.

„ Cōstans est genitor, bona donat, fertilis author.

Cyclus verò Solaris, secundum Dionysium, non incipit ab eo anno quem nos cum Gerlando constituimus principium, sed à duodecimo illius, ubi F, est litera Dominicalis, & vnitas Concurrrens, quemadmodum in primo anno. sed est annus Bissextus, cuius quidem descriptio his versibus continetur.

„ Fallitur Eua dolo, cibus Adæ gaudia finit,

„ Et cū botrus adhuc germinet, Eua dolet.

„ Christus bella gerit, finitur eo duce bellum,

„ Ad gravidam fit dux, cuncta beavit *Aue*.  
 Eadem enim est ars in istis, quæ in superioribus:  
 Sed hic per dictiones, ibi per syllabas, & habent  
 initium à summitate indicis, per annum Bissexti-  
 lem, discurrendo per summitates & iuncturas di-  
 gitorum, ut prius. Et prima litera dictionis, Domini-  
 calis erit, ut prius.

Hoc autem artificio scire possumus, in quoto an-  
 no Cycli sumus, quo ad eius ordinationem natu-  
 ralem, & usum Ecclesiæ. Addantur annis Do-  
 mini 20. nam Vigeno primo Christus natus fuit  
 anno, & tota summa per 28 annos diuidatur: fa-  
 cta igitur diuisione, si nihil est residuum, sumus in  
 ultimo anno Cycli: si autem est residuum, ostendit  
 nobis in quoto anno Cycli simus. Sed si, in quoto  
 anno Cycli, secundum Dionysium, simus, scire vo-  
 lueris, annis Domini addantur nouem.

„ Nam decimus Solis, Christo nato fuit annus  
 „ Errans, in Cyclo fert ut Dionysius Abbas.  
 Et totum per 28 diuide, ut prius: & patebit quæsitum.

DE QUATVOR TEMPORI-  
 bus anni, nempe Vere, Aestate, Autum-  
 no, & Hyeme, & de Ieiuniis.

Cum autem generalis temporis permutatio  
 præcipue à Sole fiat, cuius appropinquatio ca-  
 lesfacit,

lefacit, mora verò vicinitatis desiccet, remotio quidem infrigidat, sed mora remotionis humectat, secundum eius approximationem, elongationem, vel mediocrem quoad nos consistēciam, quatuor distinguuntur anni tempora, scilicet Ver, Aestas, Autumnus, & Hyems.

Est enim tempus anni, in quacunque quatuor quadrarum Zodiaci, puncto vel solstitiali, vel æquinoctij inchoata, Solis peragratio. Ver autem dicitur à vireo vires, quia tunc omnia virent & florent. Aestas dicitur ab æstu, id est, fervore. Autumnus dicitur à bonorum anni augmentatione, vel ab autumus, quòd est idem, quod morbidum vel tempestuosum. Est enim tempus frigidum & siccum. Hyems dicitur ab huius, quod est dimidium. Vulgus enim diuidit annū in Hyemem & Aestatem, largè appellans Hyemem anni medietatem. Istorum quidem quatuor anni temporum qualitatibus, quatuor mundi regiones, quatuor Venci Cardinales, quatuor Elementa, quatuor corporis humores, & quatuor hominis ætates complexione conuertuntur, prout in subiecta clarescit figura.

	Calida	Calida et	Frigid. et	Frigida et
	et sicca	humida.	humida.	sicca.
Mūdi regio.	Oriens	Meridies	Occidens	Septētrio.
Vēti Cardi.	Eurus	Auster	Zephyrus	Boreas.
Elementa.	Ignis	Aër	Aqua	Terra.
Partes anni.	Aestas	Ver	Hyems	Autūn <sup>9</sup> .
4. humores.	Cholera	Sanguis	Phlegma	Melācho.
4. etates.	Iuuet <sup>9</sup>	Adolesc.	Senium	Senectus

De naturis autem reliquorum ventorum, iudicabis ex cognatione, quam habent cum ventis Cardinalibus. Cognatio autem sequentibus patet versibus,

- „ Euro Vulturnus, Subsolanusque sodales.
- „ Aphricus atq; Notus Austro sunt collateralē.
- „ Et Zephyrū, Chorus, Fauonius atque sequuntur.
- „ Circius ac Aquilo Boream stipare feruntur.

Principia verò & terminationes quatuor anni temporum, quo ad Ecclesiam, in his habentur versibus,

- „ Ver Petro detur: Aestas exinde sequetur;
- „ Hāc dabit Vrbanus: Autumnū Symphorianus:
- „ Festum Clementis hyemis caput est orientis.

Secundū Astronomos verò per quatuor quadras Zodiaci, ista distinguuntur tempora.

Vnde

Vnde versus,

„ Zodiaci caput est Aries, & veris & anni,

„ Aestatis Cancer, autumnii pendula Libra.

„ Incipit ex imo pluuiialis hyems Capricorno.

Sed in quibus mensibus, & quoto die mēsis initium habeant, sic pater,

„ Martius à medio ver dicit, Iunius aestum.

„ Autumnum September habet, brumámque December.

Habet autem tam aestas quàm autumnus 91 dies. Hyems verò 92 propter diem imparitatis, ultra septimanas in fine Decembris assignatum.

Ver quidem habebit 92 dies, si Bissextus fuerit, sin autem non, 91 dies, quemadmodum aestas & autumnus. In prædictis autem versibus si non assignantur cuilibet parti tot dies, quot assignandos iam diximus, hoc ideo contingit, quoniam principia & terminationes prædictarum anni partium, per festa notabiliora, volunt notificari, & circa eorum principia non sunt festa magis notabilia. Non igitur fiat vis in hoc, si vnus vel duo dies vnus partis, computentur cum diebus alterius partis.

In his quatuor temporibus siue anni partibus sunt duo Solstitia, & duo Aequinoctia. Dicitur Solstitium, non quia Sol aliquando stet, sed quia tunc est in maximo accessu ad Zenith capitis no-

stri, vel iterum in maximo recessu à Zenith capitis nostri. Zenith autem punctus quidam est firmamenti, capitibus nostris directe suprapositus.

Aequinoctium verò dicitur, quando dies artificialis nocti adequatur. In quibus igitur signis contingant Solstitia, & aequinoctia, patet in his versibus,

„ Hæc duo Solstitia faciunt, Cancer, Capricornus:  
„ Sed noctes æquant Aries & Libra diebus.

Est itaque Solstitium hyemale, circa principium & introitum Solis in Capricornum, scilicet in medio Decembris. Tunc enim Sol maximè recedit à Zenith capitis nostri, siue à nostro habitabili. Solstitium verò æstivale est circa principium Cancræ, in medio Iunij. Sol enim tunc maximè accedit ad nostrum Zenith, in nostro habitabili. Cum autem Sol recedens à primo puncto Capricorni, venit ad locum medium inter utrumque Solstitium, facit aequinoctium circa medium Martij, in principio Arietis. Et quoniam contingit in vere, dicitur aequinoctium vernale. Sol verò discedens à Cancro versus Capricornum, venit ad locum medium inter utrumque, & tunc facit aequinoctium. Et quia contingit in autumno, dicitur aequinoctium autumnale, in medio Septembris, scilicet circa introitum Solis in Libram.

De certis quidem diebus Solstitiorum, & æquino-

quinoctiorum, dubium est apud modernos. Dixerunt enim veteres, quod Sol intrat nouum signum 15 Calendas alicuius mensis. Vnde versus,

„Semper quindenis ponuntur signa Calendis.

Et octauo die post, dixerunt esse Solstitium, vel æquinoctium. Vnde patet, cum Sol intret Capricornum 15 Calendas Ianuarij, & octauo die post, debet esse Solstitium. Erit Solstitium Hyemale, in die Natiuitatis Domini, scilicet 8 Calēdas Ianuarij. Similiter cum Sol intrat Cancrum 15 Calendas Iulij, erit Solstitium æstiuale in die Natiuitatis beati Ioannis Baptiste. Similiter est de æquinoctiis. Quoniam cum Sol intret Arietem 15 Calendas Aprilis, erit æquinoctium vernale, ubi notatur Annunciatio Domini, scilicet 8 Calendas Aprilis. Cum Sol iterum intrat Libram 15 Calendas Octobris, erit æquinoctium autumnale in die conceptionis Ioannis Baptiste, scilicet 8 Calendas Octobris: Sed quod Solstitium hyemale fuerit in die sexto, tempore natiuitatis Domini, ante eius ortum, æstiuale sexto die ante natiuitatem Beati Ioannis Baptiste: ostendi per hoc videtur, quod cursui Solus, plus temporis quam debeat, attribuitur, vnde & retrocedunt Solstitia & æquinoctia. Quantum enim ad veritatis sensibilitatem, Sol moratur in quolibet signorum per 30 dies, & 10 horas, & 29 minu. & 36



secundum licet 30 minuta minus complete una medietas horæ unius supponantur, prout in prædictis sensibilibus exprimitur. Unde una centesima & quinquagesima pars unius horæ, scilicet 24 secunda in omni superflue computantur signo. Et cum 12 sint signa, erunt duodecies 24 secunda, ex quibus in unum redactis, pars horæ duodecima conficitur. Sic igitur in 12 annis, hora una integrabitur. Unde cum dies naturalis ex 24 horis constet, in duodecies 24 annis, hoc est, in 288 annis, dies unus naturalis superfluere reperietur.

Nunc igitur cum in die 10, Solstitium hyemale natiuitatem Domini, die natiuitatis computato, æstiuale beati Ioannis Baptiste, antecedit (quod diuersis lucefcit rationibus) & non nisi quater prædictus numerus ab annis Domini subtrahi possit, relinquitur quod tempore natiuitatis Domini, & beati Ioannis in sexto die præcesserit Solstitium, & sic nunc est in decimo. Idem etiam respectu annunciationis Dominicæ, & conceptionis Ioannis Baptiste de Aequinoctiis inuenitur. Unde versus,

- „ Solstitium decimo Christum præit atque Ioannē.  
 „ Nuncia sic matris nox æqua, diēque Ioannis.

Solstiorum autem & æquinoctiorum retrocessionis error, Calendario ordini restituto, saltem in die vitabitur, si in postremo temporis istius



istius anno, scilicet 288 annorū, in fine Februarij dies vnus surripiatur, vel decentius dici Bissextilis prætermittatur appositio, qui ex diuisione annorum Domini per numerum prædictum, cum nihil remanserit, percipietur. Hæc etiam eadem, Lunæ primationem per plurima sæculorum spatia itidem in die stabiliret, subtractio. Vnde & hîc ex huiusmodi diei subtractione annus decurtationis, siue ex temporum æquationis iucunditate annus Iubilationis appellari meretur.

NOTANDVM etiam quòd in quolibet quatuor anni temporum, est quoddam ieiunium trium dierum. Ieiunium enim celebramus in vere, vt sicut tunc omnia virent, ita in nobis viuant virtutum opera, vel vt in nobis temperetur ille humor, qui assimilatur veri, sanguis scilicet, qui est calidus & humidus. Ieiunamus in æstare, vt simus feruentes in charitate, vel vt in nobis temperetur humor ille qui assimilatur æstati, scilicet cholera, quæ est calida & sicca. Ieiunamus etiam in autumno, vt in nobis proueniat fructus bonorum operum, vel vt in nobis temperetur humor ille, qui assimilatur autumno, melancholia scilicet quæ est frigida & sicca. Ieiunamus etiam in hyeme, vt sicut tunc defluunt folia ab arboribus, & moriuntur herbæ prauæ, ita in nobis moriantur vitia & superfluitates à nobis defluant:

Vel ut in nobis temperetur humor ille, qui assimilat<sup>ur</sup> hyemi, scilicet Phlegma, quod est frigidum & humidum. Quibus igitur diebus & quando hæc ieiunia celebrari debeant, per hos scitur versus,

„ Vult Crux, Lucia, Cineres, Charismata dia,

„ Ut sit in angaria quarta sequens feria.

Quoniam etiam quorundam Apostolorum vigilia, ex primitivæ Ecclesiæ institutione ieiunium observant, ad illarum retinendam versus isti assignantur.

„ Petrus & Andreas, Paulus cū Simone Iudas,

„ Ut ieiunemus nos admonet, atque Mathæus.

„ Sabbata ieiunes, ni Solus lux tenet ipsos.

In vigiliis etiam omnium aliorum, nisi solennis patriæ consuetudo obuiaverit, Dominus Papa ieiunare confirmavit, præterquam in vigilia Ioannis Evangelistæ, die secunda natiuitatis Domini, & vigilia Philippi & Iacobi pridie Calendas Maij, cū tunc sit tempus iucunditatis & letitiæ. Sunt etiam præter prædicta sex festa alia in anno canonizata, in quorum vigiliis Ecclesia ieiunium celebrat, quæ in his patent versibus,

„ Nat. Domini, Petæque Ioa. Lau. supplico sancto.

„ Horum vigilia ieiunes, Lucæque Marci.

Quoniam aduentus Domini penes literæ Dominicalis diuersitatem in anno solari variatur, ad habendum certum diem aduentus Domini, scian-

tur isti versus,

„ *Andreae festo vicinior ordine quouis*

„ *Aduentum Domini feria prima notat.*

„ *Si cadit in lucem Domini, celebratur ibidem.*

*Hæc itaque de pertinentibus ad cursum Solis scire  
sufficiat computistis.*

ALTERA PARS COM-  
puti, de distinctione temporis ratione mo-  
tus Lunæ.

De illuminationibus Lunæ.

CVM ex motu Lunæ, quemadmodum & So-  
lus, plures Ecclesia consequatur utilitates, de  
eius motibus, & luminis receptione, & utilitati-  
bus, ex his consequentibus, quanto sensibilius po-  
terit, existimo esse expediendum. Vt igitur innuit  
Martianus, quamuis Luna sapientum assertionem,  
menstruum lumen habere ostendatur. Quod ta-  
men pleni orbis sit semper in lumine, non est du-  
bium. Nam in parte illa, qua se Soli obicit, omni  
hemisphærio collustratur. Vnde cum nobis trice-  
sima nullum lumen ostendet, superius qua Solem  
aspicit pleno lumine lucebat, & cum à Sole discen-  
dens, eum à latere cœperit intueri, pro parte infe-  
rius lumen acquirit, donec deinceps è contrario

posita in tota parte quam terris opponit illuminetur. Circuit enim eius globum Undique nitor Solis, & medietati quam aspicit, semper lumen indulget.

Huius ergo primi luminis effigies, cornibus circulata *μηνοειδής*, dicitur, scilicet cum duobus punctis, siue 6 gradibus à Sole distans nobis apparere inceperit. Cum autem à Sole distantis 90 partibus, orbem eius radius Solaris illuminauerit, quasi septima, *διχότομος* perhibetur. Alius etiam 45 partibus iterum adiectis, velut undecima, *ἀμφίκυρτος* nominatur. Cum verò 180 partibus à Sole discesserit, è contrario posita in parte inferiori, nobis opposita, vniuersaliter illuminatur, tanquam quinta decima *πανσέληνος* dicitur. Postea quidem deficiens, cum prædictis partibus nomina eodem modo commemorata recipit, prout patet in figura.

Coniunctio dicitur etiam *Νεομηνία, σύνοδος*, Nouilunium, Interlunium, Primatio.

Prima Luna, *μηνοειδής*, Corniculans, falcata, nondum semiplena.

Septima, *διχότομος, ἡμίτομος*, semiplena, dimidiata.

Undecima, *Αμφίκυρτος*, Gibbosa, Turgida.

Decimaquinta, *πανσέληνος*, Plenilunium, Oppositio.

FIGVRA

DE ANNI RATIONE. 29  
 FIGVRA DE ILLVMINA-  
 TIONE LVNAB.



IO. DE SACRO BOSCO  
DE MENSIBVS  
LUNARIBVS.

**M**ensium autem Lunarium quatuor sunt species. Est enim mensis peragratiōis, mensis apparitiōis, mensis medicinalis, & mensis consecutiōis.

Primus itaque mensis, peragratiōis scilicet, est spatium temporis, quo Luna circuit Zodiacum, exiens ab vno puncto, proprio motu, rediens iterum in idem: vnde ex huiusmodi in circulo signorum reuolutione, annus à pluribus nuncupatur: cuius quidem punctalis perfectio, secundum sensum scire satagentibus, ex motu ipsius Lunæ diurno commensurari potest. Est autem motus Lunæ diurnus 13 gradus, 10 minuta, 34 secunda, 58 tertia, 33 quarta, 30 quinta, & 30 in sextis. Gradus quidem est, 360 pars circuli, 60 verò pars gradus, minutum: minuti 60, secundum, & ita deinceps. Si itaque motus iste tum in se tum in suis partibus, à toto Zodiaco, in sexta redactō, quotiens poterit subtrahatur, exhibit mensis peragratiōis, scilicet 27 dierum, & 7 horarum, & 43. minutorum, 7 secundorum, 15 tertiorum, 36 quartorum, & 55 quintorum. Erit ergo mora Lunæ sub quolibet signo duorum dierum, 6 horarum, 39 minutorum: frequens tamen vniuerso-

rum

rum usus, cum minimum desit, 40 id est bessem horæ complet supponitæ. Vnde mensis Peragratiōnis ex 27 diebus & 8 horis, hac constabit suppositione. Vnde versus,

- „ Percurrit Cyclum viginti Luna diebus,  
 „ Septenisque suum, bis quatuor insuper horis.

Luna quidem cūm præsīt noctibus, dies computationis eius à Solis occasu incipere debet, nobis e-contrario diem Solis discernentibus.

Secundus verò mensis dicitur apparitionis, constans ex 28 diebus, per 4 hebdomadas vulgari-ter distributis. Quarum prima est à principio apparitionis Lune, usque in diem septimum, & ita deinceps, vnde quarta hebdomada in 28. die terminatur. Horæ enim combustæ, scilicet dum Luna sub radius solaribus moratur, non computantur. Cuius immutationis diuersitatem quo ad nos, corporum fluidorum, sicut medullarum, & cerebellorum natura, & præcipuè motus maris imitatur. Vnde versus,

- „ Hebdomada prima collabitur æquoris vnda,  
 „ Aestuat vnda maris tãquam seruore secunda,  
 „ Tertia cogit aquas minui, velut igne reducto:  
 „ Vltima fundit eas ex aëre littore toto.

Et Lucanus,

- „ Luna suis vicibus Thetyn terrenâq; miscet.  
 Cūm enim Luna meridianum teneat in Austro,



sive punctum oppositum, in angusto terræ mare plenum est. Cum verò in Oriente vel in Occidente teneat horizontem, completè retractum est.

Secundum medicos quidem mensis iste supponitur 26 dierum, & dimidiij, Galeno perhibente. Vnde mensis medicinalis, in vtriusque istorum mensium medio æqualiter consistens efficitur, scilicet 27 dierum, duabus horis exceptis, & in 4 partitur septimanas, diuidendo eum per minuta.

Quartus quidem mensis Consecutionis dicitur, & est spatium temporis quo Luna accensa à Sole peragrat circulum suum, rediens ad punctum, ubi accensa fuit: sed cum ibi Solem non inueniat, quoniam Sol interim ferè pertransiuit vnum signum, ipsa attingit Solem spatio 2 dierum, & 4 horarum, 44 minutorum, trium secundorum, & 16 tertiorum, & erit iterum in coniunctione cum Sole. Deinde denuo procedens, rursus nasci ac renouari dicitur, vnde mensis iste continet 29 dies, & dimidium, cum minutorum fractionibus, sicut patet per Alfraganum in 1 differentia, & Ptolemæum in dictione quarta Almagesti, & ex motibus Solis & Lunæ diurnis. Si enim supponatur Sol & Luna in eodem puncto, & sumantur motus vtriusque in tempore commemorato: inuenietur Sol pertransisse circiter



signum vnum, & Luna totum Zodiacum, & circiter signum vnum. Erunt igitur iterum in coniunctione, vnde iste appellatur mensis Consecutionis. Cuius quatuor à Philosophis distinguuntur ætates, quarum primam, calidam & humidam: secundam, calidam & siccam: tertiam, frigidam & siccam: quartam, frigidam & humidam esse asserunt. Sic igitur patet, quòd quælibet Lunatio naturaliter 29 dierum est, & dimidij, cum prædictis minorum fractionibus. Sed cum Ecclesia nec menses nec annos, secundum numerum dierum incompletum computet, semper omisus minutis ad Embolismorum restorationem, transferet dimidium diem vnus lunationis ad dimidium diem alterius lunationis, computans vnam lunationem 30 dierum, aliam 29 dierum. Hoc tamen impeditur quandoque per Bissextum, quandoque per Embolismum, & per saltum Lunæ, & cum vna Lunatio secundum Ecclesiæ computationem sit 30 dierum, alia 29, lunatio parium dierum attribuitur mensi impari, & e conuerso.

Vnde versus,

„ Impar Luna pari, par fiet in impare mense.

„ Sicutem queratur quare sic? Sciendum quòd, secundum primam mensium à Iulio institutionem, mensis in impari loco positus, semper fuit plurius dierum, & ratio exigit, vt mensis in nu-

mero dierum maiori maior attribuitur Lunatio: Vnde sic adhuc adoleuit vsus. Item Lunatio dicitur semper illius mensis in quo terminatur.

Vnde versus.

„ In quo completur mensi Lunatio detur.

Si autem duæ Lunationes terminentur in vno mense, altera illarum erit irregularis, scilicet embolismalis, id est, hoc fiet mediante embolismo.

Qualiter autem Bissextus impediatur Lunationis alterationem, sic patet. Regula enim est, quod semper in anno Bissextili Lunatio Februarij est 30 dierum in aliis verò annis 29 dierum, & hoc propter diem vnum excrescentem per Bissextum. Vnde in anno Bissextili Lunationes tres erunt continuò triginta dierum, scilicet Ianuarij, Februarij, & Martij.

Notandum etiam, quod quoties Lunatio Martij incipit ante locum Bissexti, & sit annus Bissextilis, videtur duplex inconueniens contingere, scilicet quod Lunatio Martij sit 31. dierum, quod est inauditum, & Lunatio Februarij 29 dierum tantum, quod est contra regulam iam dictam. Ad hoc autem soluendum nota, quod vbi Lunatio, scilicet Martij, debet pronunciari prima, in tali loco Lunatio Februarij pronunciabitur 30. & ita numerus, designans primationem Lunationis, intelligatur poni in sequenti loco.

*Hoc etiam notatur in quibusdam Calendariis, per quendam numerum extra scriptum, à tertio Nonarum Februarij, vsque ad locum Bissexti, ita quod 19 ponatur extra, contra pridie Nonas, 8 verò contra Nonas, & sic descendendo vsque ad locum bissexti. Istud idem similiter notatur quibusdam lineis obliquè protractis ab iisdem locis vsque ad Bissextum.*

## DE ÆTATE LUNÆ IN- uenienda & Cyclo decennouennali.

**A**D habendam autem ætatem Lunæ singulis Annis, hoc est, tempus accensionis eius à Sole, primò inueniebantur tabulæ à Romanis. Deinde Chaldæi aureum numerum inuenerunt, & Romanam miserunt. Romani igitur numerum illum, propter eius facilitatem & utilitatem, in Calendariis suis aureis literis scripserunt, unde adhuc aureus appellatur numerus. In primo igitur anno Cycli decennouennalis, per totum annum primationes Lunæ per vnitatem notantur, in secundo per 2 & ita deinceps. Transiens igitur à Decembri in Ianuarium, transibit ab vnitatem in 2, ponendo binarium super E literam, pridie Idus Ianuarij. Similiter variabitur ordo in cæteris annis, unde cum Cyclus iste contineat 19 annos, inter

numeros prædictos 19, maximus erit.

Ponitur ergo in prima die Ianuarij 3, quoniam ita contingit in tertio anno istius Cycli, quòd in primo die Ianuarij semper Luna fuerit prima, licet aliter modò contingat. Ab isto itaque numero formantur alij numeri sequentes, per additionem 8, ita tamen quòd si excreseat maior numerus quàm 19 reiectis 19, residuum sumatur. Hoc ideo fit, quoniam primationem cuiuslibet anni sequitur immediate primatio anni octavi post: & si aliquid deletur, in loco proximo scribatur: si verò nihil, vnus punctus vacuus relinquatur.

In aureo autem numero ferè per totum Calendarium minor sequitur maiorem numerum immediate, vel maior minorem mediatè. Istud tamen habet instantiã in 12 locis in Calendario, ita quòd in 6 locis iuxta principia 6 mensium, pari numero signatorum, vt secundo, quarto, &c. reliquæ 6 instantiæ sunt iuxta fines sex mensium continuè sumptorum habito initio à Iulio, quod totum in his continetur versibus,

- „ Aureus hac arte numerus formatur aperte.
- „ Prima dies Iani, quæ ianua dicitur anni,
- „ Ternarium retinet, ne posterus ordo vacillet.
- „ Per præcedentem numerum dant octo sequen-
- „ tem.
- „ Si decimum nonum superabis sic numerando,

Tolle

- „ Tolle decem , pariter que nouem , reliquum re-  
„ tinendo.
- „ Maiori numero debetur tertius ordo.
- „ Si minor assequitur, maiori continuatur.
- „ Per biffena loca non est hæc regula firma.
- „ Tres Februi quarto nonarum continuato.
- „ Quatuor opponas sub Aprilis pridie nonas.
- „ Tot Iunius laterat, vbi nonus quatuor aptat.
- „ Augusti capite tres debes continuare.
- „ Quatuor Octobris lateratim pone Calendis.
- „ In quartis nonis duodeni denique mensis.
- „ Linea tredecimum tenet vna , simulque se-  
„ cundum.
- „ Excipe sex mēses, Iulium prius atque sequentes,
- „ His quamuis crescat vndenis summa propin-  
„ quat.
- „ Octo minor numerus sequitur, nec cōtinuatur.
- „ Tali quippe modo describitur aureus ordo.
- „ Est autem Cyclus decennouennalis 19 an-  
norum solarium reuolutio , in qua omnis Lunæ  
primationis diuersitas, ad pristinam reuertitur po-  
sitionem , secundum quam procedimus , prima-  
tiones lunationum assignando, & cui deseruit au-  
reus numerus . Romani autem quemdam alium  
inuenerunt Cyclum , qui Lunaris dicebatur , penes  
quem Lunæ accensionis diem, & horam assigna-  
uerunt, huic scilicet consimilem , in ordine tamen

inceptionis differentem. Incipit enim in Calendis Ianuarij, tertio videlicet anno Cycli decennouennalis, vel secundum alios quarto; qui in nomine tantum ab illis discrepant. Illum enim quartum, quem alij tertium vocant, considerantes, annum Cycli decennouennalis, secundum lunationem Paschalem incepere. Ut cum primus & secundus sint communes, tertius verò Embolismalis, de necessitate oportet primum dicere, quando primatio Paschalis per 19 notatur pridie nonas Aprilis. ab ista enim primatione vsque ad illam, quæ per vnitatem currit, est annus communis, & ita deinceps. Posita igitur vnitatem in Calendis Ianuarij, deinde facta formatione ad modum aurei numeri per additionem 8, formari habet vterque Cyclus: itaque à Ianuario incipit. Nos autem magis Chaldaeos & Eusebium Episcopum imitamur, qui à lunatione Paschali, ut dictum est, incipit. Si autem scire volueris in quoto anno Cycli decennouennalis simus, annis Domini ab eius Natiuitate inceptus adde vnitatem, & totum diuide per 19, & si nihil fuerit residuum, sumus in vltimo. Si verò aliquid residuum, quicquid fuerit, ostendit nobis in quoto anno Cycli sumus. Sed si in quoto anno Cycli lunaris simus scire volueris, ab annis Domini subtrahere 2, vel adde 17, & diuide vt prius.

Ne vulgarem incurramus dubitationem, causam ignorantes, cum realiter Luna fuerit quarta secundum Ecclesiam, quare prima pronunciatur: sciendum quod Ecclesia supponit spatium 19 annorum Solarium, & Cyclum decennouennalem penitus coequari, scilicet in 19 annis Solaribus, secundum Ptolemæum in tertia dictione *Almagesti*, sunt 6939 dies, & 18 horæ, licet nimis prodigè fiat computatio.

In Cyclo verò decennouennali, sicut ab eodem in quarta dictione eiusdem habemus, sunt totidem dies, & 16 horæ, & ferè 2 tertiæ horæ vnius.

Vnde in quolibet Cyclo, secundum istam suppositionem, recedit media coniunctio siue primatio à nostra computatione per vnam horam, & tertiam horæ vnius. Sed Gamaliel secundum Iudæos, qui Pauli Apostoli erat magister, secundum verò nos Eusebius Cæsariensis Episcopus, & Hieronymus, in initio Cycli illius, in quo Dominus incarnatus fuit, considerauerunt Lunam fuisse primam 10 Calendas Aprilis, & quod ad idem redit, 10 Calendas February, vnde ibi vnitatis pro aureo numero ponitur. Sed ab incarnatione Domini elapsi sunt 1232 anni, à quo numero si Cyclus decennouennalis, quoties poterit, subtrahatur patet quod in 65 horis, & totidem tertiis, à veritate nunc extenditur nostra computatio, quibus in



dies redactis habemus 3 dies, 14 horas: unde per tres dies & dimidium, recessit media coniunctio à loco primæ impositionis. Nunc igitur Luna dicitur prima, ubi deberet dici tertia, vel potius quarta, ut aureus numerus totaliter per 3 dies anticipetur, & vnitas, quæ notatur super B 10 Calendas Februarij, scribatur super F 13 Calendas eiusdem, & sic de alijs omnibus, eodem ordine qui nunc est obseruato. Sed quia in Concilio generali aliquid de Calendario transmutare prohibitum est, oportet modernos adhuc sustinere huiusmodi errores.

## DE ANNIS LVNARIBVS, & primò de anno communi.

**A**Nnorum autem Lunarium duo sunt genera: Alius enim est communis, & alius Embolismalis.

Communis autem est spatium 12 lunationum, in anno solari vicissim transeuntium. Et dicitur communis, quoniam 12 habet lunationes, siue menses Lunares: sicut annus Solaris 12 habet menses Solares: vel quia duo anni communes ferè semper simul eueniunt, sicut patebit in assignatione Embolismorum. Habet autem iste annus 354 dies, & quintam & sextam vnius diei, ut à Ptolemæo



& Alfragano perhibetur . Quod etiam ostendi poterit, cum habeat 6 lunationes 30 dierum, & alias sex 29 dierum, cum minorum computatione. Vnde patet, quod annus Solaris excedit hunc annum communem in vndecim diebus omisso minutis . Si igitur illi duo anni simul incipiant, prius terminabitur annus iste communis per vndecim dies, quam annus solaris, sicut patet, quando sumus in tertio anno Cycli decennouennalis . Quare si Luna fuerit prima in Calendis Ianuarij, eodem die anno reuoluto, erit duodecima, propter excrementum illorum vndecim dierum. Consimilis erit Variatio in Calendis cuiuslibet mensis, & in singulis diebus anni. Vnde propter hoc rectificandum, inuenerunt computistae duos numeros, scilicet epactam & regularem Lunarem, per quorum coniunctionem adinuicem, patebit aetas Lunae in Calendis mensium. Ad habendum autem cuius aetatis sit luna in singulis diebus anni, ex isto excessu vndecim dierum de aetate Lunae, respectu temporis praeteriti, & futuri, duae dantur regulae.

Si ergo supponatur hodie alicuius certae aetatis, & velis scire in anno futuro, hoc eodem die, quod aetatis erit, aetati Lunae, quam modò habet, adde 11, & tantae aetatis erit Luna in anno futuro, eodem die. Illi iterum aetati Lunae adde 11, & habebis eius aetatem in anno tertio eodem die, & sic in in-

## IO. DE SACRO BOSCO

finium hoc tamen prænotato, quòd si excresceret maior numerus quàm 30, reiectis 30 residuum pro ætate Lunæ ponatur.

Si autem scire velis, cuius ætatis fuerit Luna hoc eodem die in anno præterito, tertio, vel quarto, ætati Lunæ, quam modò habet, adde 19, & habebis ætatem eius in anno præterito, & sic deinceps.

Hoc etiam ut prius notato, quòd si excrescat maior numerus quàm 30, reiectis 30 residuum pro ætate Lunæ ponatur.

Vnde versus,

„ Quinque dies & sex, ponas pro luce futura.

„ Et pro præterita, quinque bis atque nouem.

Licet in vno die quandoque fallar. Quod vniuersalius est, pro regula instituatur.

## D E A N N O E M - B O L I S M A L I.

**A**Nnus autem Embolismalis est spatium 13 lunationum, constans ex 384 diebus. Vnde excedit lunarem communem in 30 diebus, annum verò solarẽ in 19 diebus. Et dicitur Embolismalis ab Embolismo, sicut Bissextilis à Bissextis. Quare videndum est quid sit Embolismus, & vnde oriatur, & vbi in Calendario interponatur.

Est

Est autem Embolismus lunatio 30 dierum nulli mēsi attributa. non enim alicuius mēsis lunatio principalis dici meretur, cū ex reliquiis aliarum mendicando perficiatur. Dicitur autem Embolismus ab ἐμβολος, quod est excrementum. Sunt enim in Cyclo decennouennali 235 lunationes, sed tantū 228 menses Solares. Vnde si singulis mēsibus singulæ attribuantur lunationes, supererunt septem irregulares, quæ Embolismi dicuntur: ad quorum completionem, ut quilibet secundum sui proprietatem sit 30 dierum, lunationum totius Cycli necessaria est aggregatio fractionum. In Cyclo igitur decennouennali, lunationes sunt 235, quod sic patet. In 12 annis communibus, sunt 144 lunationes. In 7 Embolismalibus sunt 91 lunationes, quæ superioribus additæ, faciunt 235 lunationes, de quarum qualibet ad præsens omitantur 44 minuta, 3 secunda, 16 tertia, & de numero illarum lunationum excipiantur septem, ad opus 7 Embolismorum, & reseruentur illesæ. De residuis autem scilicet 228 fac semper vnam 30 dierum, & aliam 29 dierum, nisi quod in anno Bissextili lunatio Februarij semper erit 30 dierum, quantoque parcius fiat computatio in Cyclo; sunt quatuor Bissexti. Ad completionem igitur quatuor lunationum Februarij, in quatuor annis bissextilibus Cycli, oportet mendicare 4 dies inte-

ΕΜΒΟΛΙΣΜΟΣ  
intercalatio  
ἐμβολισμός  
intercalatio  
iniecitur  
ἐμβολισμός  
iicio, inser

gros: similiter & ad 7 Embolismos perficiendos exiguntur septem dimidiij dies. Resume igitur singularum lunationum totius Cycli decennouennalis fractiones, & multiplicentur per summam lunationum, & habebis 7 dies, & 5 horas. Dantur igitur quatuor dies ex his integri 4 lunationibus Februarij, in 4 annis bissexilibus, & de tribus residuis, perfice sex Embolismos, ut sit quilibet 30 dierum, unde non relinquitur, quod detur septimo Embolismo, ad sui completionem, nisi quinque horæ. Sed cum ad similitudinem aliorum debeat esse 39 dierum, à lunatione Iulij in ultimo anno Cycli decennouennalis, quantum ei sufficit mutuetur, scilicet 7 horas: computatur tamen lunatio Iulij 29 dierum. Unde iste dies quo ad maiorem sui partem, sic subtractus à lunatione Iulij dicitur Salus Lunæ, de quo patebit inferius.

Quotus autem annus Cycli decennouennalis, secundum Lunæ primationis anticipationem, apud Chaldaeos & Eusebium sit Embolismalis, patet per hunc versum,

„ Christus factus homo leuat omnia reddita  
„ throno.

In hoc versu sunt septem diæctiones, septem Embolismis deseruientes, prima primo, & sic deinceps. Vide igitur quanta sit litera primæ diæctionis in Alphabeto, & in tali anno Cycli decennouennalis

uennalis interponitur Embolismus, cui deseruit illa dictio. Idem etiā facilius scitur per hos versus,

- „ Tertius & sextus, octauus & undecimalis,  
 „ Et quartus decimus, decaseptimus, & decanonus.

Ad sciendum etiam quoto mēse & quoto die eiusdem mensis interponi debeat Embolismus, sciatur iste versus.

*Mobilis ibo cifris ace liber habe coæuum.*

Mens-	12	9	3	1	11	8	3
sis.	M	I	C	A	L	H	C
Di-	2	2	6	3	2	2	5
es.	B	B	F	C	B	B	E

In hoc versu sunt septem dictiones 7 Embolismus seruientes, prima primo, & sic deinceps. Vide itaque quota sit litera prima alicuius dictionis in alphabeto, & in tali mense interponitur Embolismus, cuius dictionem sumpsisti: vide etiam quota sit in alphabeto litera prima, secundæ syllabæ eiusdem dictionis in alphabeto, & in tali die eiusdem mensis, est sedes Embolismi.

Notandum autem quòd multiplex error contingit in Calendario per Embolismum, quoniam error vicissitudinis, error terminationis, error variationis, & error epactarum. Error vicissitudinis est, quando simul sunt plures lunationes 30 dierum. Error terminationis est, quando lunatio-

nes terminantur extra suos menses. Error variationis est, quando mensis positus impari loco imparem habet lunationem, vel econuerso. Error epactarum eo fit, cum mentiuntur epacta & regularis.

Primus igitur Embolismus incipit secundo die Decēbris, & terminatur Vltimo die eiusdem, & contingit error vicissitudinis. Lunatio enim Embolismalis, & lunatio Ianuarij, simul sunt 30 dierum: Et si Bissextus fuerit, quatuor lunationes erunt simul 30 dierum, scilicet lunatio Embolismalis Ianuarij, Februarij, & Martij. Embolismus iste assignatur in tertio anno Cycli decennouennalis, quemadmodum secundum inceptionem lunationis Aprilis prædictum est.

Secundus Embolismus incipit secundo die Septembris, & terminatur die primo Octobris, & contingit error vicissitudinis, quoniam lunatio Septembris, & Embolismalis, simul sunt 30 dierum, & assignatur in sexto anno Cycli decennouennalis, eadem die, qua prius, ratione repetita.

Tertius Embolismus incipit sexto die Martij, & terminatur quarto die Aprilis, & contingit error vicissitudinis, quia lunatio Martij & Embolismalis, simul sunt 30 dierum: Et si Bissextus fuerit, quatuor, scilicet Ianuarij, Februarij, Martij, & Embolismalis, simul erunt triginta dierum.

Contin-

Contingit etiā error terminationis, quādo lunatio Aprilis terminatur tertia die Maij: lunatio Maij, secunda die Iunij: lunatio Iunij, prima die Iulij. Eo etiam anno mentiuntur epacta, & regularis in principio scilicet Maij & Iunij, ut inferius patebit.

Quartus Embolismus incipit tertio die Ianuarij, & terminatur primo die Februarij, & contingit error vicissitudinis. Lunatio enim Ianuarij & Embolismalis simul sunt 30 dierū, & si Bissextus fuerit, 4, scilicet lunatio Ianuarij, Embolismalis, Februarij, & Martij. Contingit etiam error terminationis, quia lunatio Februarij terminatur secunda die Martij, lunatio Martij, prima die Aprilis. Præterea tunc mentiuntur epacta & regularis in principio Martij, nisi sit Bissextus.

Quintus Embolismus incipit secundo die Nouembris, & terminatur primo die Decembris, & contingit error vicissitudinis, quia lunatio Nouembris & Embolismalis simul sunt 30 dierum. Et notandum quod Embolismus iste est causa, quare in secundo die Decembris in una linea ponantur duo numeri, scilicet 13 & 2. Si enim 13 poneretur in primo die, duplex contingeret inconueniens, scilicet, quod Embolismus præcedens tantum esset 29 dierum, & lunatio Decembris



30 dierum, cuius contrarium semper contingit.

*Embolismus* autem iste intercipitur in decimo-quarto *Cycli decennouennalis* anno, ratione prædicta.

*Sextus Embolismus* incipit secunda die *Augusti*, & terminatur vltima die eiusdem, & contingit error vicissitudinis, quoniam lunatio *Embolismalis* & *Septembris*, simul sunt 30 dierum: Est autem *Embolismus* iste in 17 anno *Cycli decennouennalis*, prout patet in præcedentibus.

*Septimus Embolismus* incipit 5 die *Martij*, & terminatur tertia die scilicet *Aprilis*, & contingit error vicissitudinis. Lunatio enim *Martij* & *Embolismi* sunt simul 30 dierum, & si *Bissexthus* fuerit, 4 lunationes simul euenient 30 dierum, scilicet *Ianuarij*, *Februarij*, *Martij*, & *Embolismi*.

Contingit etiam error terminationis, quoniam lunatio *Aprilis* terminatur 2 die *Mayj*, & lunatio *Mayj* prima die *Iunij*. Mentuntur etiam *epacta* & *regularis* in principio *Mayj*, & *Augusti*.

Iste *Embolismus* intercipitur in 19 anno *Cycli decennouennalis*, prout patet in præcedentibus.

*Intercalentur* itaque in locis prædictis *Calendarij* septem *Embolismi*, vt aliis, quanto minus poterit, derogetur lunationibus. Si enim alibi ponerentur plures, mentirentur *epactæ* & *regularis*, & plures contingerent errores. Sed de ma-



lis duobus minus malum est eligendum, dum alterum vrget. Vnde versus,

„ Si tibi concurrant duo turpia, delige neutrum,  
 „ Sed quod turpe minus elige, Beda docet.

## DE ÆTATE LVNÆ aliter inuenienda.

**A**D habendum autem artificialiter, & sine inspectione Calendarij, quotæ ætatis sit Luna in Calendis mensium, & per consequens, in quolibet die anni, inuenti sunt duo numeri, epacta scilicet & regularis lunaris.

Est igitur epacta numerus 30 non excedens, proueniens ex superabundantia anni Solaris, ad annum Lunarem communem. Triginta non excedens dicitur, quia cū officium epactæ sit ostendere ætatem Lunæ, nulla autē ætas Lunæ est maior quàm 30 dierum, nec epacta maior debet esse. Proueniens ex superabundantia, &c. dicitur, quoniam epacta prouenit ex cremento dierum, in quibus annus Solaris excedit annum Lunarem communem.

Primus igitur annus Cycli decennouennalis epactam non habet, cū non præcedat annus, ex cuius inequalitate epactam haberet, vel hac ratione, cū vltimus annus Cycli sit quasi proxi-

mus ante primum, & ille habeat 18 pro epacta;  
& in eodem anno extrescant 11 dies ex annorum  
inequalitate adinuicem, & vnus ex saltu, erunt  
in vniuerso 30. Sed triginta sunt quasi nulla epa-  
cta, quia 30 adiuncta cum regulari debent deleri,  
ad ostendendum ætatem Lunæ. Secundus autem 11  
habet pro epacta. Tertius 22. Quartus 3. Quia ab-  
iiciuntur 30, & ita formatur epacta deinceps, per  
additionem 11. Idem scitur per hos versus,

33 Quæ tenet vndenas Aprilis Luna Calendas,  
33 Epactæ numerum monstrat per quemlibet  
33 annum.

Vide quota sit Luna vndecimo Calendas Aprilis,  
& talis numerus erit epacta illius anni. Sed si ex  
abrupto alicuius anni quærat epacta, per hunc  
inuenietur versus,

33 Deme vñ, post adde nouem, post vndeuginti.

Ponatur enim primus annus Cycli decennouen-  
nalis, in radice pollicis, secundus in media iun-  
ctura, tertius in summitate, quartus iterum in  
radice, & ita circulariter computes annos Cycli,  
donec occurrat annus de quo quæritur epacta.

Et si sistat in radice, subtrahatur vnitās: si in me-  
dia iunctura, adde 9: si in summitate, adde 19, &  
habebitur epacta anni quæsitæ. Dicitur autem  
Epacta ab ἐπᾱ, quod est supra, & aucta propter  
illud excrementum 11 dierum superius dictum.

Epacta ab  
ἐπᾱ, quod est in-  
cremare  
et addere.

Vel ab

Vel ab om̃, quod est supra, & adiecta: ipsa enim superadiecta regulari in Calendis mensium ætatem Lunæ ostendit.

Regularis Lunaris est numerus 30 non excedens, qui adiunctus cum epacta, ætatem Lunæ in Calendis mensium manifestat. Triginta non excedens, expone ut prius de epacta: sed istud membrum, Qui adiunctus, &c. ostendit tam officium epactæ, quàm regularis.

Origo autem regularium est, ex 5 diebus remanentibus ultra dies anni, singulis mensibus per 30 distributos. Vnde September 5 habet pro regulari: vel quoniam quilibet mensis tot habet pro regulari, quota Luna fuit in Calendis eius in principio compositionis Calendarij, & semper habebit. Vnde ad hoc sciendum, supponatur quòd simus in primo anno Cycli decennouennalis, & patet propositum in Februario, & in 6 mensibus ipsum sequentibus. In primo enim anno Cycli decennouennalis est aureus numerus vñitas, decimo die ante Calendas Februarij: & sic Luna est decima in Calendis eius, vnde 10 habet pro regulari. Similiter considera vñitatem aureum numerum ante Calendas aliorum sex mensium sequentium, & patebit regularis.

Sed de Septembri, & 4 mensibus illum sequentibus, supponatur 19 annus Cycli decennouennalis,

quia ille fuit quasi proximus ante primum, & secundum hoc September habet 5 pro regulari.

Si velis igitur alios regulares formare artificialiter, anno supposito, sume numerū dierum Septembris, & adde eius regularem, & à totali numero subtrahatur lunatio eiusdem mensis, & residuum erit regularis mensis sequentis, & ita deinceps. Vnde versus,

„ Quinque Sep. Oc. dantur, No. De. septem,

„ ter tria Ia. Mar.

„ Feb. A. decē sumāt, post vnum cuilibet addas.

Habitis igitur epacta & regulari, si scire velis ætatem Lunæ in Calendis alicuius mensis, iungantur simul epacta anni, & regularis Lunaris mensis illius, & si ex illa coniunctione resulent 30, vel minor numerus, talis ætatis erit Luna in Calendis mensis illius, cuius regularem sumpsisti. Si maior, eūce 30, & residuum ostendet ætatem Lunæ. Vnde versus,

„ Dant Lunam mensis epacta cum regulari,

„ Plus retinens, cum plus fuerit, triginta relinques.

Ad ætatem etiam Lunæ in Calendis mensium habitam, addatur numerus dierum mensis præteritorum, vno die subtracto, ne bis primus computetur, & in die præsentis ætas Lunæ habebitur. Sed si summam lunationis mensis excesserit, residuo

fiduo retento, ipsa abiiciatur. Si autem qua hora Luna à Sole accēdatur scire volueris annum, quotus fuerit Cycli Lunaris, per 4 multiplica, & his dies anni præteritos à Calendis Ianuarij vsque in diem de quo queritur, aggrega: quibus in vnum redactus, per quinque diuide, & scies ea hora Lunam accendi, cui 5 defuerit, & in toto ipsius horæ puncto, quod cuius cæterarum supersuerint horarum. Si verò numeri aggregatio 60 excesserit, reiectis 60 de residuo, fac vt prius. quòd si nihil supersuerit, in vltimo puncto horæ 12 Luna accenditur. Sic igitur istorum asserit sententia, Lunam semper quo ad nos in nostro accendi hemisphærio, quod etiam authoritate Ptolemæi in Atarbè primo dicentis confirmatur. Luna quidem occidentem de iure vendicat, cum à Solis conuentu discedens, ibidem semper nouam lucē repræsentet, & primus eius incipiat ascensus. Luna autem singulis diebus in cremento 4 punctis remouetur à Sole, in decremento Soli admouetur. Vnde si scire volueris, in quo signo sit Luna, & quantum à Sole distans, ætatem eius per 4 multiplica, & per 10 partire, & quot fuerint denarij, per tot signa distat à Sole Luna: & quot remanserint vnitates, per tot puncta in signo subsequenii pertransiuit. Signum autem intelligo signi quantitatem. Vt si Luna coierit cum Sole in 5 gradu Arietis, ea-

dem cū fuerit quinta, erit in decimo gradu Geminoꝝ. Luna enim 13 partes peragente, Sol vnam complet, vt omiſſis vtrobiq; minutius, ſenſibile pro exemplo ponatur.

Si verò per quot horas Luna de nocte luceat ſcire volueris, cū in cremento fuerit, etatem eius per quatuor multiplicabis ( in decremento reſiduum etatis eius, quanto minus fuerit à triginta) & per quinque partire: quot igitur fuerint quinary, per tot horas lucebit, & quot vnitates, per tot puncta. Vnumquodque enim ſignum 10 habet puncta, hoc eſt, horas duas, vt quinque puncta horam vnam conſtituant, in Lunari computatione, & punctus quilibet 3 continet ſigni gradus.

Incipiunt autem epacta & regularis Lunarum à Septembri: & epacta eſt numerus variabilis: regularis verò, numerus inuariabilis. Si autem velis ſcire in quoto anno Cycli epactarum ſimus, vtendum eſt eodem artificio, quo vtebamur ad ſciendum in quoto anno Cycli decennouennalis eſſemus, addendo annus Domini vnitatem, &c. Iſte enim Cyclus nō differt ab illo, niſi quòd primus incipit ſpatio 4 menſium, ſcilicet à Septembri, ille verò à Ianuario.

Mentiuntur autem epacta & regularis Lunarum in toto Cyclo decennouennali quinquies, quoniam

niam bis in octauo anno. Vnde versus,

„ Fallitur octauo cum Maio Iulius anno.

Dicunt enim epacta & regularis in octauo anno Lunam esse 28 dierum in Calendis Maij, cum tamen reuera sit 27 dierum. Dicunt etiam in eodem anno Lunam esse 30 in Calendis Iulij, cum sit 29 dierum. Et semel iterum in vndecimo. Vnde versus,

„ Ni sit Bissextus, fallit Martem deca primus.

Dicunt enim epacta & regularis in vndecimo anno Cycli Lunam esse 29 dierum in Calendis Martij, cum sit 28 dierum tantum. Sed si Bissextus fuerit, 2 dies computantur super sexto Calendas Martij. Vnde tunc non fallit bis etiam in vltimo. Vnde versus,

„ Vltimus Augustu fallit, fallit quoque Maium.

Dicunt enim epacta & regularis in vltimo anno Cycli, quod in Calendis Maij Luna sit 29 dierum, cum reuera sit 28 dierum: & dicunt etiam in eodem anno Lunam esse 2 dierum in Calendis Augusti, cum in veritate sit 3 dierum: quod propter saltum Lune contingit, quoniam lunatio Augusti prius incipit vno die, quam deberet, si non esset saltus Lune.

Est autem saltus Lune, subtractio vnius diei à lunatione Iulij in vltimo anno Cycli decennouenalis: & nisi fieret talis subtractio, post vnum Cyclum



peractum, Luna diceretur prima, quando esset secunda. Similiter post 15 Cyclos peractos, Luna diceretur prima, quando esset 15. Ecclesia enim supponit 19 annos Solares ex toto, adæquari totidem Lunaribus. Sunt autē in 19 annis Solaribus 6939 dies, & 18 horæ. Hæc autem quantitas, secundum Ecclesiam, est eadem in totidem Lunaribus. Sed Ecclesia menses & annos & Cyclum secundum dies integros computans, non expectat terminationem 18 horarum in fine Cycli. Imò semper in sequentis diei principio Cyclum inchoantis, computatur Luna prima 10 Calendas Februarij, cum tamen in rei veritate, deberemus expectare finem 18 horarum antequam pronunciaretur Luna prima. Vnde hæc ætatis Lunæ anticipatio, quæ ex re nomen habet, dicitur saltus Lunæ.

Sed ne videamur ex tanto saltu in singulis Cyclis inconueniens incurrere, ut Luna 25 prima dicatur, attende quàm subtiliter in 4 Cyclis omnia ad concordiam reducuntur. Sunt igitur in quolibet Cyclo secundum veritatem 5 Bissexti, præterquam in illo, cuius quartus annus est Bissextilis. Sed de 4 cuiuslibet Cycli in capitulo Embolismorum satisfactum est. Vnde de quinto in tribus Cyclis restat assignatio.

Cyclus igitur, cuius quartus annus est Bissextilis, differendi causa primus vocetur, & esto, quòd  
in



in principio illius Cycli fuerit Luna prima, quo completo in sequentis diei principio, ut dictum est, Luna prima computatur, cum tamen deberemus expectare 18 horarum finem. Vnde quo ad motus intensionem saltum facimus, quasi Luna motum suum intenderet saltando. Fingimus enim eam cum Sole coniungi, & esse primam in Cyclo sequenti: eadem ratione aliarum 18 horarum saltum facimus, & ita habemus 36 horas, hoc est, diem unum & dimidium. Dies integer per Bissextum intercaletur in lunatione Februarii, pro quinto Bissexto secundi Cycli. Dimidius autem dies reseruetur tertio Cyclo, ex cuius saltu, ratione dicta, resultant 18 horæ, unde cum residuo superiori habemus unum diem integrum, & sex horas.

Dies integer intercaletur in Lunatione Februarii, pro quinto Bissexto tertii Cycli ratione assignata. In quarto similiter Cyclo, habemus ex saltu eius 18 horas, quibus aggregatis, ad sex superius relictas, erit dies unus integer, qui interponatur Februario pro quinto Bissexto quarti Cycli, ut dictum est, & nihil remanebit. Vnde in sequentis Cycli principio Luna & est, & dicitur prima.

Similiter faciendum est in 4 Cyclis sequentibus, & deinceps. Sic igitur in quatuor Cyclis omnia ad concordiam reducuntur. Vnde istud temporis spatium Cycli Cyclorum appellatur.

*In cuius autem quoto Cyclo sumus, sic scitur. Numerus annorū Cycli decennouēnalis, à Bissextili proximo quouis ordine, vsque in finem eiusdem per 4 diuidatur, & si remanserit ternarius, sumus in primo Cycli: si binarius, in secundo: si vnitās, sumus in tertio: si autē nihil, sumus in vltimo.*

## DE FESTIS MOBILIBVS.

**F***esta autē mobilia cū ex lunationis discretionē habeantur, ordinis ratione consequenter de eis est pertractandum. Est igitur festum mobile, quod penes ascensum vel descensum lunationis celebratur, nullum sibi locum in Calendario habēs assignatū. Sunt quidem quinque festa mobilia, scilicet Septuagesima, Quadragesima, & Pascha, Rogationes, & Pentecoste.*

*Dicitur autem Septuagesima à 70, quasi continens 70 dies, incipit enim à Dominica qua cadit Alleluia, & extenditur vsque ad diem Dominicum in albis. Quidam tamen supponunt eam in Pascha terminari, dicentes tempus à denario in quo terminatur, de iure nominari. Illud autē tempus recollit Ecclesia ad memoriam 70 annorum, in quibus filij Israel erant sub seruitute Babylo-nica.*

*Quadragesima similiter dicitur à 40, continet enim*

enim 40 dies. Et illud tēpus recolit Ecclesia, quoniam Moyses tot diebus ieiunavit, cū acciperet legem Domini. Elias etiam tot dies ieiunavit, & raptus est in cœlum, vel in locum Dei secretum. Christus etiam tot diebus ieiunavit, & Diaboli vicit tentationes. Et quia omnis Christi actio nostra est instructio, ergo & nos tot diebus ieiunare debemus. Sicut enim res nostras decimamus, ita & nos & vitā nostram decimare debemus Deo. Sed 36 dies & dimidiis, sunt decima pars anni. Quoniam autem nihil est à media die ieiunium inchoare, ad mundificationem corporum ex ingurgitatione, 4 dies cinerum superadduntur aliis.

Pascha, βάσις, transitus, idem sonant, sed à diversis linguis imponuntur. Pascha enim Hebraicè, βάσις Græcè, transitus Latinè dicitur, quoniam tum de non esse ad esse factus est verum transitus: atq; Angeli exterminatoris in Veteri lege in Aegypto, necnon & Christi de mortalitate ad immortalitatem, nostram figurantur transitionem de vitiis ad virtutes, & de hac vita ad æternam.

Dies autem Dominicus præcedens ieiunia Rogationum, Rogationes appellatur, tunc enim non solum contra lupos corporales, quemadmodum iamdudum in Gallia, sed & contra spirituales, ieiunia, processiones, & orationes continuare nos rogat Ecclesia.

Pascha Latinè & Græcè vocatur festum, quod Hebraicè Phase dicitur, id est, transitus.

ΕΥΤΗΚΟΣΗ  
Quinquagesimam  
so  
at Latinè.

Pentecoste dicitur à penta, quod est quinque, Coste, quod est decem, quasi continens quinquies decem dies: sunt enim 50 dies inter Pascha & Pentecosten utroque die incluso: & illud tempus recolit Ecclesia, quoniam in monte ardenti lex Moyse tunc data est, & dona Spiritus sancti Apostolis.

Ad hæc autem festa scienda, quædam genera numerorum inveniuntur, ut inferius patebit, & dies ante festum, ubi huiusmodi numeri terminantur, termini appellantur: Terminus enim dies est, clauem finiens, festum mobile futurum in die Dominica proxima annuatim designans. Est itaque regula in computo, quod terminus & festum nunquam simul sunt. Unde versus,

„ Terminus & festum nunquã celebratur ibidẽ.  
„ Lux teneat Domini post terminum proxima  
„ festum.

Et hoc, ne videamur Iudæos imitari, qui simul ponunt terminum & festum, vel quia terminus Paschæ semper est 14 dies lunationis Aprilis, & Pascha magis accedens ad terminum, est quintodecimo die eiusdem lunationis. Quare non poterunt simul esse terminus & festum. Ratio autem quare festa mobilia non habent certa loca in Calendario, hæc est. Pascha (quemadmodum cætera festa mobilia) semper debet celebrari die Dominico

minico. Sed cum una & eadem litera in Calendario non semper denotet diem Dominicum, non potuit Pascha, nec cætera festa mobilia habere certum locum in Calendario. Quidam etiam dicunt quod Dominus passus est 10 Calendas Aprilis, ibi enim fecit Adam, sicut dicit Theophilus Alexandriae episcopus, & sui consentanei. Vnde dicunt quod eodem die voluit pati pro primo homine, & suo genere redimendo, quo die ipsum formavit. Alij verò, sicut Hieronymus, & sui sequaces, dicunt quod 8 Calendas Aprilis passus est Dominus, ibi enim sumpsit carnem de beata Virgine: unde dicunt quod eodem die, quo carnem assumpsit, passus est. Præceptum etiam erat in veteri testamento, agnum Paschalem post quartumdecimum diem lunationis Aprilis immolari ad vesperam, hoc est, in principio 15 diei eiusdem lunationis.

Ita Christus, qui verus agnus est, & per illum agnum typicum figuratus, passus est in plenilunio, ut sicut eo tempore lumen nocti attribuitur copiosius, ita per passionem eius humanæ naturæ gratia redemptionis plenius exhibeatur. Cum ergo lunationes Aprilis quandoque sint prius, quandoque posterius, non potuit Pascha in certo loco assignari. Est autem infimum Pascha 11 Calendas Aprilis, quod sic patet. Infima lunatio Apri-

lus incipit 8. Idus Martij, vbi 16 pro aureo numero assignantur. Lunationes quidem duæ in proximo præcedentes sunt Embolismales, duæ verò reliquæ illas præcedentes sunt lunationes Martij, licet posterior illarum terminetur prima die Aprilis, quod contingit per quartum Embolismum. Si igitur à prima lunatione Aprilis, à iam dicta computentur 14 dies, primus terminus Paschalis erit 11 Calendas Aprilis: & bene potest contingere, mediante variatione literarum Dominicalium, quòd Pascha celebretur in crastino illius termini, hoc est vndecimo Calendas Aprilis. Vnde ibi solet notari primum, siue infimū Pascha. Ex dictis patet, quòd bene datur hæc regula,

- „ Post Martis Nonas vbi sit noua Luna require,
- „ Bis septem completo dies vt Pascha sequatur.

Omnes enim lunationes Aprilis incipiunt post Nonas Martij. Quòd autem vltimum Pascha celebretur 7 Calēdas Maij, sic patet. Nam vltima lunatio Aprilis, signatur contra Nonas ipsius, vbi aureus numerus est 8, quamuis illa terminetur tertia die Maij: sicut sua præcedens, secunda die Maij: quod contingit propter tertium & vltimum Embolismum. Si igitur ab vltima lunatione Aprilis iam dicta computentur 14 dies, erit vltimus terminus Paschæ, 14 Calēdas Maij: & potest contingere mediante variatione literarum Domini-

*Dominicalium, quòd ille terminus sit dies Dominicus, vnde dies Paschæ celebrabitur in sequenti Dominico, hoc est, 7 Calendas Maij. Ex his patet, quòd in illis 35 diebus, qui sunt inter 11 Calendas Aprilis, & 7 Calendas Maij, siue prius siue posterius semper habet Pascha celebrari, ita quòd in anno communi descendat terminus Paschæ per 11 dies: in anno Embolismali ascendat per 19 dies. Vnde versus,*

- „ Pascha nec vndenas Aprileus ante Calendas,
- „ Nec post septenas Maij valet esse Calendas.
- „ Embolus ascendens Canonis de lucibus anno
- „ Communi recidit vndenis terminus eius.

*Magnus autem Cyclus Paschalis est, qui multiplicato Solari per Lunarem, 532 conficitur annis: quam cum ex ordine mensium dierumque summam compleuerit, mox in seipsum reuolutus, omnia quæ ad Solis Lunæque cursum pertinent, eodem, quo prius præterierunt, semper tenore restau-  
rat: in cuius quidem quoto anno fueris, sic scitur. Annis Domini addantur 20, nam Vigeno primo Christus natus fuit anno: & totum per summam Cycli diuidatur, & si nihil fuerit residuum, sumus in vltimo: si verò aliquid, ostendet nobis in quoto anno sumus.*

*Ad habendum autem quinque festa mobilia, communiter inuenti sunt quidam numeri, qui cla-*



ues dicuntur. Vnde clauis est numerus in vnoquoque annorum Cycli decennouennalis diuersus, festorum mobilium certitudinem per terminum ostendens: sicut enim per clauis fit introitus in atrium, ita per numeros istos in notitiam festorum mobilium. Cum igitur in Cyclo decennouennali sint 29 anni, vnusquisque suam habebit clauem. Sicut in figura Cycli decennouennalis, epactarum, & clauium figura præsentī subiicitur.



Primus itaque 26 habet pro clauē, à qua formari possunt clauēs sequentes, per additionem 19, hoc tamen prænotato, quòd si excreſcant 40, vel maior numerus, reiiciatur 30, & residuū eire clauē anni ſequentis. Sed ſi ex abrupto queratur clauis alterius anni, tunc his verſibus inuenietur,  
 „ Vīcenos quīnos tredecim, plus aſſe tricenis,  
 „ Vnde nīgin hepta digitis pro clauibus apta.



Computetur enim per omnes digitos sinistrae manus donec venias ad annum cycli, de quo clavis queritur, sumpto initio à pollice: & si annus quaesitus sistat in pollice, illius anni numero adde 25: si in indice, 13: si in maiori digito 31: si in medio, 19: si in auriculari, 7: & versibus sic expostis claves manifestantur.

Hoc tamen praenotato, quod si excrecant 40, vel maior numerus, reiectis 40, residuum pro clauis sumatur. Loca autem clauium his assignantur versibus,

- „ In Iano prima, supremaque Marte secunda.
- „ Aprilis terna sex monstrat & ultima claves.

Habitis igitur clauis & loco clavis, si festa mobilia in anno quocunque scire volueris, sumatur clavis illius anni, & ad habendum festum quocunque mobile, tot dies computentur à loco clavis illius festi, quot vnitates clavis continet: & dies ubi terminatur talis computatio, terminus dicitur: & in die Dominica proxima sequente, celebratur festum. Hoc tamen praenotato, quod ad habendam Septuagesimam vel Quadragesimam, in anno Bissextili, clavi addenda est unitas. Aliter enim contingeret Septuagesimam & Quadragesimam per clauem prius celebrari, quam deberet, 7 diebus. Per hos autem versus specialiter habetur terminus Septuagesimae, & per consequens cæte-

ra festa mobilia.

„ A festo stellæ numerando perfice Lunæ

„ Quadraginta dies, & Septuagesima fiet.

„ Si sit Bissextus, lux additur vna diebus:

„ Si cadat in lucem Domini, suppone sequentem.

A principio Lunationis illius, in qua est Epiphania Domini, quæ propriæ festum Stellæ dicitur, siue illa fuerit in Ianuario, siue in Decembri, computentur 40 dies descendendo, & quadragesimus erit dies terminus Septuagesimæ, & in die Dominica proxima erit Septuagesima. Si sit Bissextus, addatur dies vnus, sicut in versibus innuitur.

Ad habendum autem terminum Paschæ sci-  
antur isti versus.

„ Esse grauem nobis bello carnem caueamus.

„ Bellum sæpe gerens etenim puto deiicit hostem.

„ Mox animæ lucrum inuenies cum relligiosis.

In his versibus sunt 19 dictiones, deseruientes 19 annis Cycli decennouennalis, prima primo, & sic deinceps. Si igitur alicuius anni Cycli decennouennalis, terminum velis inuenire Paschalem, sumatur dictio seruiens illi anno, & si terminetur in M literam, terminus Paschæ erit in Martio, tot diebus computatis, à fine Martij ascendendo, quota est prima litera illius dictionis in Alphabeto, & vbi terminatur talis computatio, ibi est terminus Paschæ. Si autem dictio non terminetur in M,  
terminus

*terminus Paschæ erit in Aprili, tot diebus computatis à principio Aprilis descendendo, quota est prima litera eiusdem dictionis in Alphabeto.*

*Per hos autem versus scitur, quot septimanæ sint inter Dominicam proximam, siue ante, siue post Natale Domini & Quadragesimam,*

„ *Ira grauat Karos, hanc gignit kaumatos hostis.*

„ *Lex iubet hostilis kaueatur inertia gentis.*

„ *Karceris humani gerit instans hora leuamen.*

*Hic enim dictiones 19, seruiunt 19 annis Cycli decennouennalis, prima primo, & sic deinceps. Vide itaque quota sit litera prima dictionis anno seruientis in Alphabeto, & tot septimanæ erunt in tempore quæsito. Ne tamen quandoque fallant caueat sibi calculator, non enim veritati viciniore assignari potuerunt dictiones.*

## QVID LVSTRVM, INDICTIO, ET SECVLVM.

**I**N hac postrema operis particula de tēporis partibus compositioribus, in usu etiam Ecclesiæ rarioribus, consequens est determinare.

*Est igitur Lustrum, spatium quinque annorum, à Romanis consideratum, ad tempus Dictaturarum: quod descendit ab hoc verbo polysemo Lustro lustras.*

In fine enim quinquennij cuiuslibet, & in principio Dictaturæ, circumibant ciues Romani ciuitatem cum cereis & Calēdis, & postea in Martio campo Dictatorem elegerunt. Adhuc etiam Ecclesia memorat Lustra, dicens Lustra sex quæ iam peracta, &c.

Indictio est spatium 15 annorum ad recipienda ab extraneis tributa institutum: & dicitur ab indico cis, quod ad Pontifices pertinet.

Vnde versus,

„ Edicunt Reges, indicit festa Sacerdos.

Cum enim Romani dominarentur ferè vniuersis nationibus, terras fecerunt sibi tributarias, præcipientes, vt terræ remotiores propter difficultatem transitus, in fine primi quinquennij persoluerent aurum ad dominationis typum: in fine secundi, argentum ad stipēdia militum: in fine tertij, æs & ferrum ad armorum reparationem. Vnde indictio à quibusdam ærea ab ære dicitur, vel ferrea à ferro, in fine eius soluto. Vnde instituerunt Romani, quod nullum priuilegium, nulla etiam conuentio scripto commendata esset stabilis vel firma, nisi haberet annum indictmentis annotatum & hoc, ne tributorum soluendorum memoria laboretur. Nos autem in tribus vtimur indictmente, scilicet, in priuilegio, in cereo Paschali, & in dedicationibus Ecclesiarum. Incipit autem Cyclus indictmentis

indictionis in Septembri, quia cum tunc sit  
 vbertas fructuum, bene possunt solui tributa.  
 Si autem placeat cuiquam scire, in quoto Indi-  
 ctionis simus, annus Domini addantur 3, quo-  
 niam Dominus dicitur natus fuisse in quarto  
 anno Indictionis, & totum diuidatur per 15: &  
 si nihil fuerit residuum, sumus in vltimo an-  
 no Indictionis. Si verò aliquid, ostendit nobis  
 in quoto anno simus. Est etiam hoc nomen In-  
 dictio equiuocum ad totum Cyclum, & ad quem-  
 libet annum illius Cycli.

Secundum autem dicitur spatium 100 anno-  
 rum, vnde multa præteriere secula. Seculum etiam  
 dicitur mundus & tota machina mundana, cum  
 suis contentis.

Æuum verò dicitur spatium mille annorum.  
 Dicitur etiam æuum idem quòd ætas, vnde homo  
 magni æui dicitur. Dicitur etiam æuum idem  
 quod mora, vnde Boëtius.

- „ O qui perpetua mundum ratione gubernas  
 „ Terrarum coelique sator, qui tempus ab æuo  
 „ Ire iubes, stabilisque manens das cuncta  
 „ moueri:  
 „ Tu stabilire velis opus hoc per temporis æuum,  
 „ M. Christi bis C. quarto deno quater anno,  
 „ De Sacro Bosco discreuit tempora ramus,

IO. DE SACRO BOSCO

- „ Gratia cui nomen dederat diuina Ioannes.  
„ Annuat hæc nobis huius sic carpere fructum,  
„ Ecclesiæ Christi, quòd nos hinc fructificemus.  
A M E N

F I N I S.

C I S I O I A N V S I N C A R M I -  
na redactus, quòd facilius à pueris  
edisci possit.

I A N V A R I V S.

C I S I O, Ianus, Epi, Sibi vendicat, Oc, Feli,  
Marc, An.  
Prisca, Fab, Hag, Vinceti, Paulus, nobile Lumen.

F E B R V A R I V S.

B R I G. Purg, Basil, Ag, Dor, Febru, Ap, Scho-  
lastica, Valent.  
Iuli, Coniunge tunc Petrum, Matthian inde.

M A R T I V S.

M A R T I V S, Adria, Per, Decoratur, Gre-  
gorio, Cyr.  
Gertrud, Alba, Bene iuncta Maria genitrice.

A P R I L I S.

A P R I L, In Ambrosii festis ouat, atque  
Tiburti.  
Et Valer, Sanctique Georg, Marcique Vitalis.

M A I V S.

## M A I V S.

*P H I L I P*, *Crux*, *Flor*, *Goth*, *Iohan Latin*, *Epi*,  
*Ne*, *Ser*, & *Soph*.

*Maius* in hac serie tenet *Vrban*, in pede *Crus*, *Can*.

## I V N I V S.

*N I C*, *Marcelli*, *Boni*, *dat Iun*, *Primi*, *Ba*, *Cyrini*.  
*Vitique*, *Mar*, *Protus*, *Al*, *Sancti Iohan*, *Io*, *Dor*,  
*Le*, *Pe*, *Pau*.

## I V L I V S.

*I V L*, *Visit*, *Huldrich*, *Oc*, *Bil*, *Chili*, *Fra*, *Bene*,  
*Margar*, *Apost*, *Al*.

*Arnolphus*, *Prax*, *Mag*, *Ap*, *Chris*, *Iacobiq*, *Sim*,  
*Abdon*.

## A V G V S T V S.

*P E*, *Steph*, *Steph*, *Protus*, *Six*, *Don*, *Cyt*, *Ro*, *Lah*.  
*Tybur*, *Hyp*, *Eus*.

*Sumptio*, *Agapiti*, *Timo*, *Bartolo*, *Ruff*, *Aug*, *Col*,  
*Medio*.

## S E P T E M B E R.

*E G I D I V M*, *Sep*, *habet*, *Nat*, *Gorgon*, *Protiq*,  
*Crux*, *Nic*.

*Euph*, *Lampertique*, *Matth*, *Mauricius*, & *Da*,  
*Vuen*, *Mich*, *Hier*.

## O C T O B E R.

*R E M I que*, *Franciscus*, *Marcus*, *Di*, *Ger*,  
*Artique*, *Calix*.

*Galli*, *Lucas*, *Vel Vnd*, *Se*, *Seue*, *Crispini*, *Simonis*,

IO. DE SACRO BOSCO

*Quin.*

NOVEMBER.

OMNE, Nouember, Leon, Qua, Theo, Mar-  
tin, Britiique.

Post hæc, Elisa, Ce, Cle, Cris, Catherina, Sat, An.

DECEMBER.

DECEMBER, Barba, Nicolaus, & alma  
Lucia.

Sanctus abinde Thom. is, modò Nat, Steph, Ioh,  
Pu, Thomæ, Syl.

FINIS.

*no. viij.  
S. jo. h. ij.*

*Neap. 28. octob. 1587.  
del. ep. i. m. l. g. n.  
p. h. v.*

*Jo. fr. g. d. b.  
L. h. v. q.*



SPHÆRA  
IOANNIS  
DE SACRO BOSCO  
EMENDATA.

*Eliae Vineti Santonis scholia in eandem  
Sphæram, ab ipso Authore restituta.*

*Adiunximus huic Libro compendium in Sphæram, per  
Pierium Valerianum Bellunensem:*

Et Petri Nonij Salaciensis demonstrationem eorum, quæ  
in extremo capite de climatibus Sacroboscus  
scribit de inæquali climatum latitudine:

godem. Vineto interpretat

Ex postrema Impressione Lutetiæ.



VENETIIS, Apud Hæredem Hieronymi Scoti.  
D L X X X V I.


*[Faint, illegible handwriting and markings throughout the page]*

# ELIAS VINETVS

## De Ioan. de Sacro Bosco.

AD IOANNEM TACITVM.

ΦΙΛΙΤΟΥ



**I**OANNI de Sacro Bosco patria fuit, quæ nunc Anglia insula, olim Albion & Britannia appellata. Lutetiæ literas & philosophiam didicit, doctorq; Parisiensis fuit. Scripsit de Sphæra mundi, de astrolabo, de algorithmo (suppu-

tandi artem ita vocarunt barbari) & de computo ecclesiastico, ad annum Christi MCCLV I, vt ex eo carmine liquet, quo is libellus de computo concluditur. Lutetiæ sepultus est, in sodalium Maturinalium claustris: cuius medio tumulo insculpta sphaera, ac circum illam hoc epitaphium,

De Sacro Bosco qui compotista Ioannes

Tempora qui sequeris, memor esto quod morieris

Si miser es, plora. Miserans pro me precor ora.

Ex quo quidem vel solo carmine, quale id fuerit sæ-

A 2 culum

culum, conijcere, satis, ni fallor ūs.liceret, qui quod in Ioannis de Sacro Bosco sermone non placet, nihil verentur statim detrabere, commutare ve, hoc non considerantes, ei tempestati Latinum visum, probatumque fuisse, quicquid formam aliquā Latine linguæ haberet, & aliquo modo posset ab illis intelligi, qui literas Latinas tractarent. Hinc maiorari, & minorari, & alia huiusmodi innumera nata, quæ ipsis adeò lepida visa sunt, qui effinxerunt, vt ūs sæpius quàm Latinis ipsis, quæ etiam in promptu erant vterentur. Nihil itaque in eius sæculi scriptis tam temere audendum: quæ si cui ex elegantioribus ita nimium barbara videntur, scribat ille quidpiam purius, quod pro illis legamus, postquam veteres illi Latini nihil quicquam tale, quod quidem ad nos peruenerit, ediderint. Mea certè sic semper fuit ratio, mi Tacite, vt veterum omnium, etiam barbarorum, scripta, in quibus sit quod discamus, sancta & integra pro viribus conseruanda curemus. Quare ne mireris, si tam diligens fuerim in hoc restituendo libello, explicandisque obiter locis compluribus, quæ aut rudiori imponere l. Etori, aut eum remorari posse videbantur: sed tantum laborem hunc nostrum probes; & si dignus tibi visus fuerit, qui in lucem exeat, eum in tuo nomine apparere sinas. Vale, Burdinala tua Calen. Mart. M D L.

5

IOAN. DE SACRO BOSCO  
IN SVAM SPHAERAM.



PROE MI V M



*Raetatum de Sphæra qua  
tuor capitulis distingui-  
mus, dicturi primo com-  
positionem Sphære, quid  
sit Sphæra, quid sit eius  
centrum, quid axis sphære, quid sit polus  
mundi, quot sint Sphære, quæ sit forma  
mundi: In secundo, de circulis, ex quibus  
Sphæra materialis componitur, & illa su-  
percœlestis (quæ per istam imaginatur)  
componi intelligitur. In tertio, de ortu &  
occasu signorum, & de diuersitate dierum  
& noctium & de diuisione climatum. In  
quarto, de circulis, & motibus planetarum  
& de causis eclipsium.*

## Capitulum Primum.



Phæra igitur ab Euclide sic describitur: Sphæra est transitus circūferentiæ dimidij circuli quę (fixa diametro) eousque circumducitur, quousq; ad locum suum redeat, id est: Sphæra est tale rotūdum & solidū, quod describitur ab arcu semicirculi circumducto. Sphæra etiam à Theodosio sic describitur: Sphæra est solidū quoddam vna superficie contentum, in cuius medio punctus est, a quo omnes lineæ ductę ad circumferentiā sunt æquales: & ille punctus dicitur centrum sphære. Linea verò recta, trāsiens per centrum sphære, applicans extremitates suas ad circumferentiā ex vtraque parte, circa quam sphæra voluitur, dicitur axis sphære. Duo verò puncta axem terminantia dicuntur poli sphære.

## SCHOLION VINETI.

*Euclidis definitio sphære est hæc in elemento vndecimo. Sphæra est quando semicirculi manente diametro, circumductus semicirculus in idem rursus redit, unde cępit circumscribi figura illa. Huius definitionis sententia ex subiectis picturis patere potest. Quam autem ponit auctor, corruerunt Græcorum Euclidis interpretes. Si enim linea in latus fluens describit tantum superficiem, circumferentia semicirculi circumacta, describet superficiem globi solum, non globum solidū.*

DIVI-



## DIVISIO SPHÆRÆ MUNDI.

**S**phæra autem mundi dupliciter diuiditur, secundum substantiam, & secundum accidens. Secundum substantiam in sphæras nouem.

*In sphæras nouem.) Recentiores Astologi decimam sphæram addiderunt, propter tertium in octaua sphæra animaduersum motum, quem dixerunt motum trepidationis, & motum accessus & recessus; de quo Turbachi in Theoricis.*

Scilicet sphæram nouā, quæ primus motus siue primum mobile dicitur: & in sphæram stellarum fixarum, quæ firmamentum nuncupatur: & in septem sphæras septem planetarum, quarum quidam sunt maiores, quædam minores secundum quod plus accedunt vel recedunt à firmamento. Vnde inter illas sphæras, sphæra Saturni

A 4 maxima



# 8 Sphæra Joannis

maxima, sphæra verò Lunæ minima. prout in sequenti figura continentur.

Figura ostendens numerum ac ordinem sphærarum cælestium, indicansque diuisionem mundi secundum ubstantiam.



Secundum accidens autem diuiditur in sphæram rectā & sphæram obliquam. Illi autem dicuntur habere sphæram rectam, qui manent sub æquinoctiali,

Aries 2. Taurus 3. Gemini 4. Cancer 5. Leo 6. Virgo 7. Libra 8. Scorpio 9. Sagittarius 10. Capricornus 11. Aquarius 12. Pisces



li, si aliquis ibi manere possit. Et dicitur eis recta, quia neuter polorum magis altero illis eleuatur: vel quoniam eorum horizon interfecat æquinoctialē, & interfecatur ab eodem ad angulos rectos sphærales. illi verò dicuntur hñe sphæram obliquam, quicunque habitant citra æquinoctialem, vel vltra. Illis. n. supra horizontem alter polorum semp eleuatur, alter verò semp deprimitur: vel quoniam illorum horizon artificialis interfecat æquinoctialem, & interfecatur ab eodē ad angulos impares & obliquos.

## SCHOLION VINETI.

*Horizon artificialis, quis hic dicatur, dum querant & contendant interpretes, tu eum interim accipito, qui capite secundo obliquis & declinīs appellabitur.*



## DE PARTIBVS MVNDI;

Et quæ sunt partes eiusdem.

**V**niuersalis autem mundi machina in duo diuiditur, in ætheream. s. & elementarem regionem, Elementaris quidē alterationi continuæ peruia existens, in quatuor diuiditur. Est em̃ terra tanquam mundi centrum in medio omnium sita,

sita, circa quam aqua, circa aquam aer, circa aerem ignis, illic purus & non turbidus orbem Lunę attin-  
gēs, vt ait Aristoteles in libro Meteororū. Sic enim  
ea disposuit Deus gloriosus & sublimis. Et hæc qua-  
tuor elementa dicuntur, quæ vicissim à semetipsis  
alterantur, corrumpuntur, & generantur.

Sunt autem elementa corpora simplicia, quæ in  
partes diuersarū formarū minimè diuidi possunt,  
ex quorum cōmixtione diuersæ generatorum spe-  
cies fiūt. Quorum trium quodlibet terram orbicu-  
lariter vndiq; circundat nisi quantum siccitas terre  
humori aquæ obstitit ad vitam animantium tuen-  
dam. Omnia etiam præter terram mobilia existūt,  
quæ vt centrum mundi, ponderositate sui, magnū  
extremorum motum vndique equaliter fugiens, ro-  
tundæ sphæræ medium possidet.

Circa elementarem quidem regionem æthereæ  
regio lucida ab omni variatione, sua immutabili  
essentia, immunis existens, motu continuo circu-  
lari ter incedit, & hæc à Philosophis quinta nun-  
cupatur essentia: cuius nouem sunt Sphæræ, si-

## SCHOLION VINETI.

*Quinta nuncupatur essentia) Ab Aristotele οὐρα  
quidem, id est, essentia lib. primo de Cælo, in libro vero  
de Mundo (quem eiusdem esse Aristotelis quidam ne-  
gant) στοιχεῖον, id est, elementum, aliud à quatuor il-  
lis, igne, aere aqua, terra.*

cut in proximo pertractatum est, scilicet, Lu-  
næ, Mercurij, Veneris, Solis, Martis, Iouis Sa-  
turni, stellarum fixarum, & cœli vltimi. Istarum  
autem

autem sphaerarum quaelibet superior inferiorē sphaericè circumdat: quarum quidem duo sunt motus. Vnus est cœli vltimi super duas axis extremitates, scilicet, polum arcticum & antarcticum, ab oriēte per occidentem iterum rediens in orientem, quem æquinoctialis circulus per medium diuidit. Est etiā alius inferiorum sphaerarum motus p obliquū huic oppositus super polos suos distantes à primis viginti tribus gradibus & triginta tribus minutis.

### SCHOLION VINETI.

*A primis scilicet polis mundi, id est, arctico & antarctico. Pro viginti tribus minutis hoc loco solum Fabri Stapulensis exemplar habet vnum et quinquaginta, fortasse, quod is numerus sit cap secundo, vbi de Coluris et circulis minoribus. Quoniam aut hęc ex Ptolemaeo ferè sunt, quæ obseruarunt diuersa recentiores Astrologi, ea lege in Purbachij Theoricis.*

Sed primus omnes alias sphaeras secum impetu suo rapit intra diē & noctem circa terram semel, illis tamen contrā nitentibus. vt octaua sphaera in centum annis gradu vno. Hūc siquidem motum secundū diuidit per medium Zodiacus, sub quo quilibet septem planetarum sphaeram habet propriam, in qua defertur motu proprio contra



cœli

cœli intimi motum, & in diuersis spatijs temporū ipsum metitur: vt Saturnus in triginta annis: Iupiter in duodecim: Mars in duobus: Sol in trecentis sexaginta quinque diebus & sex horis ferè: Venus & Mercurius similiter ferè cum Sole. Luna verò in viginti septem & octo horis.

COELVM MOVERI CIRCVLARITER & esse figuræ Sphæricæ.

**Q**uod autem cœlum euoluatur ab oriente in occidentem, signum est. Stellæ quæ oriuntur in oriente, semper eleuantur paulatim & successiuè, quousque in medium cœli veniant; & sunt semper in eadem propinquitate & remotione adinuicem: & ita semper se habentes, tendunt in occasum continuè, & vniformiter.

Est & aliud signum. Stellæ quæ sunt iuxta polū arcticum, quæ nunquam nobis occidunt, mouëtur continuè, & vniformiter circa polum describendo circulos suos, & semper sunt in æquali distantia adinuicem & propinquitate. Vnde per istos duos motus continuos stellarum tam tendentium ad occasum, quam non, patet, quòd firmamentum mouetur ab oriente in occidentem.



QVOD

Quod autem cœlum sit rotundum, triplex est ratio, similitudo, commoditas, & necessitas. Similitudo, quoniam mundus sensibilis factus est ad similitudinem mûdi archetypi, in quo nec est principiû, nec finis. Vnde ad huius similitudinem factus mundus sensibilis, habet formam rotundam, in qua nō est assignare principium, neque finem.

## SCHOLION VINETI.

Ἀρχὴ τοῦ ποτὸς substant. prima forma, idea, & exemplar, quod imitetur. Mundus Archetypus (ut archetypas nugas, archetypos Cleantas dixerunt Iuuenalis & Martialis) hic dicitur ea mundi forma, quam mente concepit Deus mundum factururus, quæ Dei cogitatio æterna est, ut Deus ipse. Sic hunc locū interpretantur.


Commoditas, quia omnium corporum isoperimetrorum sphaera maximum est: omnium etiam formarum rotûda capacissima est. quoniam igitur maximum & rotundum, ideo capacissimum: vnde cum mundus omnia contineat, talis forma fuit illi utilis & commoda.

## SCHOLION VINETI.

ἰσόπν equale, πῶς δὲ circum, μέτρον mensura τῶν περιμέτρων  
linea circundans, & ambitus. Si itaque fuerint due insulae, verbi gratia, ambitus vicenum stadiorum quarū altera triquetra sit, altera rotunda sit circuliq; speciem habeat, isoperimetrarum illarum maior erit rotunda. Sic habebit, si ex eodem luto vas rotundum  
& qua-

& quadratum finxeris. Theon in lib. 1. magnæ Syntæ-  
xios Ptolemæi.

Necessitas, quoniam si mundus esset alterius for-  
mæ, quàm rotundæ,  
scilicet trilateræ, vel  
quadrilateræ, vel mul-  
tilateræ, sequerentur  
duo impossibilia, scili-  
cet quòd aliquis loc⁹  
esset vacuus & corpus  
sine loco: quorū vtrū-  
quæ est falsum, sicut  
patet in angulis eleua-  
tis & circumuolutis.



Item sicut dicit Alfraganus, si cælum esset planum,  
aliqua pars cœli esset nobis propinquior alia, illa sci-  
licet, quæ esset supra caput nostrum.

## SCHOLION VINETI.

*Alfraganus tuus differentia secunda nugatur, quia cœli in orbem acti puncta singula à centro semper æqualiter distantia conuerterentur Annotauit Petrus Nonius.*


Igitur stella ibi existens, esset nobis propinquior, quam stella in ortu vel occasu. Sed quæ nobis propinquiora sunt, maiora videntur. Ergo Sol, vel alia stella existens in medio cœli, maior deberet videri, quàm in ortu existens vel in occasu. Cuius contrarium videmus contingere: maior enim apparet Sol, vel alia stella existens in oriente, vel occidente, quàm in medio cœli. Sed cum rei veritas ita non sit, huius apparentiæ causa est, quod in tempore hyemali vel pluuiali vapores quidam ascendunt inter aspectum nostrum & Solem, vel aliam stellam. & cum illi vapores sint corpus diaphanum, disgregant radios nostros visuales, ita quod non comprehendunt rem in sua naturali & vera quantitate, sicut patet in denario proiecto in fundo aquæ limpidæ, qui propter similem disgregationem radiorum apparet maioris, quam suæ veræ quantitatis.

## SCHOLION VINETI.

*Diaphanum nescio an apud probatos auctores legauit Rhodiginus: ego διαφανος tantum memini. Sunt autem διαφαναer, aqua, vitrum, crystallus, vapores, & alia huiusmodi, ita rara, ut per ea videre possis. Pellucida & alios dixisse puto, sicut & cribrum, & laternam Punicam,*



Punicam, & agnum aded macrum, vt eius exta in sole  
etiam viui inspicere liceret: pellucere dixit Plautus in  
Rudente & Aulularia. Cur autem in aqua simulachra  
maiora veris cernantur, disputat Macrobius libro se-  
ptimo Saturnalium.



Quod etiã terra sit rotũda, patet sic. Signa & stel-  
læ non equaliter oriuntur, & occidunt omnibus ho-  
minibus vbique existentibus: sed prius oriuntur, &  
occidunt illis, qui sunt versus orientem. Et quòd ci-  
tius & tardius oriũtur, & occidunt quibusdam, cau-  
sa est

sa est tumor terre. quod bene patet per ea quę fiunt in sublimi. vna enim & eadem eclipsis Lunę numero, quę apparet nobis in prima hora noctis, apparet orientalibus circa horam noctis tertiam. Vnde constat, quod illis prius fuit nox, & sol prius occidit, quam nobis. Cuius rei causa est tñ tumor terre.




Quod etiam terra habeat tumorem à septētrione in austrum, & contrā, sic patet. Hominibus  
Sphæ. Sac. Bos. B existen-

existentibus versus septentrionem, quædam stellæ sunt sempiternæ apparitionis, scilicet quæ propinquæ accedunt ad polum arcticum, aliæ verò sunt sempiternæ occultationis, sicut illæ quæ sunt propinquæ polo antarctico. Si igitur aliquis procederet à septentrione versus austrum, in tantum posset procedere, quòd stellæ, quæ prius erant ei sempiternæ apparitionis, ei iam tenderent in occasum, & quâto magis accederet ad austrum, tantò plus mouerètur in occasum. Ille iterum idem homo posset videre stellas, quæ prius fuerant ei sempiternæ occultationis. Et è conuerso contingeret alicui procedenti ab austro versus septentrionem. Huius autem rei causa est tantum tumor terræ.

Item si terra esset plana ab oriente in occidentem, tam cito orirètur stellæ occidentalibus, quàm orientalibus, quod patet esse falsum.

Item si terra esset plana à septentrione in austrum, & contrà, stellæ, quæ essent alicui sempiternæ apparitionis, semper apparerent eidem, quocunque procederet, quòd falsum est, sed quòd plana sit, præ nimia eius quantitate hominum visui apparet.



## QVOD AQVA SIT ROTUNDA.

**Q**Vòd autem aqua habeat tumorem, & accedat ad rotunditatem, sic patet. Ponatur signum in littore maris, & exeat naus à portu, & in tantum elongetur, quod oculus existentis iuxta pedem mali non possit videri signum, stante verò naui oculus eiusdem existentis in summitate mali, bene videbit signum illud. Sed oculus existentis iuxta pedē mali, melius deberet videre signum,

sum : & hoc ideo, quia æqualiter terra distat ab eis. Si. n. terra magis accederet ad firmamentum in vna parte quàm in alia, sequeretur qđ aliquis existens in illa parte superficiei terræ, quæ magis accederet ad firmamentum, non videret cœli medietatē. Sed hoc est cōtra Ptolemæum & omnes Philosophos, dicentes, qđ vbicunq; existat hō, sex signa ei oriuntur, & sex occidūt, & medietas cœli semper apparet ei, medietas verò occultatur.



Illud item est signum, quòd terra sit tanquam centrum & pūctus respectu firmamenti : quia si terra esset alicuius quantitatis respectu firmamenti : non contingeret medietatem cœli videri.

Item si intelligatur superficies plana super centrum terræ, diuidens eam in duo æqualia, & ipsum per consequens firmamētum. Occultus igitur existens in terræ centro videret medietatē cœli : & idem existens in superficie terræ videret eandem medietatem. Ex his colligit, qđ insensibilis est quātitas terræ, quæ est à superficie ad centrū.

& p consequens quāti-  
tas totius terræ insensibilis est respectu firmamēti.

Dicit etiam Alfraganus, q̃ minima stellarum fixarum visu mutabilium, maior est tota terra: sed ipsa stella, respectu totius firmamenti, est sicut punctus & centrum: multò igitur fortius terra est punctus respectu firmamenti, cum sit minor ea.

Quòd autem terra in medio omnium teneatur immobiliter, cùm sit summè grauis, sic persuadere videtur eius grauitas. Omne graue naturaliter tendit ad centrum, Centrum quidem punctus in medio firmamenti. Terra igitur cum sit summè grauis, ad punctum illum naturaliter tendit.

Item, quicquid à medio mouetur, versus circumferentiam cœli ascendit: terra à medio mouetur: igitur ascendit quod pro impossibili relinquitur.


## DE AMBITV TERRE ET DIAMETRO.

**T**otius autem orbis terræ ambitus, auctoritate Ambrosij, Theodosij, Macrobij, & Eratosthenis Philosophorum, 252000. stadia continere diffinitur, vnicuiq; quidem 360. partium zodiaci 700. stadia deputando. Sumpto. n. astrolabio, vel quadrante in stellatæ noctis claritate, per vtrunque mediclinij foramen, polo perspecto notef graduum multitudo, in qua steterit mediclinum. Deinde procedat cosmimetra directe versus septentrionem à meridie, donec in alte-



in alterius noctis claritate, viso vt prius polo, statuerit altius vno gradu mediclinium. Post hoc mensuretur huius itineris spatium, & inuenientur 790. stadia. Deinde datis vnique 360. graduum tot stadijs, terreni orbis ambitus inuentus erit.

Ex his autem, iuxta circuli & diametri regulam diameter terræ sic inueniri poterit. Aufer vigesimam secundam partem de circuitu terræ & remanentis tertia pars, hoc est 80181. stadia & semis, & tertia pars vnus stadij erit terreni orbis diameter siue spissitudo.



### SCHOLION VINETI.

Ambrosius Theodosius Macrobius hic vnicus est autor, Macrobius scilicet ille, qui scripsit Saturnalium libros & commentaria in Somnium Scipionis, in quorum libro primo illa inuenies de terræ ambitu ex Eratosthene. Eratosthenis porro huius scripta Sacroboscus an viderit nescio: quæ si ad nos peruenissent integra, sciremus, ambitumne terræ ducentorum & quinquaginta duorum milium stadiorum esse scripserit, quomodo tradūt Plinius extremo libro secundo, Macrobius ille, Capella, & Sacroboscus: an verò ducentorum &



quingenta solum, id est, *μεγίστων ἐκουσι πένδε*, ut habet Cleomedes libro primo. Huius certè vel solius auctoritas magni esse momenti debet, quod Eratosthenis rationes, & demonstrationem adducat. Ptolomæus post Eratosthenem fuit qui pro septingentis quingenta tantum stadia terrestris meridiani tribuit vni cælestis meridiani gradui. Ita incomperta est terræ magnitudo propter metiendi difficultatem, seu illius mensuram terræ, ut Eratosthenes, & alij, seu mari, ut Pseudo-nius, eodem Cleomede auctore, inire velis. Qui autem hic ambitus terræ vulgò dicitur, non solius est terræ, sed terræ & aquæ simul quæ vnā ambo dictæ sunt spheram constituere: Cæterum de mensuris hos fecerunt geometræ versiculos, memoriæ gratia.

Quatuor ex granis digitus componitur vnus.  
Est quater in palmo digitus, quater in pede palmus.  
Quinque pedes passum faciunt, passus quoque centum.  
Viginti quinque stadium dant, sed miliare  
Octo dabunt stadia. duplicatum dat tibi leucam.

Leuca tamen Gallicum vocabulum, quo & Hispani vtuntur, non dua miliaria, sed vnum tantum & dimidium, id est, mille & quingentos passus continere definitur Ammiano Marcellino libro quindecimo et sex todecimo. & Iornandi in Gothicis. Porro rationem certam cuiusvis ambitus circuli ad suum diametrum geometræ haud dum potuerunt demonstrare. Accipitur tamen interim pro vera vulgò, tripla sesquiseptima, quomodo se habent, 22. ad 7. atque ita versiculi hi ex diametro peripheriam & contra, ex illa diametrum cuiusvis circuli minimo negotio inuenire docent.

Circuitus circi per septem multiplicetur.

Vigintique

*Vigintiſque duo productum deinde ſecuto:  
Hinc numerus, quotiens qui dicitur, eſt diametrus;  
Si per vigintiduo multiplices diametrum.  
Per ſeptemque ſeces numerum, qui prodijt inde,  
Circuitum circi quotiens numerus tibi redit.*

## CAPITVLVM SECVNDVM


De circulis, ex quibus ſphæra materia-  
lis componitur: & illa ſuper cœle-  
ſtis, quæ per iſtam imagi-  
natur, componi in-  
telligitur.

**H**Orum autem circulorum quidam ſunt ma-  
iores, quidam minores: vt ſenſui patet. Ma-  
ior autem circulus in ſphæra dicitur, qui de-  
ſcriptus in ſuperficie  
ſphære ſuper eius cen-  
trum diuidit ſphæram  
in duo æqualia, Mi-  
nor vero, qui deſcri-  
ptus in ſuperficie ſphæ-  
re eam non diuidit in  
duo æqualia, ſed in  
portiones inæquales.  
Inter circulos verò  
maiores, primò dicen-  
dum eſt de æqui no-  
tiali.



# DE AEQVINOCTIALI CIRCULO.

**E**st igitur æquinoctialis circulus quidam, diuidens sphæram in duo æqualia, secundum quamlibet sui partem æquè distans ab vtroque polo. Et dicitur æquinoctialis, quoniam quando Sol transít per illum (quod est bis in anno, in principio Arietis, scilicet, & in principio Libræ) est æquinoctiũ in vniuersa terra: vnde etiam appellatur æquator diei & noctis, quia adæquat diem artificialem nocti. Et dicitur cingulus primi motus. Vnde sciendum quòd primus motus dicitur motus



primi mobilis, hoc est, non æ sphære siue cœli vltimi, qui est ab oriente per occidentem, rediens iterum in orientem: qui etiam dicitur motus rationalis, ad similitudinem motus rationis, qui est in microcosmo, id est, in homine, scilicet quando fit cõsideratio à creatore per creaturas in creatorem, ibi sedendo. Secundus motus est firmamenti & planetarum, contrarius huic, ab occidente per orientẽ iterum rediens in occidentẽ. qui motus dicitur irrationalis siue sensualis, ad similitudinem motus microcosmi, qui est à corruptibilibus ad creatorem, iterum rediẽs ad corruptibilia. Dicitur ergo cingulus primi motus, quia cingit, siue diuidit primum mobile,

mobile, scilicet, sphæram nonam in duo æqualia, æquè distans à polis mundi. Vnde notandum, quòd polus mundi, qui nobis semper apparet, dicitur polus septentrionalis arcticus vel borealis. Septentrionalis dicitur à septentrione, hoc est, à maiori vrsa, qui dicitur à septem & trion, quod est bos: quia septem stellæ, quæ sunt in vrsa, tardè mouentur ad modum bouis, cum sint propinquæ polo. Vel dicuntur illæ septem stellæ septentriones, quasi septem teriones, eò quòd terunt partes circa polum. Arcticus quidem dicitur ab ἀρκτος, quod est vrsa. Est enim iuxta maiorem vrsam.

### SCHOLION VINETI.

*Iuxta maiorem vrsam. Quidam libri habent, Iuxta minorem vrsam. Nam videtur hic auctor vrsam, quæ vulgo maior dicitur, minorem vocare. Consule de hoc Vitruuium, Hyginium, Gellium, si quid habent certi.*

Borealis verò dicitur quia est in illa parte à qua venit, Boreas. Polus vero oppositus, dicitur antarcticus, quasi contra arcticum, positus, dicitur & meridionalis, quia ex parte meridiei est, dicitur etiam australis, quia est in illa parte à qua venit auster. Ista igitur duo puncta in firmamento stabilia, dicuntur poli mundi, quia sphæræ axem terminant, & ad illos voluitur mundus, quorum vnus semper nobis apparet, reliquus verò semper occultatur. Vnde Virgilius in primo Georg.

Hic vertex nobis semper sublimis, at illum  
Sub pedibus Styx atra videt manesque profundi.

## D E Z O D I A C O

## C I R C V L O .

**E**st alius circulus in sphæra, qui interfecat æquinoctialem, & interfecatur ab eodem in duas partes æquales: & vna eius medietas declinat versus septentrionem, alia versus austrum. Et dicitur iste circulus zodiacus à ζῳδιον quod est vita, quia secundum motum planetarum sub illo est omnis vita in rebus inferioribus. Vel dicitur à ζῷον quod est animal, quia cum diuidatur in 12. partes æquales, quælibet pars appellatur signum, & nomen habet speciale à nomine alicuius animalis, propter proprietatem aliquam conuenientem tam ipsi, quam animali. Vel propter dispositionem stellarum fixarum in illis partibus ad modum huiusmodi animalium. Iste verò circulus latinè dicitur signifer, quia fert signa, vel quia diuiditur in ea. Ab Aristotele verò in lib. 2. de generatione & corruptione, dicitur circulus obliquus, vbi dicit, quod secundum accessum & recessum Solis in circulo obliquo fiunt generationes & corruptiones in rebus inferioribus. Nomina autem signorum, ordinatio, & numerus in his patet versibus:

Sunt Aries, Taurus Gemini, Cancer, Leo, Virgo.

Libraque, Scorpius. Arcitenens, Capreus, Amphora, Pisces.

Quodlibet autem signum diuiditur in 30. gradus. Vnde patet, quòd in toto zodiato sunt 360. gradus. Secundum autem Astronomos iterum quilibet gradus diuiditur in 60. minuta, quodlibet minu-

tum

tum in 60. secunda, quodlibet secundum in 60. tertia, & sic deinceps vsque ad decem: Et sicut diuiditur zodiacus ab astronomo, ita & quilibet circulus in sphaera, siue maior siue minor, in partes consimiles.

Cum omnis etiam circulus in sphaera, præter zodiacum, intelligatur sicut linea vel circumferentia, solus zodiacus intelligitur vt superficies, habens in latitudine sua duodecim gradus, de cuiusmodi gradibus iam locuti sumus. Vnde patet quòd quidam mentiuntur in Astrologia, dicentes, signa esse quadrata, nisi abutentes nomine, idem appellent quadratum & quadrangulū. Signum enim habet gradus 39. in longitudine, 12. verò in latitudine.

Linea autem diuidens zodiacum in circuitu, ita quòd ex vna parte sui relinquat sex gradus, & ex alia parte alios sex, dicitur linea ecliptica, quoniam quando Sol & Luna sunt linealiter sub illa, contingit eclipsis Solis aut Lunæ. Solis, vt si fiat nouilunium, & Luna interponatur rectè inter aspectum nostrū, & corpus solare: Lunæ, vt in plenilunio, quando Sol Lunæ opponitur diametraliter. Vnde eclipsis Lunæ nihil aliud est, quā interpositio terræ, inter corpus Solis & Lunæ. Sol quidem semper decurrit sub ecliptica, omnes verò alij planetæ declinant vel versus septentrionem, vel versus austrum:



quan-



*causam esse volunt motum illum tertium polos versus in octaua sphaera obseruatum.*

Similiter primus punctus Capricorni, vbi idem colurus ex alia parte interfecat zodiacum, dicitur punctus solstitij hyemalis: & arcus coluri interceptus inter punctum illum & æquinoctialem, dicitur alia maxima Solis declinatio, & æqualis priori.

Alter quidem colurus transit per polos mundi, & per prima puncta Arietis & Libræ, vbi sunt duo æquinoctia: vnde appellatur colurus distinguens æquinoctia. Isti autem duo coluri interfecant sese super polos mundi ad angulos rectos sphaerales. Signa quidem solstitiorum & æquinoctiorum patēt hic versibus.

Hec duo solstitium faciūt, Cancer, Capricornus.

Sed noctes æquant Aries, & Libra diebus.

## DE MERIDIANO ET

## HORIZONTE.

**S**Vnt iterum duo alij circuli maiores in sphaera, scilicet meridianus & horizon.

Est autem meridianus, circulus quidam trāfiens per polos mundi, & per zenith capitis nostri. Et dicitur meridianus, quia vbicunque sit homo & in quocunque tempore anni, quando Sol motu firmamenti peruenit ad suum meridianum, est illi meridies. Cōsimili ratione dicitur circulus medi j diei. Et notādum quòd ciuitates, quarum vna magis accedit ad orientem, quàm alia, habent diuersos meridianos. Arcus verò æquinoctialis interceptus inter duos meridianos dicitur longitudo ciuitatum. Si autem duæ ciuitates eundem habeant meridianum tunc æqualiter distāt ab oriente & occidente.



**H**Orizon verò est circulus diuidens inferius hemisphærium à superiori. vnde appellatur horizon, id est, terminator visus. Dicitur etiā horizon circulus hemisphærij, eadem de causa. Est autem duplex horizon, rectus, & obliquus, siue decliuis. Rectum horizontem & sphæram rectam habent illi, quorum zenith est in æquinoctiali, quia illorum horizon est circulus transiens per polos mundi diuidens æquinoctialem ad angulos rectos sphærales, vnde dicitur horizon rectus & sphæra recta. Obliquum horizontem siue decliuem habent illi, quibus polus mundi eleuatur supra horizontem, & quoniam illorum horizon intersecat æquinoctialem ad angulos impares & obliquos, dicitur horizon obliquus, & sphæra obliqua siue decliuis. Zenith autem capitis nostri semper est polus horizontis. Vnde ex his patet, quòd quanta est eleuatio poli mundi super horizontem, tanta est distantia zenith ab æquinoctiali, quod



sic patet. Cum in quolibet die naturali vterq; colurus bis iungatur meridiano, siue idem sit quod meridianus, quicquid de vno probatur, & de reliquo. Sumatur igitur quarta pars coluri distinguentis solstitia, quæ est ab æquinoctiali vsque ad polum mundi, sumatur iterum quarta pars eiusdem coluri, quæ est à zenith vsque ad horizontem, cum zenith sit polus horizontis. Istæ duæ quartæ, cum sint quartæ eiusdem circuli, inter se sunt æquales: sed si ab æqualibus æqualia deman-

tur,

tur, vel idem commune, residua erunt æqualia. dempto communi igitur arcu, scilicet qui est inter zenith & polum mundi, residua erunt æqualia, scilicet eleuatio poli mundi supra horizontem, & distantia zenith ab æquinoctiali.

## DE QVATVOR CIRCVLIS MINORIBVS.

**D**ICTO de sex circulis maioribus, dicendum est de quatuor minoribus. Notandum igitur, quod Sol existens in primo puncto Cancri, siue in puncto solstitij æstiuales, raptu firmamenti describit quendam circulum, qui vltimo descriptus est à Sole ex parte poli arctici: vnde appellatur cir-

### SCHOLION VINETI.

*Firmamentum auctor primo capite vocabat octauam sphaeram. sed hic firmamentum supremam sphaeram significet necesse est, aliquotque alijs locis.*

culus solstitij æstiuales, ratione superius dicta, vel tropicus æstiuales, à *ἡρόπια*, quod est conuersio, quia tunc Sol incipit se conuertere ad inferius hemisphaerium, & recedere à nobis. Sol iterum existens in primo puncto Capricorni siue solstitij hyemalis, raptu firmamenti describit quendam circulum, qui vltimo describitur à Sole ex parte poli antarctici: vnde appellatur circulus solstitij hyemalis, siue tropicus hyemalis, quia tunc Sol conuertitur ad nos.

## SCHOLION VINETI.

Α τροπή q.) Hanc τροπήν Cicerolibro secundo de natura Deorum appellat reuersionem, quod Sol reuertitur incipiat, ed unde est profectus. Vocat autem auctor inferius hemisphaerium partem mundi australem, vt Macrobius libro primo Saturnalium.


Cum autem zodiacus declinat ab æquinoctiali & polus zodiaci declinabit a polo mundi. Cum igitur moueatur octaua sphaera, & zodiacus, qui est pars octauæ sphaeræ, mouebitur circa axem mundi, & polus zodiaci mouebitur circa polum mudi. Iste igitur circulus, quem describit polus Zodiaci circa polum mundi arcticum, dicitur circulus arcticus: ille verò circulus, quem describit alter polus zodiaci, circa polum mundi antarcticum, dicitur circulus antarcticus.

## SCHOLION VINETI.

Arcticorum orbium descriptio hæc multum diuersa est ab ea, quam Cleomedes Proclus, & alij tradunt.

Quanta est etiam maxima Solis declinatio, scilicet ab æquinoctiali, tanta est distantia poli mundi ad polum zodiaci: quod sic patet. Sumatur colurus distinguens solstitia, qui transit per polos mundi & per polos zodiaci. Cum igitur omnes quartæ vnius & eiusdem circuli inter se sint æquales, quarta huius coluri, quæ est ab æquinoctiali vsque ad polum mundi, erit æqualis quartæ eiusdem coluri, quæ  
est a

est à primo puncto  
Cancris vsq; ad polum  
zodiaci, igitur ab illis  
equalibus dempto cō  
muni arcu, qui est à  
primo pūcto Cancris  
vsque ad polum mun  
di, residua erūt æqua  
lia, scilicet maxima  
Solis declinatio, & di  
stantia poli mundi ad  
polum zodiaci. Cum



autem circulus arcticus secundum quamlibet sui  
partem æquè distet à polo mundi, patet quod illa  
pars coluri, quæ est inter primum punctum Can  
cri, & circulum arcticum, ferè est dupla ad maxi  
mam Solis declinationem, siue ad arcum eiusdem  
coluri, qui intercipitur inter circulum arcticum, &  
polum mundi arcticum, qui etiam arcus æqualis,  
est maximæ Solis declinationi. Cum enim colurus  
iste, sicut alij circuli, in sphæra sit 360. graduum,  
quarta eius erit 90. graduum. Cum igitur maxima  
Solis declinatio secundum Ptolomæum sit 23. gra  
duum, & 51. minutorum: & totidem graduum sit  
arcus, qui est inter circulum arcticum & polum  
mundi arcticum, si ista duo simul iuncta, quæ ferè  
faciunt 47. gradus, subtrahantur à 90. residuum  
erunt 42. gradus, quantus est arcus coluri, qui est  
inter primum punctum Cancris & circulum arcti  
cum, & sic patet, quod ille arcus ferè duplus est ad  
maximam Solis declinationem.

## DE QVINQVE ZONIS.

**A** Equinoctialis cum quatuor circulis minoribus dicuntur quinque; paralleli, quasi æquidistantes, non quia quantum primus distat à secundo, tantum secundus distet à tertio, quia hoc falsum est, sicut iam patuit, sed quia quilibet duo circuli simul iuncti secundum quamlibet sui partem æquè distant ab inuicem, & dicuntur parallelus æquinoctialis, parallelus solstitij æstiuæ, parallelus solstitij hyemalis, parallelus arcticus, & parallelus antarcticus.

Non tantum etiam quòd quatuor paralleli minores, scilicet duo tropici, & parallelus arcticus, & parallelus antarcticus distinguunt in cœlo quinque; zonas siue regiones; vnde Virgilius in Georgicis.

Quinque tenent cœlum zone, quarum vna corusco  
Semper sole rubens, & torrida semper ab igne, &c.

Distinguuntur etiam totidem plagæ in terra, directe prædictis zonis suppositæ, vnde Ouidius primo Metamorphoseon.

Totidemque plagæ tellure premuntur.

Quarum quæ media est non est habitabilis æstu.

Nix tegit alta duas; totidem inter vtranque locauit,  
Temperiemque dedit, mixta cum frigore flamma.

Illa igitur zona, quæ est inter duos tropicos, dicitur inhabitabilis propter calorem Solis discurrentis semper inter tropicos. Similiter plaga terræ, illi directè supposita dicitur inhabitabilis, propter calorem Solis discurrentis super illam. illæ verò duæ zonæ, quæ circumscribuntur à circulo arctico, & circulo antarctico circa polos mundi, inhabitabiles sunt

*Lib. 1.  
Geor.*

sunt propter nimiam frigiditatem, quia Sol ab eis maximè remouetur. Similiter intelligendum est de plagis terræ illis directè suppositis. Illæ autem duæ



zonæ quarū vna est inter tropicū æstiualem & circulum arcticum, & reliqua, q̄ est inter tropicū hyemalem & circulū antarcticū, habitabiles sunt, & temperatæ, caliditate torridæ zonæ exi-

stentis inter tropicos, & frigiditate zonarum, quæ sunt circa polos mundi extremarum. Idem intellige de plagis terræ illis directè suppositis.


### SCHOLION VIN ET I.

Rectè apud Trogum Scythæ, gens septentrionalis, de generis vetustate cū Aegyptus contendentes dicebāt naturam, quæ calore & frigore regiones distinxisset, ad locorum patientiam homines quoq; & alia animalia generasse. Nam quas Zonas inhabitabiles aflu & frigore permulti existimarunt, compertum multis navigationibus hoc nostro sæculo habitatores habere, (quod & ante annos mille ac quingentos Iubam Numidix regem aduersus plurimorum veterum opinionem probasse solinus auctor est, & Polybium ante Iubā Strebolib. secundo) earumque intemperiem nostros etiam homines temperato cælo natos & educatos, ferre tandem assueuisse. Quot enim Lusitanorum in Orientali, quot



reliquorum Hispanorum Colonias in Occidentali Zona  
torrida hodie inuentas? Zonæ autem frigida non æquæ  
nobis notæ sunt, neque familiares.

ALIA FIGVRA DE DISTIN-  
ctione Zonarum, qua simul causę distri-  
butionis earum & in cœlo & in  
terra cernuntur.





CAPITVLVM TERTIVM

De ortu & occasu signorum, & de diuersitate dierum & noctium, & de diuisione climatum.

**S**ignorum autem ortus & occasus dupliciter accipitur, quoniam quantum ad poetas, & quantum ad astronomos. Est igitur ortus & occasus signorum, quod ad poetas, triplex, scilicet cosmicus, chronicus, & heliacus.

Cosmicus enim ortus siue mundanus est, quando signum vel stella super horizontem ex parte orientis de die ascendit. Et licet in qualibet die artificiali, sex signa sic orientur, tamen antonomastice signum illud dicitur cosmicè oriri, cum quo & in quo Sol manè oritur. Et hic ortus proprius & principalis & quotidianus dicitur. De hoc ortu exemplum in primo Georgicā habetur, vbi docetur satio fabarum & milij in vere, Sole existente in Tauro: sic,

Candidus auratis aperit cum cornibus annum  
Taurus, & \* aduerso cedens Canis occidit astro, \* auerso

Occasus verò cosmicus est, respectu oppositionis, scilicet quando Sol oritur cum aliquo signo, cuius signi, signum oppositum occidit cosmicè. De hoc occasu dicitur in Georgicis, vbi docetur satio frumenti in fine autumnij, Sole existente in Scorpione, qui cum oriatur cum Sole, Taurus signi eius oppositum, vbi sunt Pleiades, occidit: sic.

Lib. 1.

Ante tibi Eoæ Athlantides abscondantur,  
Debita quàm fulcis committas semina.

Chronicus ortus siue temporalis est, quando signum vel stella post Solis occasum supra horizontem ex parte orientis emergit chronicè, scilicet de nocte:

nocte: & dicitur temporalis, quia tempus mathe-  
*Libr. 1.* maticorum nascitur cum Solis occasu. De hoc or-  
*Eleg. 9.* tu habemus in Ouidio lib. 1. de Ponto, ubi conque-  
 ritur moram exilij sui, dicens:

Quatuor autumnos Pleias orta facit.

significans per quatuor autumnos, quatuor annos  
 transisse, postquam missus erat in exilium. Sed Vir-  
 gilius voluit in autumno Pleiades occidere: ergo  
 contrarij videntur. Sed ratio huius est, quod secun-  
 dum Virgilium occidunt cosmicè, secundum Oui-  
 dium oriuntur chronicè: quod bene potest contin-  
 gere eodem die, sed differenter tamen, quia cosmi-  
 cus occasus est, respectu temporis matutini: chro-  
 nicus verò ortus, respectu vespertini est.

Chronicus occasus est, respectu oppositionis,  
 vnde Lucanus lib. 4. inquit,

Tunc nox Thessalicas vrgebat parua sagittas.

Heliacus ortus siue Solarius est, quando signum  
 vel stella videri potest per elongationem Solis ab  
 illo, quod prius videri non poterat Solis propin-  
 quitate. Exemplum huius ponit Ouid. lib. 2. de Fa-  
 stis, sic,

Iam leuis obliqua subsedit Aquarius vrna.

Et Virgilius in Georg. lib. 1.

Genosiaque ardentis decedat stella Coronæ:

Quæ iuxta Scorpionem existens non videtur,  
 dum Sol erat in Scorpione.

Occasus Heliacus est, quando Sol ad signum  
 accedit, & illud sua præsentia & luminositate videri  
 non permittit. Huius exemplum est in versu præ-  
 missio.

*adverso* Et \* adverso cedens canis occidit astro.

## SCHOLIION VINETI.

Ioannes de sacro Bosco multis locis se imperitum Græci sermonis ostendit, quemadmodum hic quoque, ubi chronicum pro acronicho ut diceret, non est dubium quin corrupti & mendosi libri in causa fuerint. Sunt autem ἀκρον summi, ὡς nox, ex quibus fit ἀκρόνυχος, & illud ἀκρόνυχαι quod legitur apud Iulium Firmicum lib. 2. 8. quod vide an sit purum, & à quo recto singulari deflectatur,

Porrò hic tibi quærendum primum, utrum dicant Græci frequētius ἀναβολήν, id est ortum ἀκρόνυχου an Arcturum, Pleiadas, Arietem, & reliqua sydera acronicha, Ortū illum ἀκρόνυχου memini ego legere qui appellerent. Deinde sydera quæ per totam noctē oriuntur et occidunt, an acronychè id facere dici possint ut hic voluit cum acronichè significatio noctis principio tantum conuenire videatur. Postremò si Sol erat in Geminis, quomodo non potius Sagittarij occasus ille cosmicus appelletur, ut supra, Pleiadum. Mihi quidem certe vix videtur Lucani illud ad ullum occasus genus pertinere, sed tantum anni tempus & breues noctes designare, cū Saggitarius obliquè ingrediē, ei aduersus signo. in quo erat Sol, totam noctem supra horizontem versari celesiter videtur. Eius sunt versus libro quarto.

Idem cum fortes animos præcepta subissent,  
Optauere diem nec segnis mergere ponto  
Tunc erat astra polus. nam Sol Ledæa tenebat  
Sydera, vicino cum lux altissima Cancro est.  
Nox tum Thessalias vrgebat parua sagittas.  
Detegit orta dies stantes in rupibus Ictros,  
Pugnacesque mari, & c.

## I N S T R U M E N T U M Q V O

facillimè omnes diuersitates ortus poetici  
oculis subijciuntur.

MERI.

ORTVS.

OCCA.



MEDIA NOX.

## DE ORTV ET OCCASV

signorum secundum astrologos seu de  
ascensionibus & descensionibus si-  
gnorum, rectis & obliquis.

Sequitur



**S** Equitur de ortu & occasu signorum, prout sumunt astronomi, & prius in sphæra recta. Siendum est, quod tam in sphæra recta, quàm obliqua ascendit æquinoctialis circulus semper uniformiter, scilicet in temporibus æqualibus æquales arcus ascendunt. Motus enim cœli vniformis.

### SCHOLION VINETI.

*Ascendit æquinoctialis.)* *Æquinoctialis oriuntur gradus 15. singulis horis æquinoctialibus, quales 24. diem constituere vulgo dicuntur, qui naturalis postea definitur.*

*est: & angulus, quem facit æquinoctialis cum horizonte obliquo, non diuersificatur in aliquibus horis. Partes verò zodiaci non de necessitate habent.*

### SCHOLION VINETI.

*Et angulus, quem facit) In sphæra recta æquinoctialis & horizon ad angulos se interfecant æquales, qui sunt recti. in sphæra verò obliqua ad angulos inæquales, quorum alter obtusus, ille, qui recto maior præter nonaginta*

nonaginta gradus (tot comprehendit rectus in sphæra angulus) quos in meridiano circulo numerus ab æquinoctiali ad polum mundi, gradus complectitur sublimitatis eiusdem poli supra horizontem. alter acutus, qui recto minor, eos gradus continet, qui reliqui sunt ex 90. postquam ex ijs 90. subduxisti eandem poli altitudinem. Quantum enim supra 90. accedit vni ex illis angulis tantum decedit alteri. Non variantur autem ij æquatoris & orizontis anguli, quæ admodum auctor ait, sed zodiacus & horizon varius inter se secant angulis, propter zodiaci ipsius obliquitatem, vnde inæquales illæ ascensiones partium zodiaci. Annotauit & Petrus Nonius.

æquales ascensiones in vtraque sphæra. quia quanto aliqua zodiaci pars rectius oritur tanto plus temporis ponitur in suo ortu. Huius signum est, quia sex signa oriuntur in longa vel in breui die artificiali, similiter & in nocte. Notandum igitur, quod ortus vel occasus alicui signi, nihil aliud est quàm illam partem æquinoctialis oriri, quæ oritur cum illo signo oriente, id est, ascendente supra horizontem: vel illam partem æquinoctialis occidere, quæ occidit cum illo signo occidente, id est, tendente ad occasum sub horizontem. Signum autem rectè oriri dicitur, cum quo maior pars æquinoctialis oritur; obliquè verò, cum quo minor. Similiter etiam intelligendum est de occasu.

**E**st sciendum, quòd in sphæra recta quartæ zodiaci inchoat à quatuor punctis, duobus scilicet solstitialibus, & duobus æquinoctialibus, adæquatur suis ascensionibus, id est, quantum temporis cōsumit quarta zodiaci in suo ortu, in tanto tem-



to tempore quarta æquinoctialis illi conterminalis peroritur: sed tamen partes illarum quartarum variantur. neque habent æquales ascensus, sicut iam patebit. Est enim regula. Quilibet duo arcus zodiaci æquales, & equaliter distantes ab aliquo quatuor punctorum iam dictorum, æquales habent ascensiones: & ex hoc sequitur, q̃ signa opposita æquales habent ascensiones. & hoc est quod dicit Lucanus lib. 9. loquens de processu Catonis in Libyam versus æquinoctialem,

Non obliqua meant, nec Tauro rectior exit  
Scorpius; aut Aries donat sua tempora Libræ,  
Aut astræ iubet lentos descendere pisces.  
Par Geminis Chiron, & idē quod Carcinus ardens.  
Humidus Ἰγρόκρως, nec plus Leo tollitur Vrna.

Hic dicit Lucanus, quod existentibus sub æquinoctiali, signa opposita æquales habent ascensiones & occasus. Oppositio autem signorum habetur per versum.

Est lib. ari. scor. tau. sag. gemi. cap. ca. ar. le. pis. vir.

### SCHOLION VINETI.

Ex hoc sequitur.) Signa opposita, tametsi non equaliter distant ab aliquo illorum quatuor punctorum, tamen cum aliquo alio signo utrunq; convenit: exempli gratia, Aries & virgo æquales habent ascensiones, quod equaliter distant à puncto solstitiali. Virgo eadem & Libra æquales: quæ equaliter distant ab æquinoctio: unde colligas Arietem cum Libra eundem habere ortum, quod axioma sit, inter se convenire, quæ eidem cōveniunt: & inter se esse paria, quæ eidem paria.

Lucani



Lucani autem illud ex lib. nono. Pharsalia, non obliqua  
meant non satis video quid sit: vereor enim ne velit  
Lucanus hoc significare, in sphæra recta signa omnia Zo  
diaci rectè oriri, & ascendere. Quæ autem signa in sphæ  
ra recta rectè, & quæ obliquè oriuntur, hic habes.

G. M.

Obl. Aries, Virgo, Libra, Pisces, 27 56  
Obl. Taurus, Leo, Scorp. Aquar. 29 55  
Rec. Gemi. Cancer. Sagit. Capri. 33 14

Porro quia hi gradus sunt æquinoctialis, & æquino  
ctialis gradus 15. hora una oriuntur, facile hinc colli  
ges, quanto tempore singula signa oriuntur.

Et est notandum, quod non valet talis argumen  
tatio: Illi duo arcus sunt æquales, & simul incipiunt  
oriri, & semper maior pars oritur de vno, quàm de  
reliquo: ergo ille arcus citius peroritur, cuius ma  
ior pars semper oriebatur.

### SCHOLION VINETI.

Maiores pars oritur. Oritur, pro orta videtur, aut or  
ta est sicut dixit cap. primo. eum terram esse centrum  
ostenderet, sex signa oriuntur & occidunt. Arcus au  
tem zodiaci pars prior si celerius oritur, eius posterior  
pars tardius ascendit, & contrà. inde compensatio.

Instantia huius argumentationis manifesta est  
in partibus prædictarum quætarum. Si enim su  
matur quarta pars zodiaci, quæ est à principio Arie  
tis usque ad finem Geminorum, semper maior pars  
oritur de quarta zodiaci, quàm de quarta æquino  
ctialis sibi conterminali, & tamen illæ duæ quartæ  
simul

simul peroriuntur. Idem intellige de quarta zodiaci, quæ est à principio Libræ vsque ad finem sagittarij.

Item si sumatur quarta zodiaci, quæ est à principio Cancrī vsque ad finem Virginis, semper maior pars oritur de quarta æquinoctialis, quàm de quarta zodiaci, illi conterminali, & tamen illæ duæ quartæ simul peroriuntur. Idem intellige de quarta zodiaci, quæ est à primo puncto Capricorni vsq; ad finem piscium.

**I**N sphæra autem obliqua siue decliui, duæ medietates zodiaci adæquantur suis ascensionibus: medietates dico, quæ sumuntur à duobus punctis æquinoctialibus: quia medietas zodiaci, quæ est à principio Arietis vsque in finem Virginis, oritur cum medietate æquinoctialis sibi conterminali. Si militer alia medietas zodiaci oritur cum aliqua medietate æquinoctialis.

### SCHOLION VINETI.

*Inuenies in Iacobi Fabri commētarijs tabellam hæc ad latitudinem 48. graduum factam, de ascensionibus signorum zodiaci.*

		G.	M.	
<i>Aries,</i>	<i>Pisces,</i>	14.	50.	<i>obl.</i>
<i>Taurus,</i>	<i>Aquarius,</i>	18.	51.	<i>obl.</i>
<i>Gemini,</i>	<i>Capricornus</i>	27.	26.	<i>obl.</i>
<i>Cancer,</i>	<i>Sagittarius</i>	36.	58.	<i>rect.</i>
<i>Leo,</i>	<i>Scorpius</i>	40.	57.	<i>rect.</i>
<i>Virgo,</i>	<i>Libra,</i>	40.	58.	<i>rect.</i>

Partes autem illarum medietatum variantur secundum  
Sphæ. Sac. Bosc. D cun-

cundum suas ascensiones,  
quoniam in illa medietate  
zodiaci, quæ est à princi-  
pio Arietis vsque ad finem  
Virginis, semper maior  
pars oritur de zodiaco,  
quam de æquinoctiali, &  
tamen illæ medietates si-  
mul peroriuntur,

Econuerso contingit in  
reliqua medietate zodiaci, quæ est à principio Li-  
bræ vsque ad finem Piscium. semper enim maior  
pars oritur de æquinoctiali, quando zodiaco: &  
tamen illæ medietates simul peroriuntur. Vnde  
hic patet instantia facta manifestior contra argu-  
mentationem superius dictam.

Arcus autem, qui suc-  
cedunt Arieti vsque ad fi-  
nem Virginis in sphæra  
obliqua, minuunt ascen-  
siones suas supra ascen-  
siones eorundem arcuum in  
sphæra recta, quia minus  
oritur de æquinoctiali,




### SCHOLION VINETI.

*Arcus autem qui.) Si arcus, hi cœperint ab ipso pri-  
mo Arietis puncto. Alias poterit hoc esse falsum, ut  
deprendes ex collatione ascensionis singulorum signo-  
rum in tabula vtriusque sphære.*

Et arcus, qui succedunt Libræ vsq; ad finem Piscium in sphæra obliqua, augent ascensiones suas supra ascensiones eorundem arcuum in sphæra recta. quia plus oritur de æquinoctiali. Augent dico, secundum tantam quantitatem, in quanta arcus succedentes Arieti minuunt.

Ex hoc patet, quod duo arcus æquales & oppositi in sphæra, decliui habent ascensiones suas iunctas æquales ascensionibus eorundem arcuum in sphæra recta simul sumptis: quia quanta est diminutio ex vna parte, tanta est additio ex altera. Licet enim arcus inter se sint inæquales, tamen quantum vnus minor est, tantum receperat alius, & sic patet adæquatio. Regula quidem est in sphæra obliqua, quòd quilibet duo arcus zodiaci æquales, & æqualiter distantes ab alterutro punctorum æquinoctialium, æquales habent ascensiones.

**E**X prædictis etiam patet, quod dies naturales sunt inæquales. Est enim dies naturalis reuolutio æquinoctialis circa terram semel, cum



tanta parte, quantam interim Sol pertranslit, motu proprio contra firmamentum. Sed cum ascensiones illorum arcuum sint inæquales, vt patet per prædicta, tam in sphæra recta, quàm in obliqua; & penes additamētā illarum ascensionum cōside-

rentur dies naturales, illi de necessitate erūt inæquales. In sphæra recta, propter vnicam causam, scili-

cet propter obliquitatem zodiaci : in sphæra vero obliqua , propter duas causas, scilicet propter obliquitatem zodiaci, & obliquitatem horizontis obliqui . Tertia solet assignari causa , eccentricitas circuli Solis.

### SCHOLION VINETI.

*Plinius libro secundo, inæqualitatis dierum unicam tradit causam, obliquitatem zodiaci : Ptolemæus in fine libri tertij magnæ Syntax. duas : vnam, eandem obliquitatem zodiaci : alteram orbis Solis eccentricitatem. Hic addit tertiam causam, horizontis obliquitatem : quam tamen ostendit Baptista Capuanus nihil solam posse, sed tantum ea zodiaci adiuvare obliquitatem. De orbis Solis eccentricitate cap. quarto, in quo orbe cum Sol æqualiter versetur, atque ita sub zodiaco inæqualiter, æqualibus temporis spatij inæquales ecliptici circuli partes percurrere : dies, quos vocant, naturales, & sic quoque inæquales esse necesse est :*

Notandum etiam, q̃ Sol tendens à primo puncto Capricorni per Arietem, vsq; ad primum punctum Cancrī, raptu firmamenti describit 128. parallelos : qui quidem paralleli, etsi nō omnino sint circuli, sed spiræ, cum tamen non sit in hoc error sensibilis, in hoc vis non constituatur, si circuli appellentur, de numero quorū circulorum sunt duo tropici, & vnus æquinoctialis. Item iam dictos circulos describit Sol raptu firmamenti descendens à primo puncto Cancrī per Libram, vsque ad primum



mum punctum Capricorni: & isti circuli dierum naturalium circuli appellantur. Arcus autem, qui sunt supra horizontem, sunt, arcus dierum artificialium. Arcus vero, qui sunt sub horizonte, sunt arcus noctium artificialium.

### SCHOLION VINETI.


Hanc diei naturalis & artificialis appellationem definitionemque nouam & barbaram semper credidi, quisquis cam primus nobis tradiderit. Si Plinij, Gellij. Macrobij, Censorini, & multorum aliorum veterum Latinorum libros hi homines legissent paulo diligentius, suis diebus maxime propria & Latina vocabula inuenissent. Censorini ponemus verba in eorum gratiam, quibus copia librorum non semper suppetit.

Superest pauca de die dicere quæ, ut mensis aut annus partim naturalis, partim civilis est. Naturalis dies est tempus ab exoriente Sole ad Solis occasum, cuius contrarium tempus est nox, ab occasu Solis ad ortum. Civilis autem dies vocatur tempus, quod fit vno cæli circumactû, quo dies verus & nox continetur, ut cum dicimus aliquem dies triginta tantum vixisse. Hæc ille in libro de die naturali. Græci autem quibus vix nox, & dies *ἡμέρα* dicitur, sic suam hemeram, ut Latini suum



diem vsurpant: & cum diem Censorinus civilem descripsit, certius designare volunt, diem & noctem dicunt quemadmodum & Latini quoque, interdum ut re, sic composito nomine *νυχθημερον*, quasi dicas, noctiduum: quod nychthemeri verbum antè legeram in secunda Pauli ad Corinthios epistola, quam in magna Syntaxi Ptolemæi.

In sphæra igitur recta, cum horizon sphære rectæ trāseat per polos mundi, diuidit omnes circulos istos in partes æquales. Vnde tanti sunt arcus dierum, quanti sunt arcus noctium apud existentes sub æquinoctiali. Vnde patet, quòd existentibus sub æquinoctiali, in quacunque parte firmamenti sit Sol, est semper æquinoctium.



In sphæra autem decliui horizon obliquus diuidit solum æquinoctialem in duas partes æquales. Vnde quādo Sol est in alterutro punctorum æquinoctialium tum arcus diei æquatur arcui noctis, & æquinoctium in vniuersa terra. Omnes verò alios circulus diuidit horizon obliquus in partes inæquales, ita quod in omnibus circulis, qui sunt ab æquinoctiali vsque ad tropicum Cancræ, & in ipso tropico Cācri maior est arcus diei, quàm noctis, id est, arcus supra horizontem, quam sub horizontē. Vnde in toto tempore, quò Sol mouetur à principio Aric  
 us per



tis per Cancrum, usque in finem Virginis, maiorantur dies supra noctes & tanto plus, quāto magis accedit Sol ad Cancrum: & tanto minus, quanto magis recedit.

### SCHOLION VINETI.

Hoc intelligendum de parte mundi septentrionali, cum australis partis ratio sit penitus contraria. Illis autem maiorari & minorari dies ac noctes pro maiores longiores ve, minores breviores ve esse aut fieri, non habeo auctorem Sacroboscio antiquiorem, qui usus sit: sed ea tamen verba nihil admodum causæ est, cur magis barbara esse videatur, quam certiorari, quod, pro certiore fieri & moveri Vlpianus Iurisconsultus dixisse legitur in capite primo libri. 16. ff.

Econuerso autem se habet de diebus & noctibus, dum Sol est in signis australibus, In omnibus alijs circulis, quos Sol describit inter æquinoctialem & tropicum Capricorni, maior est arcus sub horizonte, & minor supra. Vnde arcus diei est minor



quam arcus noctis, & secundum proportionem arcuum minorantur dies supra noctes: & quanto circuli sunt propinquiores, tropico hyemali, tanto magis minorantur dies. Vnde videntur, quod si sumantur duo circuli æquidistantes ab æquino-

ctiali ex diuersis partibus, quantus est arcus diei in

vno, tātus est arcus noctis in reliquo. Ex hoc sequi videtur, quod si duo dies naturales sumantur in anno æqualiter remoti ab alterutro æquinoctiorum in oppositis partibus, q̄ta est dies artificialis vnius, tanta est nox alterius & è conuerso: sed hoc est quātum ad vulgi sensibilitatem in horizontis fixatione. Ratio enim per ademptionem Solis contra firmamentum in obliquitate zodiaci, verius dijudicat. Quanto quidem polus mundi magis eleuatur supra horizontem, tanto maiores sunt dies æstatis, quando Sol est in signis septentrionalibus: & è conuerso, quando est in signis australibus: tanto enim magis minorantur dies supra noctes.

### SCHOLION VINETI.

*Ratio enim per ademptionem. ) Illud ademptionem Solis, miror quomodo significet motum Solis proprium. qui vt in zodiaco inæqualis deprehenditur, ita tempora illa inæqualia sunt, licet cuiusque loci horizon fixus & immobilis parallelos illos Solis secet, qua ratione supra dictum est. Crediderim auctorem, per ademptionem, scripsisse, ab adipiscor.*

Notandum etiā quod sex signa, quæ sunt à principio Cancrī per libram vsque in finem Sagittarij, habent ascensiones suas in sphæra obliqua simul iunctas, maiores ascensionibus sex signorum, quæ sunt à principio Capricorni per Arietem, vsque ad finem Geminorum. Vnde illa sex signa prius dicta, dicuntur rectè oriri, ista verò sex, oblique Vnde verius.

Recta meant, obliqua cadunt à sydere Cancrī,  
 Donec

Donec finitur Chiron: sed cætera signa  
Nascuntur prono, descendunt tramite recto.

Et quando est nobis maxima dies in æstate, scilicet Sole existente in principio Cancri, tunc oriuntur de die sex signa directè oriëntia, de nocte autem sex obliquè. E conuerso, quando nobis est mini-



mus dies in anno scilicet Sole existente in principio Capricorni, tunc oriuntur de die sex signa obliquè oriëntia, de nocte vero sex directè. Quando autè Sol est in alterutro pñctorum æquinoctialium tunc de die oriuntur tria signa directè orientia, & tria obli-

què, & de nocte similiter. Est enim regula: quantumcunque brevis vel prolixa sit dies vel nox, sex signa oriuntur de die, & sex de nocte. Nec propter prolixitatem vel breuitatem diei vel noctis, plura vel pauciora signa oriuntur.

Ex his colligitur, quod cum hora naturalis sit spatium temporis, in quo medietas signi, peroritur, in qualibet die artificiali, similiter & nocte sunt duodecim horæ naturales. In omnibus autem alijs circulis, qui sunt à latere æquinoctialis, vel ex parte australi, vel septentrionali, maiorantur vel minorantur dies vel noctes, secundum quod plura vel pauciora de signis directè orientibus vel obliquè, de die vel nocte oriuntur.

Diem quam suprà artificialē Sacroboscus definiuit  
 tempus ab exorto in occasum Solem: sic noctem quoque  
 quæ est ab occaso Sole ad exortum, veterum horologia  
 in duodecim partes æquas diuissse, quas horas Græci  
 Latiniq̃ue dixerint, notius est, quam vt nostra pro-  
 batione egeat. Dies autem illæ & noctes quoniam in-  
 æquales sunt (longiores enim est ætis dies, quam brumæ,  
 & noctes contra æstiuæ breuiores, quàm hybernæ) eo-  
 rum horæ duodenæ inæquales quoque inter se erant, ac  
 maior non solum æstiuæ diei quam hybernæ, & noctis  
 similiter brumalis, quàm æstiuæ noctis hora, sed etiam  
 dici æstiuæ hora longior, quam hora noctis suæ, quemad-  
 modum hybernæ noctis longior hora, quam suæ diei.  
 Hoc genus horarum antiqui Græci Latiniq̃ue an aliquo  
 proprio vocabulo distinxerint non memini equidem le-  
 gere, quas minor auctor hic naturales vocasset, post-  
 quàm illorum diem & noctem, artificiales prius dixerit  
 pro naturalib. Aliquid horarum genus est, quas equi-  
 noctiales Plinius & alij Latini, sicut Græci ἡμερονοκτα  
 appellarunt, quia sunt æquales inter meridiū & me-  
 diam noctem, atque duodeimas rursus à media nocte in  
 meridiē sequentem: æquales (inquam) illæ perpetuo,  
 æstiuæ hybernis ac nocturnis diurnæ, quantum dies na-  
 turales antè definiti, inter se æquales fuerint. Hoc autē  
 nominis ab æquinotio hi ideo acceperūt, quod cum cu-  
 iuslibet diei & noctis duodeimas horas, vt diximus, an-  
 tiqui facerent, inter eas horas nunquam æqualitas in-  
 ueniebatur, nisi quo tempore erat æquinotium, id est,  
 quando dies nocti æqualis fiebat. Tunc verò, æqualis  
 nocturna

nocturna hora diuina. Aliam æquinoctialium horarum rationem non video, cur longius petant insignes quidam nostræ ætatis Mathematici.

## DE DIVERSITATE DIERVM

& noctium artificialium per omnia terræ loca.

**N**Otandum autem, quod illis, quorum zenith est in æquinoctiali circulo, Sol bis in anno transit per zenith capitis eorum, scilicet quando est in principio Arietis, & in principio Libræ: & tunc sunt illis duo alta solstitia, quoniā Sol directè trāsit supra capita eorum. Sunt iterum illis duo ima solstitia, quādo Sol est in primis punctis Cancrī & Capricorni: & dicuntur ima, quia tunc Sol maximè remouetur à zenith capitis eorū. Vnde ex prædictis patet, cum semper habeāt æquinoctium, in anno quatuor habebunt solstitia, duo alta, & duo ima. Patet etiam, quod duas habent ætates, Sole scilicet existente in alterutro puncto æquinoctialium, vel prope. Duas etiam habent hyemes, scilicet Sole existente in primis punctis Cancrī & Capricorni, vel prope. Et hoc est, quod dicit Alfraganus, quod æstas & hyems, scilicet nostræ, sunt illis vnius & eiusdem complexio- nis: quoniam duo tempora quæ sunt nobis æstas & hyems, sunt illis duæ hyemes. Vnde ex illis ver- sum Lucani patet expositio.

Depreſsum eſt hunc eſſe locum, quo circulus alti Solſtitij medium ſignorum percutit orbem.

Ibi. n. appellat Lucanus circulū alti ſolſtitij æqui- noctialem, in quo cōtingunt duo alta ſolſtitia ſub æquinoctiali exiſtentibus. Orbem ſignorum appel- lat zodia-

at zodiacum, quem medium, id est, mediatum, hoc est diuisum in dua media æquinoctialis percutit, id est, diuidit. Illis etiam in anno contingit habere quatuor umbras. Cū enim Sol sit in alterutro punctorum æquinoctialium, tunc manē iacitur umbra eorum versus occidentem, vespere verò ē conuerso. In meridie verò est illis umbra perpendicularis, cū Sol sit supra caput eorum. Cum autē Sol est in signis septentrionalibus, tunc iacitur umbra eorum versus austrum. Quando est in australibus, tunc iacitur versus septentrionem. Illis autem oriuntur & occidunt stellæ quæ sunt iuxta polos, sicut & quibusdam alijs habitantibus circa æquinoctialem. Vnde Lucanus sic inquit.

*ib. 3.* Tūc furor extremos mouit Romanus Horestas  
Garmanosque duces, quorum iam flexus in austrum.  
Aether, non totam mergi tamen aspicit Arcton,  
Lucet & exigua velox vbi nocte Bootes.  
Ergo mergitur & parum lucet.

*b. 1.* Item Ouidius de eadem stella,  
*rist.* Tingitur oceano custos Erimenthidos Vrlæ,  
*eg. 3.* Aequoriamque suo sydere turbat aquas.  
*b. 1.* In situ autem nostro numquam occidunt illæ  
*eor.* stellæ. Vnde Virgilius,  
Hic vertex nobis semper sublimis: at illum  
Sub pedibus Styx atra videt, manesque profundi.


Et Lucanus.

*ib. 8.* Axis inocciduis gemina clarissimus Arcto.  
Item Virgilius in Georg. sic inquit,  
Arctos oceani metuentes æquore tingi.

Illis



**I**llis autem, quorum zenith est inter æquinoctialem & tropicum Cancrī, contingit bis in anno, quòd Sol transsit per zenith capitis eorum, quod



sic patet; Intelligatur circulus parallelus æquinoctiali transiens per zenith capitis eorum: ille circulus interfecabit zodiacum in duobus locis æquidistantibus à principio Cancrī. Sol igitur existens in illis duobus punctis transsit per zenith capitis eorum. Vnde

de duas habent æstates, & duas hyemes, quatuor solstitia, & quatuor umbras, sicut existētes sub æquinoctiali. Et in tali situ dicunt quidam Arabiam esse. Vnde Lucanus, loquens de Arabibus, venientibus Romam in auxilium Pompeio, inquit,

Ignotum nobis Arabes, venistis in orbem.

Lib. 1.

Umbras mirati nemorum non ire sinistras. quoniam in partibus suis quandoq; erant illis umbræ dextræ, quandoque sinistræ, quandoque perpendiculares, quandoque orientales, quandoque occidentales: sed quando venerant Romam circa tropicum Cancrī, tunc semper habebant umbras septentrionales.

### SCHOLION VINETI.

Lucanus hic facit partem mundi sinistram, australem. dextram septentrionalem. Sic & multi alij. Aristoteli verò lib. 2. de Cælo dextrum mundi, est orientalis pars mundi, sinistrum, occidua.

Illis



nocte: & dicitur temporalis, quia tempus mathe-

*Libr. 1.* maticorum nascitur cum Solis occasu. De hoc or-

*Eleg. 9.* tu habemus in Ouidio lib. 1. de Ponto, vbi conque-

ritur moram exilij sui, dicens:

Qua tuor autumnos Pleias orta facit.

significans per quatuor autumnos, quatuor annos transiisse, postquam missus erat in exilium. Sed Virgilius voluit in autumno Pleiades occidere: ergo contrarij videntur. Sed ratio huius est, quod secundum Virgilium occidunt cosmicè, secundum Ouidium oriuntur chronicè: quod bene potest contingere eodem die, sed differenter tamen, quia cosmicus occasus est, respectu temporis matutini: chronicus verò ortus, respectu vespertini est.

Chronicus occasus est, respectu oppositionis, vnde Lucanus lib. 4. inquit,

Tunc nox Thessalicas vrgebat parua sagittas.

Heliacus ortus siue Solarius est, quando signum vel stella videri potest per elongationem Solis ab illo, quod prius videri non poterat Solis propinquitate. Exemplum huius ponit Ouid. lib. 2. de Fastis, sic,

Iam leuis obliqua subsedit Aquarius vrna.

Et Virgilius in Georg. lib. 1.

Genosiaque ardentis decedat stella Coronæ:

Quæ iuxta Scorpionem existens non videtur, dum Sol erat in Scorpione.

Occasus Heliacus est, quando Sol ad signum accedit, & illud sua præsentia & luminositate videri non permittit. Huius exemplum est in versu præmisso.

*\* auerso* Et *\* aduerso* cedens canis occidit astro.


## SCHOLIION VINETI.

Ioannes de sacro Bosco multis locis se imperitum Græci sermonis ostendit, quemadmodum hic quoque, ubi chronicum pro acronicho vt diceret, non est dubiū quin corrupti & mendosi libri in causa fuerint. Sunt autem ἀκρον summum, ὡς nox, ex quibus fit ἀκρονυχος, & illud ἀκρονυχαι quod legitur apud Iulium Firmicū lib. 2. 8. quod vide an sit purum, & à quo recto singulari deflectatur,

Porrò hic tibi quærendum primū, utrū dicant Græci frequētius ἀναβολήν, idest ortum ἀκρονυχον an Arcturum, Pleiadas, Arietem, & reliqua sydera acronicha, Ortū illum ἀκρονυχιον memini ego legere qui appellarent. Deinde sydera quæ per totam noctē oriuntur et occidunt, an acronychè id facere dici possint vt hic voluit cum acronichè significatio noctis principio tantum conuenire videatur. Postremò si Sol erat in Geminis, quomodo non potius Sagittarij occasus ille cosmicus appelletur, vt suprà, Pleiadum. Mihi quidem certe vix uidetur Lucani illud ad ullum occasus genus pertinere, sed tantum anni tempus & breues noctes designare, cū Sagittarius obliquè ingrediē, ei aduersus signo. in quo erat Sol, totam noctem supra horizontem versari celeriter videtur. Eius sunt versus libro quarto. Idem cum fortes animos præcepta subissent, Optauere diem nec segnis mergere ponto Tunc erat astra polus. nam Sol Ledaæ tenebat Sydera, vicino cum lux altissima Cancro est. Nox tum Thessalias vrgebat parua sagittas. Detegit orta dies stantes in rupibus Ictros, Pugnacesque mari, & c.

**I N S T R U M E N T U M Q V O**

facillimè omnes diuersitates ortus poetici  
oculis subiiciuntur.

**MERI.****ORTVS.****OCCA.****MEDIA NOX.****DE ORTV ET OCCASV**

signorum secundum astrologos seu de  
ascensionibus & descensionibus si-  
gnorum, rectis & obliquis.

Sequitur



**S** Equitur de ortu & occasu signorum, prout sumunt astronomi, & prius in sphaera recta. Siendum est, quod tam in sphaera recta, quam obliqua ascendit æquinoctialis circulus semper uniformiter, scilicet in temporibus æqualibus æquales arcus ascendunt. Motus enim cœli vniformis.

### SCHOLION VINETI.

*Ascendit æquinoctialis.)* *Æquinoctialis oriuntur gradus 15. singulis horis æquinoctialibus, quales 24. diem constituere vulgo dicuntur, qui naturalis postea definitur.*

*est: & angulus, quem facit æquinoctialis cum horizonte obliquo, non diuersificatur in aliquibus horis. Partes verò zodiaci non de necessitate habent.*

### SCHOLION VINETI.

*Et angulus, quem facit) In sphaera recta æquinoctialis & horizon ad angulos se intersecant æquales, qui sunt recti. in sphaera verò obliqua ad angulos inæquales, quorum alter obtusus, ille, qui recto maior præter nonaginta*

nonaginta gradus (tot comprehendit rectus in sphæra angulus) quos in meridiano circulo numerus ab æquinoctiali ad polum mundi, gradus complectitur sublimitatis eiusdem poli supra horizontem. alter acutus, qui recto minor, eos gradus continet, qui reliqui sunt ex 90. postquam ex ijs 90. subduxisti eandem poli altitudinem. Quantum enim supra 90. accedit uni ex illis angulis tantum decedit alteri. Non variantur autem ij æquatoris & orizontis anguli, quæ admodum auctor ait, sed zodiacus & horizon varius inter se secant angulis, propter zodiaci ipsius obliquitatem, vnde inæquales illæ ascensiones partium zodiaci. Annotauit & Petrus Nonius.

æquales ascensiones in vtraque sphæra. quia quanto aliqua zodiaci pars rectius oritur tanto plus temporis ponitur in suo ortu. Huius signum est, quia sex signa oriuntur in longa vel in breui die artificiali, similiter & in nocte. Notandum igitur, quod ortus vel occasus alicui signi, nihil aliud est quàm illam partem æquinoctialis oriri, quæ oritur cum illo signo oriente, id est, ascendente supra horizontem: vel illam partem æquinoctialis occidere, quæ occidit cum illo signo occidente, id est, tendente ad occasum sub horizontem. Signum autem rectè oriri dicitur, cum quo maior pars æquinoctialis oritur; obliquè verò, cum quo minor. Similiter etiam intelligendum est de occasu.

**E**st sciendum, quòd in sphæra recta quarta zodiaci inchoat à quatuor punctis, duobus scilicet solstitialibus, & duobus æquinoctialibus, adæquatur suis ascensionibus, id est, quantum temporis cōsumit quarta zodiaci in suo ortu, in tanto tem-

to tempore quarta æquinoctialis illi conterminalis peroritur: sed tamen partes illarum quartarum variantur. neque habent æquales ascensus, sicut iam patebit. Est enim regula. Quilibet duo arcus zodiaci æquales, & equaliter distantes ab aliquo quatuor punctorum iam dictorum, æquales habent ascensiones: & ex hoc sequitur, q̃ signa opposita æquales habent ascensiones. & hoc est quod dicit Lucanus lib. 9. loquens de processu Catonis in Libyam versus æquinoctialem,

Non obliqua meant, nec Tauro rectior exit  
Scorpius, aut Aries donat sua tempora Libræ,  
Aut astræa iubet lentos descendere pisces.  
Par Geminis Chiron, & idē quod Carcinus ardens.  
Humidus Ἰγέρων, nec plus Leo tollitur Vrna.

Hic dicit Lucanus, quod existentibus sub æquinoctiali, signa opposita æquales habent ascensiones & occasus. Oppositio autem signorum habetur per versum.

Est lib. ari. scor. tau. sag. gemi. cap. ca. ar. le. pis. vir.

### SCHOLION VINETI.

*Ex hoc sequitur.) Signa opposita, tametsi non equaliter distant ab aliquo illorum quatuor punctorum, tamen cum aliquo alio signo utrunq; conuenit: exempli gratia, Aries & virgo æquales habent ascensiones, quod equaliter distant à puncto solstitiali. Virgo eadem & Libra æquales: quæ equaliter distant ab æquinoctio: vnde colligas Arietem cum Libra eundem habere ortum, quod axioma sit, inter se conuenire, quæ eidem cōueniunt: & inter se esse paria, quæ eidem paria.*

Lucani



Lucani autem illud ex lib. nono. Pharsalia, non obliqua  
meant non satis video quid sit: vereor enim ne velit  
Lucanus hoc significare, in sphæra recta signa omnia zo  
diaci recte oriri, & ascendere. Quæ autem signa in sphæ  
ra recta recte, & quæ oblique oriuntur, hic habes.

G. M.

Obl. Aries, Virgo, Libra, Pisces, 27 56

Obl. Taurus, Leo, Scorp. Aquar. 29 55

Rec. Gemi. Cancer. Sagit. Capri. 33 11

Porrò quia hi gradus sunt æquinoctialis, & æquino  
ctialis gradus 15. hora una oriuntur. facile hinc collig  
es, quanto tempore singula signa oriuntur.

Et est notandum, quod non valet talis argumen  
tatio: Isti duo arcus sunt æquales, & simul incipiunt  
oriri, & semper maior pars oritur de vno, quam de  
reliquo: ergo ille arcus citius peroritur, cuius ma  
ior pars semper oriebatur.

## SCHOLION VINETI.

Maior pars oritur.) Oritur, pro orta videtur, aut or  
ta est sicut dixit cap. primo. eum terram esse centrum  
ostenderet, sex signa oriuntur & occidunt. Arcus au  
tem zodiaci pars prior si celerius oritur, eius posterior  
pars tardius ascendit, & contrà inde compensatio.

Instantia huius argumentationis manifesta est  
in partibus prædictarum quartarum. Si enim su  
matur quarta pars zodiaci, quæ est à principio Arie  
tis usque ad finem Geminorum, semper maior pars  
oritur de quarta zodiaci, quam de quarta æquino  
ctialis sibi conterminali, & tamen illæ duæ quartæ  
simul



simul peroriuntur. Idem intellige de quarta zodiaci, quæ est à principio Libræ vsque ad finem sagittarij.

Item si sumatur quarta zodiaci, quæ est à principio Cancrī vsque ad finem Virginis, semper maior pars oritur de quarta æquinoctialis, quàm de quarta zodiaci, illi conterminali, & tamen illæ duæ quartæ simul peroriuntur. Idem intellige de quarta zodiaci, quæ est à primo puncto Capricornī vsq; ad finem piscium.

**I**N sphæra autem obliqua siue decliui, duæ medietates zodiaci adæquantur suis ascensionibus: medietates dico, quæ sumuntur à duobus punctis æquinoctialibus: quia medietas zodiaci, quæ est à principio Arietis vsque in finem Virginis, oritur cum medietate æquinoctialis sibi conterminali. Si militer alia medietas zodiaci oritur cum aliqua medietate æquinoctialis.

### SCHOLION VINETI.

*Inuenies in Iacobi Fabri commētarijs tabellam hæc ad latitudinem 48. graduum factam, de ascensionibus signorum Zodiaci.*

		G.	M.	
Aries,	Pisces,	14.	50.	obl.
Taurus,	Aquarius,	18.	51.	obl.
Gemini,	Capricornus	27.	26.	obl.
Cancer,	Sagittarius	36.	58.	rect.
Leo,	Scorpius	40.	57.	rect.
Virgo,	Libra,	40.	58.	rect.

Partes autem illarum medietatum variantur secundum  
Sphæ. Sac. Bosc. D cun-

cundum suas ascensiones, quoniam in illa medietate zodiaci, quæ est à principio Arietis vsque ad finem Virginis, semper maior pars oritur de zodiaco, quam de æquinoctiali, & tamen illæ medietates simul peroriuntur,



Econuerso contingit in reliqua medietate zodiaci, quæ est à principio Libræ vsque ad finem Piscium. semper enim maior pars oritur de æquinoctiali, quando zodiaco: & tamen illæ medietates simul peroriuntur. Vnde hic patet instantia facta manifestior contra argumentationem superius dictam.

Arcus autem, qui succedunt Arieti vsque ad finem Virginis in sphæra obliqua, minuunt ascensiones suas supra ascensiones eorundem arcuum in sphæra recta, quia minus oritur de æquinoctiali,



### SCHOLION VINETI.

*Arcus autem qui.) Si arcus, hi cæperint ab ipso primo Arietis puncto. Alias poterit hoc esse falsum, vt deprendes ex collatione ascensionis singulorum signorum in tabula vtriusque sphære.*

Et arcus, qui succedunt Libræ vsq; ad finem Piscium in sphæra obliqua, augent ascensiones suas supra ascensiones eorundem arcuum in sphæra recta. quia plus oritur de æquinoctiali. Augent dico, secundum tantam quantitatem, in quanta arcus succedentes Arieti minuunt.

Ex hoc patet, quod duo arcus æquales & oppositi in sphæra, decliui habent ascensiones suas iunctas æquales ascensionibus eorundem arcuum in sphæra recta simul sumptis: quia quanta est diminutio ex vna parte, tanta est additio ex altera. Licet enim arcus inter se sint inæquales, tamen quantum vnus minor est, tantum receperat alius, & sic patet adæquatio. Regula quidem est in sphæra obliqua, quòd quilibet duo arcus zodiaci æquales, & æqualiter distantes ab alterutro punctorum æquinoctialium, æquales habent ascensiones.

**E**X prædictis etiam patet, quod dies naturales sunt inæquales. Est enim dies naturalis reuolutio æquinoctialis circa terram semel, cum



tanta parte, quantam interim Sol pertransit, motu proprio contra firmamentum. Sed cum ascensiones illorum arcuum sint inæquales, vt patet per prædicta, tam in sphæra recta, quàm in obliqua; & penes additamētā illarum ascensionum cōside-

rentur dies naturales, illi de necessitate erūt inæquales. In sphæra recta, propter vnicam causam, scilicet

cet propter obliquitatem zodiaci : in sphæra vero obliqua , propter duas causas, scilicet propter obliquitatem zodiaci, & obliquitatem horizontis obliqui . Tertia solet assignari causa , eccentricitas circuli Solis.

### SCHOLION VINETI.

*Plinius libro secundo, inæqualitatis dierum unicam tradit causam, obliquitatem zodiaci : Ptolemaus in fine libri tertij magnæ Syntax. duas : vnam , eandem obliquitatem zodiaci : alteram orbis Solis eccentricitatem. Hic addit tertiam causam, horizontis obliquitatem : quam tamen ostendit Baptista Capuanus nihil solam posse , sed tantum ea zodiaci adiuvare obliquitatem . De orbis Solis eccentricitate cap. quarto , in quo orbe cum Sol æqualiter versetur, atque ita sub zodiaco inæqualiter, æqualibus temporis spatijs inæquales ecliptici circuli partes percurrere : dies, quos vocant, naturales , & sic quoque inæquales esse necesse est :*

Notandum etiam , q̃ Sol tendens à primo puncto Capricorni per Arietem, vsq; ad primum punctum Cancrī , raptu firmamenti describit 128. parallelos : qui quidem paralleli , etsi nō omnino sint circuli , sed spiræ , cum tamen non sit in hoc error sensibilis, in hoc vis non constituatur, si circuli appellentur , de numero quorū circulorum sunt duo tropici , & vnus æquinoctialis. Item iam dictos circulos describit Sol raptu firmamenti descendens à primo puncto Cancrī per Libram , vsque ad primum



num punctum Capricorni: & isti circuli dierum naturalium circuli appellantur. Arcus autem, qui sunt supra horizontem, sunt, arcus dierum artificialium. Arcus vero, qui sunt sub horizonte, sunt arcus noctium artificialium.


### SCHOLION VINETI.

Hanc diei naturalis & artificialis appellationem definitionemque nouam & barbaram semper credidi, quisquis cum primus nobis tradiderit. Si Plinij, Gellij. Macrobij, Censorini, & multorum aliorum veterum Latinorum libros hi homines legissent paulo diligentius, suis diebus maxime propria & Latina vocabula inuenissent. Censorini ponemus verba in eorum gratiam, quibus copia librorum non semper suppetit.

Superest pauca de die dicere quæ, ut mensis aut annus partim naturalis, partim civilis est. Naturalis dies est tempus ab exoriente Sole ad Solis occasum, cuius contrarium tempus est nox, ab occasu Solis ad ortum. Civilis autem dies vocatur tempus, quod sit vno cæli circumactu, quo dies verus & nox continetur, ut cum dicimus aliquem dies triginta tantum vixisse. Hæc ille in libro de die naturali. Græci autem quibus vix nox, & dies ἡμέρα dicitur, sic suam hemeram, ut Latini suum

diem usurpant: & cum diem Censorinus civilem descripsit, certius designare volunt, diem & noctem dicunt quemadmodum & Latini quoque, interdum vere, sic composito nomine *nycthemeron*, quasi dicas, noctiduum: quod *nycthemeri* verbum antè legeram in secunda Pauli ad Corinthios epistola, quam in magna Syntaxi Ptolemæi.

In sphæra igitur recta, cum horizon sphære rectæ transeat per polos mundi, diuidit omnes circulos istos in partes æquales. Vnde tanti sunt arcus dierum, quanti sunt arcus noctium apud existentes sub æquinoctiali. Vnde patet, quòd existentibus sub æquinoctiali, in quacunque parte firmamenti sit Sol, est semper æquinoctium.



In sphæra autem decliui horizon obliquus diuidit solum æquinoctialem in duas partes æquales. Vnde quãdo Sol est in alterutro punctorum æquinoctialium tum arcus diei æquatur arcui noctis, & æquinoctium in vniuersa terra. Omnes verò alios circulus diuidit horizon obliquus in partes inæquales, ita quod in omnibus circulis, qui sunt ab æquinoctiali vsque ad tropicum Cancræ, & in ipso tropico Cãcri maior est arcus diei, quàm noctis, id est, arcus supra horizonem, quàm sub horizonte. Vnde in toto tempore, quò Sol mouetur à principio Arie  
uis per



tis per Cancrum, vsque in finem Virginis, maiorantur dies supra noctes & tanto plus, quāto magis accedit Sol ad Cancrum: & tanto minus, quanto magis recedit.

### SCHOLION VINETI.

Hoc intelligendum de parte mundi septentrionali, cum australis partis ratio sit penitus contraria. Illis autem maiorari & minorari dies ac noctes pro maiores longiores ve, minores breuiores ve esse aut fieri, non habeo auctorem Sacrobosco antiquiorem, qui vsus sit: sed ea tamen verba nihil admodum causæ est, cnr magis barbara esse videantur, quam certiorari, quod, pro certiore fieri & moueri Vlpianus Iurisconsultus dixisse legitur in capite primo libri. 16. ff.

Econuerso autem se habet de diebus & noctibus, dum Sol est in signis australibus, In omnibus alijs circulis, quos Sol describit inter æquinoctialem & tropicum Capricorni, maior est arcus sub horizonte, & minor supra. Vnde arcus diei est minor



quam arcus noctis, & secundum proportionem arcuum minorantur dies supra noctes: & quanto circuli sunt propinquiores, tropico hyemali, tanto magis minorantur dies. Vnde videntur, quod si sumantur duo circuli æquidistantes ab æquino-

ctiali ex diuersis partibus, quantus est arcus diei in



vno, tātus est arcus noctis in reliquo. Ex hoc sequi videtur, quod si duo dies naturales sumantur in anno æqualiter remoti ab alterutro æquinoctiorum in oppositis partibus, quāta est dies artificialis vnius, tanta est nox alterius & è conuerso: sed hoc est quātum ad vulgi sensibilitatem in horizontis fixatione. Ratio enim per ademptionem Solis contra firmamentum in obliquitate zodiaci, verius dijudicat. Quanto quidem polus mundi magis eleuatur supra horizontem, tanto maiores sunt dies æstatis, quando Sol est in signis septentrionalibus: & è conuerso, quando est in signis australibus: tanto enim magis minorantur dies supra noctes.

### SCHOLION VINETI.

*Ratio enim per ademptionem. ) Illud ademptionem Solis, miror quomodo significet motum Solis proprium. qui vt in zodiaco inequalis deprehenditur, ita tempora illa inequalia sunt, licet cuiusque loci horizon fixus & immobilis parallelos illos Solis secet, qua ratione supra dictum est. Crediderim auctorem, per ademptionem, scripsisse, ab adipiscor.*

Notandum etiā quod sex signa, quæ sunt à principio Cancrī per libram vsque in finem Sagittarij, habent ascensiones suas in sphæra obliqua simul iunctas, maiores ascensionibus sex signorum, quæ sunt à principio Capricorni per Arietem, vsque ad finem Geminorum. Vnde illa sex signa prius dicta, dicuntur rectè oriri, ista verò sex, oblique Vnde verius.

Recta meant, obliqua cadunt à sydere Cancrī,

Donec

Donec finitur Chiron : sed cætera signa  
Nascuntur prono, descendunt tramite recto.

Et quando est nobis maxima dies in æstate, scilicet Sole existente in principio Cancri, tunc oriuntur de die sex signa directè oriëntia, de nocte autem sex obliquè. E conuerso, quando nobis est mini-



mus dies in anno scilicet Sole existente in

principio Capricorni,

tunc oriuntur de die

sex signa obliquè oriëntia, de nocte vero sex

directè. Quando autè Sol est in alterutro pū

ctorum æquinoctia-

lium tunc de die oriū-

tur tria signa directè

orientia, & tria obli-

què, & de nocte similiter. Est enim regula : quantuncunque brevis vel prolixa sit dies vel nox, sex signa oriuntur de die, & sex de nocte. Nec propter prolixitatem vel breuitatem diei vel noctis, plura vel pauciora signa oriuntur.

Ex his colligitur, quod cum hora naturalis sit spatium temporis, in quo medietas signi, peroritur, in qualibet die artificiali, similiter & nocte sunt duodecim horæ naturales. In omnibus autem alijs circulis, qui sunt à latere æquinoctialis, vel ex parte australi, vel septentrionali, maiorantur vel minorantur dies vel noctes, secundum quod plura vel pauciora de signis directè orientibus vel obliquè, de die vel nocte oriuntur.

Diem quam supra artificialē Sacroboscus definiuit  
 tempus ab exorto in occasum Solem: sic noctem quoque  
 quæ est ab occasu Sole ad exortum, veterum horologia  
 in duodecim partes æquas diuissse, quas horas Græci  
 Latiniq̃ue dixerint, notius est, quam vt nostra pro-  
 batione egeat. Dies autem illa & noctes quoniam in-  
 æquales sunt (longiores enim est æstis dies, quam bruma,  
 & noctes contra æstis breuiores, quam hybernæ) eo-  
 rum horæ duodenæ inæquales quoque inter se erant, ac  
 maior non solum æstis diei quam hybernæ, & noctis  
 similiter brumalis, quam æstis noctis hora, sed etiam  
 dici æstis hora longior, quam hora noctis suæ, quemad-  
 modum hybernæ noctis longior hora, quam suæ diei.  
 Hoc genus horarum antiqui Græci Latiniq̃ue an aliquo  
 proprio vocabulo distinxerint non memini equidem le-  
 gere, quas minor auctor hic naturales vocasset, post-  
 quā illorum diem & noctem, artificiales prius dixerit  
 pro naturalib. Aliquid horarum genus est, quas equi  
 noctiales Plinius & alij Latini, sicut Græci *ἰσημέριαι*  
 appellarunt, quia sunt æquales inter meridiū & me-  
 diam noctem, atque duodenas rursus à media nocte in  
 meridiū sequentem: æquales (inquam) illæ perpetuo,  
 æstis hybernis ac nocturnis diurnæ, quantum dies na-  
 turales antè definiti, inter se æquales fuerint. Hoc autē  
 nominis ab æquinoctio hi ideo acceperūt, quod cum cu-  
 iuslibet diei & noctis duodenas horas, vt diximus, an-  
 tiqui facerent, inter eas horas nunquam æqualitas in-  
 ueniebatur, nisi quo tempore erat æquinoctium, id est,  
 quando dies nocti æqualis fiebat. Tunc verò, æqualis  
 nocturna

nocturna hora diuina. Aliam æquinoctialium horarum rationem non video, cur longius petant insignes quidam nostræ ætatis Mathematici.

## DE DIVERSITATE DIERVM


& noctium artificialium per omnia terræ loca.

**N**otandum autem, quod illis, quorum zenith est in æquinoctiali circulo, Sol bis in anno transit per zenith capitis eorum, scilicet quando est in principio Arietis, & in principio Libræ: & tunc sunt illis duo alta solstitia, quoniam Sol directè trāsit supra capita eorum. Sunt iterum illis duo ima solstitia, quādo Sol est in primis punctis Cancrī & Capricorni: & dicuntur ima, quia tunc Sol maximè remouetur à zenith capitis eorū. Vnde ex prædictis patet, cum semper habeāt æquinoctium, in anno quatuor habebunt solstitia, duo alta, & duo ima. Patet etiam, quod duas habent æstates, Sole scilicet existente in alterutro punctorum æquinoctialium; vel prope. Duas etiam habent hyemes, scilicet Sole existente in primis punctis Cancrī & Capricorni, vel prope. Et hoc est, quod dicit Alfraganus, quod æstas & hyems, scilicet nostræ, sunt illis vnius & eiusdem complexionis: quoniam duo tempora quæ sunt nobis æstas & hyems, sunt illis duæ hyemes. Vnde ex illis verbum Lucani patet expositio.

Depreſsum eſt hunc eſſe locum, quo circulus alti Solſtitij medium ſignorum percutit orbem.

Ibi. n. appellat Lucanus circulū alti ſolſtitij æquinoctialem, in quo cōtingunt duo alta ſolſtitia ſub æquinoctiali exiſtentibz. Orbem ſignorum appellat zodia-

**I**llis autem, quorum zenith est inter æquinoctialem & tropicum Cancrī, contingit bis in anno, quod Sol transit per zenith capitis eorum. quod



sic patet; Intelligatur circulus parallelus æquinoctiali transiens per zenith capitis eorum: ille circulus interfecabit zodiacum in duobus locis æquidistantibus à principio Cancrī. Sol igitur existens in illis duobus punctis transit per zenith capitis eorum. Vnde

de duas habent æstates, & duas hyemes, quatuor solstitia, & quatuor umbras, sicut existētes sub æquinoctiali. Et in tali situ dicunt quidam Arabiam esse. Vnde Lucanus, loquens de Arabibus, venientibus Romam in auxilium Pompeio, inquit,

Ignotum nobis Arabes, venistis in orbem.

Lib. I.

Umbras mirati nemorum non ire sinistras. quoniam in partibus suis quandoque erant illis umbræ dextræ, quandoque sinistræ, quandoque perpendiculares, quandoque orientales, quandoque occidentales: sed quando venerant Romam circa tropicum Cancrī, tunc semper habebant umbras septentrionales.

### SCHOLION VINETI.


Lucanus hic facit partem mundi sinistram, australem. dextram septentrionalem. Sic & multi alij. Aristoteli verò lib. 2. de Cælo dextrum mundi, est orientalis pars mundi, sinistrum, occidua.

Illis

Illis siquidem, quorū zenith est in tropico Canc-  
cri, contingit quod semel in anno transit Sol per ze-  
nith capitis eorum, scilicet quando est in primo  
puncto Cancrī, & tūc in vna hora diei vnus, totius  
anni est illis vmbra perpendicularis. In tali situ dici-  
tur esse Syene ciuitas. Vnde Lucanus.

ib. 1. Vmbra nūquam flectente Syene.

Hoc intellige in meri-  
die, scilicet vnus diei, cu-  
ius vmbra manē porrecta  
occidentali, serō orien-  
talis, & per residuum to-  
tius anni iacitur illis vm-  
bra septentrionalis.



Illis verò, quorum ze-  
nith est inter tropicum  
Cancrī, & circulum arcti-  
cum, contingit quod Sol in sempiternum non tran-  
sit per zenith capitis eorum, & illis semper iacitur  
vmbra versus septentrionem. Talis est situs noster.  
Notandum etiam quòd Aethiopia, vel aliqua pars  
eius est citra tropicum Cancrī.

Vnde Lucanus,

Aethiopumque solum, quod non premeretur  
abvlla.

Signiferi regione poli, ni poplite lapso.

Vltima curuati procederet vngula Tauri.

Dicunt enim quidam, quòd ibi sumitur signum  
æquiuocè, pro duodecima parte Zodiaci & pro  
forma animalis, quod secundum maiorem partem  
sui est in signo quod denominat. Vnde Taurus  
cū sit in zodiaco secundum maiorem sui partem,  
tamen



tamen extendit pedem suum ultra tropicum Cancrī, & ita premit Aethiopiam, licet nulla pars zodiaci premat eam. Si enim pes Tauri, de quo loquitur auctor, extenderetur versus æquinoctialem ut esset in directo Arietis vel alterius signi, tunc premeretur ab Ariete vel Virgine, & alijs signis: quod patet per circulum æquinoctiali paralellum, circumductum per zenith capitis ipsorum Aethiopum, & Arietem & Virginem, vel alia signa. Sed cum ratio physica huic contrarietur, (non enim ita essent denigrati, si in temperata nascerentur regione habitabili) dicendum, quod illa pars Aethiopiæ, de qua loquitur Lucanus, est sub æquinoctiali circulo, & quod pes Tauri, de quo loquitur, extenditur versus æquinoctialem. Sed distinguitur tunc inter signa cardinalia & regiones. Nam signa cardinalia dicuntur duo signa in quibus contingunt solstitia, & duo in quibus contingunt æquinoctia. Regiones autem appellantur signa intermedia. Et secundum hoc patet, quod cum Aethiopia sit sub æquinoctiali, non premitur ab aliqua regione, sed à duobus signis tantum cardinalibus, scilicet Ariete & Libra.

### SCHOLION VINETI.

*Rerum cœlestium quã peritus fuerit poeta Lucanus aliorũ esto iudicium dum mihi hoc monere liceat, eius astronomica eiusmodi esse, ut vix posse quinquã intelligere existimẽ: quæ hic auctor ut explicare videretur, commentus est, primum suprà duo esse solstitia, altum & imum:*



*& imum, deinde hoc loco, signorum alia esse cardinalia, alia regiones.*

Illis autem quorum zenith est in circulo arctico, cōtingit in quolibet die & tempore anni, quòd zenith capitis eorum est idem cum polo zodiaci, & tunc habent zodiacum siue eclipticam pro horizonte. Et hoc est quod dicit Alfraganus, quòd ibi circulus zodiaci flectitur supra circulū hemi sphærij. Sed cum firmamentum continuè moueatur, circulus horizontis intersecabit zodiacum in instanti: & cum sint maximi circuli in sphæra, intersecabunt se in partes æquales. Vnde statim medietas vna zodiaci emergit supra horizontem, & reliqua



**Diff. 7.** liqua deprimatur sub horizonte subito. Et hoc est quod dicit Alfraganus, quod tibi occidunt repentè sex signa, & reliqua sex oriuntur totò æquinoctiali. cum etiam ecliptica sit horizon illorum, erit tropicus Cancrī totus supra horizonta, & totus tropicus capricorni sub horizonte: & sic Sole existente in primo puncto Cancrī, erit illis vna dies 24. horarum, & quasi instans pro nocte, quia in instanti Sol transit horizonta, & statim emergit, & ille contractus est illis pro nocte. E conuerso contingit illis Sole existente in primo puncto capricorni. Est enim tunc illis vna nox 24. horarum, & quasi instans pro die.

Illis autem, quorum zenith est inter circulum arcticum

arcticum & polum mundi arcticum, contingit, quod horizon illorum intersectat zodiacum in duobus punctis æquidistantibus à principio Cancrī, & in reuolutione firmamenti contingit, quod illa portio zodiaci intercepta relinquitur supra horizontem. Vnde patet, quod quā diu sol est in illa portione



intercepta, erit vnus dies continuus sine nocte. Ergo si illa portio fuerit ad quantitatem signi vnius erit ibi dies continuus vnius mensis sine nocte. si ad quantitatem duorum signorum, erit dies continuus duorum mensium sine nocte, & ita deinceps. Similiter contingit eisdem, quod portio zodiaci intercepta ab illis duobus punctis æquidistantibus à principio Capricorni, semper relinquitur sub horizontem: vnde cum Sol est in illa portione intercepta, erit vna nox continua sine die, brevis vel magna, secundum quantitatem interceptæ portionis. Signa autem reliqua, quæ eis oriuntur & occidunt, præposterè oriuntur & occidunt, Oriuntur præposterè, sicut Taurus ante Arietem, Aries ante Pisces, Pisces ante Aquarium: & tamen signa his opposita oriuntur recto ordine, & occidunt præposterè, vt Scorpius ante Libram, Libra ante Virginem: & tamen signa his opposita occidunt directè, illa scilicet quæ oriebantur præposterè, vt Taurus.

**I**llis autem, quorum zenith est in polo arctico contingit, quod illorum horizon est idem quod æquinoctialis. Vnde cū æquinoctialis intersectet

Sphæ. Sac. Bosc.

E

zodia

zodiacum in duas partes æquales, sic & illorū hō-  
rizon relinquit medietatem zodiaci supra se, & re-



liquam infra. Vnde cū  
Sol decurrit per illam me-  
dietatem, quæ est à princi-  
pio Arietis vsque ad finem  
Virginis, vnus erit dies cō-  
tinuus sine nocte, & cū  
Sol decurrit in reliqua me-  
dietate, quæ est à princi-  
pio Libræ vsque in finem  
Piscium, erit nox vna con-  
tinua sine die. Quare & vna medietas totius anni,  
est vna dies artificialis & alia medietas est vna nox.  
Vnde totus annus est ibi vnus dies naturalis. Sed  
cū ibi nunquam magis 13. gradibus Sol sub ho-  
rizonte deprimatur, videtur quod illis sit dies con-  
tinuus sine nocte. Nam & nobis dies dicitur ante  
Solis ortum supra horizontem. Hoc autē est quan-  
tum ad vulgarem sensibilitatem. Non enim est dies  
artificialis, quantum ad physicam rationem, nisi  
ab ortu Solis vsque ad occasum eius sub horizonte.  
Ad hoc igitur, quod lux videtur, ibi esse perpetua  
(quoniam dies est antequam Sol leuetur super ter-  
ram per 18. gradus, vt dicit Ptolemæus: alij vero  
magistri dicunt 30. scilicet per quantitatem vnus  
signi) dicendum quod aer est ibi nubilosus & spif-  
sus. Radius enim solaris ibi existens debilis virtu-  
tis, magis de vaporibus eleuat, quam possit consu-  
mere: vnde aerem non serenat, & non est dies.

DE DIVISIONE

CLIMATVM.

**I**Maginetur autem quidam circulus in superficie terræ directè suppositus æquinoctiali. Intelligatur etiam alius circulus in superficie terræ, transiens. Per orientem & occidentem, & per polos mundi. Isti duo circuli interfecant sese in duobus locis: ad angulos rectos sphærales, & diuidunt totam terram in quatuor quartas: quarum vna est nostra habitabilis, illa scilicet, quæ intercipitur inter semicirculum ductum ab oriente in occidentem, in superficie æquinoctialis, & semicirculum ductum ab oriente in occidentem per polum arcticum. Nec tamen illa quarta tota est habitabilis, quoniam partes illius propinquæ æquinoctiali, inhabitabiles sunt propter nimium calorem. Similiter partes eius propinquæ polo arctico inhabitabiles sunt, propter nimiam frigiditatem. Intelligatur igitur vna linea, æquidistans ab æquinoctiali, diuidens partes quartæ inhabitabiles propter calorem, à partibus habitabilibus, quæ sunt versus septentrionem. Intelligatur etiam alia linea æquidistans à polo arctico, diuidens partes quartæ, quæ sunt versus septentrionem inhabitabiles propter frigus, à partibus habitabilibus, quæ sunt versus æquinoctialem. Inter istas etiam duas lineas extremas intelligantur sex lineæ parallelæ æquinoctiali, quæ cum duabus prioribus diuidunt partem totalem quartæ habitabilem in septem portiones, quæ dicuntur septem climata, prout in præsentī patet figura.



## MERID.

Dicitur autem clima, tantum spatium terræ, per quantum sensibiliter variatur horologium. Idem nanque dies æstius aliquantus qui est in vna regione, sensibiliter est minor in regione propinquiore austro. Spatium igitur tantum, quantum incipit dies idem sensibiliter variari, dicitur clima: nec est idem horologium cum principio & fine huius spacij obseruatum. Horæ enim diei sensibiliter variantur. quare & horologium:

Mediu m

Medium igitur primi climatis est, vbi maioris diei prolixitas est 13. Horarum & eleuatio poli mundi supra circulum hæmisphærij. 16. gradibus, & duabus tertijs vnius, & dicitur clima dia Meroes Initium verò eius est, vbi diei maioris prolixitas est 12. horarum & dimidiæ, & quartæ vnius hora. & eleuatur polus supra horizontem gradibus 12. & dimidio, & quarta vnius gradus. Et extenditur eius latitudo vsque ad locum, vbi longitudo prolixioris diei est 13. horarum, & quartæ vnius: & eleuatur polus supra horizontem 20. gradibus & dimidio, quod spatium terræ est 44. milliariorum.

Medium autem secundi climatis est, vbi maior dies est 13. horarum & dimidiæ, & eleuatio poli supra horizontem 42. graduum, & quartæ partis vnius gradus: & dicitur clima dia Syenes. Latitudo verò eius est ex termino primi climatis vsque ad locum, vbi sit dies prolixior 23. horarum & dimidiæ, & quartæ partis vnius horæ, & eleuatur polus 27. gradibus & dimidio, & spatium terræ est 400. milliariorum.

Medium tertij climatis est, vbi sit longitudo prolixioris diei 14. horarum, & eleuatio poli supra horizontem 30. graduum & dimidij, & quartæ vnius partis. & dicitur clima dia Alexandrias. Latitudo eius est ex termino secundi climatis, vsque vbi prolixior dies est 14. horarum, & quartæ vnius, & altitudo poli 33. graduum, & duarum tertiarum, quod spatium terræ est 350. milliariorum.

Medium quarti climatis est, vbi maioris diei prolixitas est 14. horarum & dimidiæ, & axis altitudo 36. graduum & duarum quintarum: & dicitur dia Rhodou. Latitudo verò eius est ex termino tertij



climatis, vsque vbi prolixitas maioris diei est. 14. horarum & dimidiæ, & quartæ partis vnus: eleuatio autem poli 39. graduum, quod spatium terræ est 300. milliariorum.

Medium quinti climatis est, vbi maior dies est quindecim horarum, & eleuatio poli 41. gradus & tertię vnus. & dicitur clima dia Rhomes. Latitudo verò eius est ex termino quarti climatis vsque vbi prolixitas diei sit 15. horarum & quartæ vnus, & eleuatio axis 43. graduū & dimidiū, quod spatium terræ est 255. milliariorum.

Medium sexti climatis est vbi prolixior dies est 15. horarum & dimidiæ, & eleuatur polus supra horizontem 45. gradibus, & duabus quintis vnus: & dicitur clima dia Boristheneos. Latitudo verò eius est ex termino quinti climatis, vsque vbi longitudo diei prolixioris est quindecim horarum & dimidiæ, & quartæ vnus. & axis eleuatio 47. graduū, & quartæ vnus quæ distantia terræ est 212. milliariorum.

Medium autem septimi climatis est, vbi maior prolixitas diei est 16. horarum, & eleuatio poli supra horizontem 48. graduum, & duarum tertiarū: & dicitur clima dia Riphæon. Latitudo verò eius est ex termino sexti climatis, vsque vbi maxima dies est 16. horarum, & quartæ vnus & eleuatur polus mundi supra horizontem 50. gradibus & dimidio, quod spatium terræ est 851. milliariorum. Ultra autem huius septimi climatis terminum, licet plures sint insulæ, & hominum habitationes, quicquid tamen sit, quoniam prauæ est habitationis sub climate non computatur. Omnis itaque inter terminum initialem climatum & finalem, eorundem



rundem diuersitas, est trium horarum & dimidiæ, & ex eleuatione poli supra horizontem 23. graduum. Sic igitur patet vniuscuiusque climatis latitudo, à principio ipsius versùs æquinoctialem, vsque in finem eiusdem, versus polum arcticum, & quod primi climatis latitudo est maior latitudine secundi, & sic deinceps. Longitudo autem climatis potest appellari linea ducta ab oriente in occidentem, æquidistans æquinoctiali. Vnde longitudo primi climatis est maior longitudine secundi, & sic deinceps, quod contingit propter angustiam sphaeræ,

### SCHOLION VINETI.

Κλίματα inclinationes cæli Viëtruius interpretatur quæ Græcis appellantur: primum, διὰ μερόν, id est, per Meroen, urbem Aethiopiæ: secundum, διὰ συήν, id est per Syenem, urbem etiam Aethiopiæ magis septentrionalem: tertium, διὰ ἀλεξανδρίαν, id est, per Alexandriam Aegypti urbem: quartum, διὰ ῥόδον, id est per Rhodon urbem & insulam: quintum διὰ ῥώμην, id est, per Romam urbem Italiae: sextum διὰ βορυσθένης, id est, per Borysthenem fluuium Ponti, ad Meotim paludem, & Tanaim fluuium, septimum διὰ ξιπταίων, id est, per Riphæos montes, & populos ad Septentrionem. Martianus Capella ponit octo, libro 8. alii etiam plura: sed hic auctor est Alfraganum omnino infecutus, cum in alijs, tum in terræ dimensione hoc loco, qui tamen cap. primo Eratosthenis stadia adduxerat. Tri-

buit autem Alfraganus gradui ambitus cæli, miliarum  
ambitus terræ 56. & duos trientes.

	Dies arti ficiales	A'titu- do poli	Terræ spatiū	Climata
	Hor.M.	Gr. M.	Milla	
Initium 1 Mediū	12 45 13 0	12 45 16 40	440	Per Mereon
Initium 2 Mediū	13 15 13 30	20 30 24 15	400	Per Syenen.
Initium 3 Mediū	13 40 14	23 30 30 45	350	Per Alexan- driam
Initium 4 Mediū	14 15 14 30	33 40 36 24	300	Per Rhodū.
Initium 5 Mediū	14 45 15 0	39 0 41 20	255	Per Romā.
Initium 6 Mediū	15 15 15 30	43 30 45 24	212	Per Bory- sthenem
Initium 7 Mediū Finis.	15 45 16 0 16 15	47 15 48 40 50 30	185	Per Riphæos

Horarū inter primi initium, & finem septimi diuer-  
fitas est. Hor. 3. Min. 30. Diuerfitas verò eleuationū  
Poli, Grad. 37. Min. 45. spatium terræ 2142. miliar.

## CAPITVLVM QVARTVM

de circulis & motibus planetarum,  
& de causis eclipsium  
Solis & Lunæ.

**N**Otandum quòd Sol habet vnicum circulum,  
per quem mouetur in superficie lineæ eclipti-  
cæ. & est eccentricus. Eccentricus quidem circulus  
dicitur, non omnis circulus, sed solum talis, qui di-  
uidens terram in duas partes æquales, non habet



centrum suum cum  
centro terræ, sed ex-  
tra. Punctus autem in  
eccentrico, qui maxi-  
mè, accedit ad firma-  
mentum, appellatur  
aux, quod interpreta-  
tur eleuatio. Punctus ve-  
rò oppositus qui ma-  
ximæ remotiois est  
à firmamento, dicitur  
oppositum augis. So-


ne system ab occidente in orientem duo sunt mo-  
tus, quorum vnus est ei proprius in circulo suo ec-  
centrico, quo mouetur in omni die ac nocte 60.  
minutis ferè.

## SCHOLION VINETI.

Subtilis computatio est, 59. minutorum, 8. secund. 19.  
tertia. 37. quarta, &c. in Computo huius auctoris.

Alius verò tardior est motus sphaeræ ipsius, supra  
polos

polos axis circuli signorum, & est æqualis motui  
sphære stellarum fixarum, scilicet in 100 annis gra-  
du vno. Ex his itaque  
duobus motibus colli-  
gitur cursus eius in cir-  
culo signorum ab occi-  
dente in orientem, per  
quem abscindit circu-  
lum signorum in 365.  
diebus, & quarta vnus  
diei, præter rem modi-  
cam, quæ nullius est sen-  
sibilitatis.



Quilibet autem planeta præter Solem tres habet  
circulos, scilicet æquantem, deferentem, & epicyclum.

Aequans quidem Lunæ, est circulus concentri-  
cus cum terra, & est in superficie eclipticæ,

Eius vero deferens, est circulus eccentricus: nec  
est in superficie eclipticæ, imò vna eius medietas de-  
clinat versus septentrionem, altera versus austrum.

Et deferens æquantem intersecat in duobus locis.

Et figura intersectionis appellatur Draco quoniã

pata est in medio, & angustior versus finem, Inter-  
sectio igitur illa, per quã Luna mouetur ab austro



versus aquilonem, appellatur caput Draconis. Reliqua verò interfectio, per quam mouetur à septentrione in austrum, dicitur cauda Draconis.


Deferens quidem, & æquans cuiuslibet planetæ sunt æquales. Es est sciendum, quod tam deferens, quam æquans, Saturni, Iouis, Martis, Veneris, & Mercurij, sunt eccentrici & extra superficiem eclipticæ, & tamē illi duo sunt in eadem superficie. Quilibet etiam planeta præter Solē, habet epicylum. Est epicylus circulus parvus, per cuius circumferentiam defertur corpus planetæ, & centrum epicycli semper defertur in circumferentia deferentis.



## DE STATIONE, DIRECTIONE.

& retrogradatione planetarum.

**S** igitur duæ lineæ ducantur à centro terræ ita quod includant epicylum alicuius planetæ, una ex parte orientis, reliqua ex parte occidentis, punctus contactus ex parte orientis dicitur statio prima: punctus verò contactus ex parte occidentis dicitur statio secunda. Et quando planeta in alterutra illarum statio num dicitur stationarius. Arcus verò epicycli superior inter duas stationes



interce-

interceptus dicitur directio : & quando planeta est in illo, tunc dicitur directus. Arcus verò epiclycli inferior, inter duas stationes interceptus, dicitur retrogradatio, & planeta ibi existens dicitur retrogradus. Lunæ autem non assignatur statio, directio, vel retrogradatio. Vnde non dicitur Luna stationaria, directa, vel retrograda, propter velocitatem motus in eius epicyclo.

### SCHOLIUM VINETI.

*Pro illo. In eius epicyclo, quædam exemplaria habent, Eius in epicyclo. significat autē quoddā deferens tā celeriter mouetur, & fert infixum in se epiclycli centrum orientem versus, ut Lunę non sentiatur regressus, &c. quę dicitur velox pro directa, & tarda pro retrograda, &c.*

### DE ECLIPSI LVNAE.

**C**um autem sit Sol maior terra, necesse est quod medietas sphære terræ à Sole semper illuminetur, & umbra terræ extensa in aere tornatilis, minuatur in rotunditate, donec deficiat in superficie circuli signorum, inseparabilis à Nadir Solis. est autem Nadir Solis, punctus directè oppositus Soli in firmamento. Vnde cum in plenilunio Luna fuerit in capite, vel in cauda Draconis sub Nadir Solis, tunc terra interponetur Soli & Lunæ, & conus umbræ terræ cadet super corpus Lunæ. Vnde cum Luna lumen non habeat, nisi à Sole, in rei veritate deficit à lumine.

### SCHOLIUM VINETI.

*Probat Cantuariensis cap. 22. libri primi de perspectiua*



Et iua, quòd lumen globosum illustrat sphaera se minoris plus dimidium. Quae autem umbra terrae hic vulgò appellatur, ea non est solius terrae. Aqua enim & terra vnum globum ambae constituunt, cuius ea est umbra. quam Graeci cono, Plinius libro secundo, meta ac tur- bini inuerso similem dicunt.




Et est eclipsis generalis in omni terra, si ipsa fue- rit in capite vel canda Dracones directè. Particularis verò, si fuerit propè\*infra metas deter- minatas, scilicet eclipsi.

Et







## DE ECLIPSI SOLIS.

\* averse


**C**Um autem Luna fuerit in capite vel in cauda Draconis, vel prope, \* vel infra metas supradictas, & in coniunctione cum Sole, tunc corpus lunare interponitur inter aspectum nostrum & corpus solare. Vnde obumbrabit nobis claritatem Solis & ita sol patietur eclipsin: non quia deficiat lumine sed deficit nobis, propter interpositionem Lunæ inter aspectum nostrum & solare corpus.

Et his patet, quod non semper est eclipsis Solis in coniunctione, siue in nouilunio.

Notandum etiam, quod quando est eclipsis Lunæ, est eclipsis in omni terra: sed quando est eclipsis Solis

Solis nequaquam, imò in vno climate est eclipsis, & in alio non: quod contingit propter diuersitatem aspectus in diuersis climatibus. Vnde Virgilius elegantissimè naturas vtriusque eclipsis, sub compendio tetigit, dicens:

Defectus Lunæ varios, Solisq̃ue labores:



Ex prædictis patet, quòd cum eclipsis Solis esset in passione Domini, & eadem passio esset in plenilunio, illa eclipsis non fuit naturalis, imò miraculosa, & contraria naturæ: quia eclipsis Solis in noui lunio, vel circa debet contingere.

Propter

Propter quod legitur Dionysium Areopagitam in eadem passione dixisse, Aut Deus naturæ patitur, aut mundi machina dissoluetur.

## SCHOLION VINETI.


De Dionysio quodam Areopagita, hoc tantum in Act. Apostolorum Lucas scriptum reliquit, eum, cum Paulus Athenis Christum prædicaret, credidisse, & Christianum effectum fuisse. Vide quid in illam locum Lau. Valla, & Des. Erasmus annotarint, quoniam dubitant nonnulli an is Dionysius sit, qui apud Parisios pro Christo capite plexus sit. & cuius nunc reliquiæ illic tam religiosè colantur. Quod autem ad prodigiosas illas tenebras & Solis in Christi morte defectum attinet, sunt qui illud Lucæ, ἐφ' ὃ ἦν τὴν γῆν de vniuersa duntaxat terra Palestina Iudæa ve exponāt, licet Michael Syngelus Hierosolimitanus περὶ βούτης, cuius meminit Suidas in vocabulo Μιχαὴλ, in eo libello quem de laudibus D. Dionysii Græco sermone conscripsit, non solum Parisiorum Dionysiam eundem illum Solis eidem Dionysio Areopagita, & Apolophani cuidam sophistæ etiam in Aegypto visum velit, cum illuc è Græcia vterque philosophiæ gratia fortè tum profectus fuisset.

F I N I S.

# P E T R I N O N I I

## S A L A C I E N S I S


*Annotatio in extrema Verba capitis de climatibus, Helia Veneto interprete.*



V O D hoc loco dicit hic author, climatum latitudinem minui, dū dies semihoris æqualiter crescūt, idem dicunt & omnes alij qui de climatibus scripserunt: sed id tamen nemo interim demonstrat. Quare constitui ergo hoc demonstrare, idque quam facillimè poterō, & sine multis Geometricis rationibus linearum curvarum, supersedeboque propositiones illas Euclidis & Theodosij sæpius adducere, quæ ijs qui legerint in promptu sunt? Meus enim hic mos. Ut autem faciliori methodo hic progrediamur, demonstrādum hoc nobis primum. Quod si in circulo A.B.C.D. describantur duæ diametri, quæ in centro E. rectis angulis secēt, vt ita diuidatur in quatuor æquales partes circulus: tum in duobus quadrantibus B.C.& D.C. sumptis æquales inter se arcus. à B.& D. incipientes, vt sunt B.F.& D.G.H.& G.I.H.k.& I.G. deinde F.H.k. cum aduersis punctis G.I.L. per rectas lineas coniunxerimus, quæ semidiametrum B. secent in notis O. P. Q. Dico, si linea P.Q. quæ à centro

centro longius abest, quàm linea O.P. maior fuerit. quam ipsa eodem O. P. quòd erit arcus H. k. maior arcu, H. F. & si O. P. fuerit longior, quam B. O. quod arcus similiter F. H. longior erit quam arcus B. F.

Ponamus itaque quòd longior sit P.Q. quam O. P. hoc si ita habeat, non potest arcus H. k. esse par arcui F. H. Si enim ex punctis H. & k. duxeris lineas H.R. & k.S. rectis angulis, in lineas F.G. & H.I. & H. cum G. per rectam lineam coniunxeris, itemque k. cum i. confecta habebis triangula duo H.G.R. & k.I.S. orthonia. Hic si quis iam ducat arcus. F.H. & H.k. esse inter se pares, sic ratiocinabimur.




Postquam æqualibus arcubus respōdent anguli æquales, angulos R.G.H. & S.I.k. inter se esse æquales: atque alios duos R. & S.k.H.G.I. etiam inter se pares. Quoniam autem in triangulis æqualium angulorum latera inter se proportionē conueniunt, ea quæ angulos illos pares continent, erit vt R.G. at S.I. sic R.H. ad S.k. & quia R.G. maior, quam S.I. ita erit R. H. maior quam S.k. & consequenter linea. O.P. maior quam P.Q. quod posito repugnāt. Hoc autem postquam sequitur, fieri non potest, vt arcus F.H. & H.k. sint inter se pares. Quod verò H.k. sit minor quàm F.H. hoc etiam minus dici potest. Nā sumpta vltra H. tanta circuli parte. quanta opus sit ad arcus illos F.H. & H.k. pares reddendos: ducta q; linea recta ad aliud pūctum huic aduersum in quadrante D.C. intercipiētur in semidiamerto E.C. linea, quæ maior sit necesse est quàm P.Q. quæ linea P.Q. eius pars fuerit: sequeturque ex eadem demonstratione, quod ea linea minor erit quā O.P. quod esse nequit, postquam O.P. minor est quàm P.Q. Non est igitur H. k. minor quam F.H. neque ei æqualis. Quare ea maiorem esse necesse est. Quod si posuissemus lineam P.Q. æqualem esse lineæ O.P. iisdem rationibus probaremus arcum H.k. maiorem esse quam F.H.

Iam verò circulis A.B.C.D. sit nobis pro Cancrī tropico aut quouis alio circulo, qui in hac septentrionali globi parte sit æquinoctiali parallelus. Postquam itaque meridianus & horizon rectus inter se ad angulos rectos secant in huius circuli polo, atque hunc circulum in quatuor æquas partes distribuunt, diametrus B.D. indicabit, per quem locum horizon rectus secet circulum A.B.C.D. si posueris in A.C.



in A. C. diametro eundem circulum A. B. C. D. à meridiano secari. Tum centrum globi sit punctum Z. clarum est, quod linea recta. quæ à Z. in



E. ducitur, si continuata fuerit, ea in polum ipsum mundi perueniet, vt demonstrat Theodosius, & perpendiculum est ad eundem circulum A. B. C. D. & quòd horizontes obliqui secant tropicum Cancri, seu quemlibet alium ex parallelis, quos circumactus sol describit tantum ascendentes arcum, qua

parte est litera D. qui sit oriens, quantum à parte B. postquã ex diffinitione, arcus dimidiatæ diei sunt inter se æquales, & demidiatæ noctis arcus etiam æquales, & quoniam communis illa sectio meridiani & horizontis obliqui, quòd sint ij ex circulis sphaeræ maximis, eorum amborum diametrus est: hæc diametrus, & sphaeræ axis intercipiunt in meridiani peripheria, à polo versus mediæ noctis angulum, arcum sublimitatis poli super eum horizontem obliquum: cui arcui respondet in globi centro angulus, quem axis globi & eadem communis sectio faciunt. Quare ponamus quòd hæc communis sectio, à centro Z. ad eum vsq; locum, vbi idem horizon obliquus meridianum secans pertingit circulum A.B.C.D. sit linea recta Z.O. erit ergo punctum O. in circulo eodem A.B.C.D. & in meridiano, & in horizonte obliquo: eritque linea F.O.G. communis sectio circuli A. B. C. D. & horizontis obliqui, quæ ex quadrantibus B.C. & D.C. abscindit æquales inter se arcus B.F. & D.G. & angulus E. Z. O. est angulus sublimitatis poli.

Concipiamus præterea mente alios duos horizontes obliquos, in quibus polus sublimior sit, at pari seruata exuperantia, id est, quantum arcus altitudinis secundi horizontis superat arcum primi, tantundem arcus tertij superet secundi arcum. Communes autem sectiones horum duorum horizontum cum parallelo posito sint lineæ H. P. L. & k. Q. L. at cum meridiano donec pertingat parallelum, sint lineæ Z. P. & Z. Q. ita vt angulus O. Z. P. sit par angulo P. Z. Q. vbi angulus E. Z. Q. respondet arcui sublimitatis tertij, horizontis obliqui, & angulus E. Z. P. arcui secundi, & angulus

lus E. Z. O. arcui primi, & posuimus quod æquales essent exuperantiæ. Iam postquam trianguli O. Q. Z. angulus O. Z. Q. in duas æquales partes diuiditur, per lineam Z. P. erit ex capite tertio elementi sexti Euclidis affecta linea Z. Q. ad Z. O. quo modo P. Q. ad O. P. Quoniam autem Z. Q. maior est quàm Z. O. quippe quæ sit ex aduerso anguli Z. O. P. qui obtusus est, Z. O. verò contra angulum Z. Q. O. qui est acutus: aut etiam quòd quadratum ex ea factum valeat quadratum ex Z. E. & E. Q. cùm quadratum ex Z. O. possit duntaxat quadratum ex eadem Z. E. cum quadrato ex E. O. quæ pars est linæ F. Q. Angulus enim Z. E. Q. est rectus. Erit ideo P. Q. maior quàm O. P. ac ex suprà demonstratis arcus H. k. maior erit, quam F. G. similiterque I. L. maior quam G. I. Quoniam autem hi arcus sunt, quibus augetur idem dies artificialis in diuersis sublimitatibus verticis septentrionalis, hinc probatum habemus, quod si concipias tres regiones in septentrionali hemisphærio, altitudoque poli tertiæ superet tot partibus secundæ altitudinem, quot altitudo secundæ vincit altitudinem primæ, eiusdem illius diei inæqualia erunt incrementa, diesque tertiæ magis superabit diem secundæ, quam eiusdem regionis secundæ dies, diem primæ.

Hinc sequitur, quòd si sumpseris horizontem aliquem, qui positum parallelum fecet inter I. & L. ac inter H. & k. veluti in linea V. X. ea ratione ut arcus I. X. sit par arcui G. I. quo scilicet die incrementa æqualia sint: & concipiamus eam communem sectionem cum parallelo esse lineam illam rectam, quæ lineam E. C. in puncto T. inter P. & Q.

enim par sinui declinationis paralleli A.B.C.D. quæ  
 is ab æquinoctiali discedit ) cognoscetur ideo & la-  
 teris E.O. iisdē partibus magnitudo : quod sic fiet.  
 Sinus angulis E.Z.O. per E.Z. multiplicator : sum-  
 ma per signum anguli E.O.Z. diuiditor : producet  
 ea diuisio lineam E. O. quando ratio sinuum ar-  
 cum, qui angulos valent, est laterum ratio, quæ ex  
 aduerso eorum angulorum sunt. At postquam cō-  
 pertam habemus magnitudinem lineæ E. O. ex  
 comparatione ad diametrum sphæræ, & eadem ra-  
 tione cognoscitur B. C. propterea quod est sinus  
 eius quod restat ex C.O. declinatione detracta, cla-  
 rum est quòd si mente conceperimus lineam E.  
 C. sinum totum esse, vt re vera est in suo circulo,  
 eamque plurium partium fecerimus, in ijs ipsis par-  
 tibus cognoscetur E.O. dicemusque hoc modo per  
 numerorum proportionalium regulam. Quando  
 linea E.C. est tot partium semidiametri sphæræ,  
 quæ semidiametrus est sinus totus, linea E.O. est  
 tot earum partium. si eadem E. C. fuerit sinus to-  
 tus, id est, partium 1000000. seu plurium, seu pau-  
 ciorum pro ratione tabulæ sinuum, qua vtaris,  
 quot partes harum continebit E.O? multiplica-  
 bimus secundum numerum in tertium. & summa  
 diuisa per primum. prodibunt partes lineæ E. O.  
 adhibitaque sinuum tabula, sciemus quot gradus  
 habet arcus D.G. qui in horas conuersas addetur  
 ad sex horas, quo sciamus, quantus sit arcus dimi-  
 diatæ diei : quo arcu ex duodecim detracto ; relin-  
 quetur arcus dimidiatæ noctis : exempli gratia, vo-  
 lumus scire quot horarū sit dies, cū Sol est in prin-  
 cipio Cancrī, quæ est maxima totius anni, idque  
 in ea regione, in qua polus supra horizontem qua-  
 draginta


draginta gradibus eleuatus conspicitur, sic facie-  
 mus. Postquam sinus quinquaginta graduum est.  
 76604. hic numerus primo loco ponitur, sinus au-  
 tem anguli E.Z.O. quem posuimus quadraginta  
 graduum altitudinis poli est. 64278. qui numerus  
 secundo loco scribitur. at linea recta Z.E. sinus de-  
 clinationis principij Cancrī, quę est partiū 39874.  
 ea tertium locum occupato. ducuntur itaq; 64278.  
 in 39874. & fient 2562920972: quę summa per  
 primum numerum diuiditur, & fient triginta tria  
 milia quadrīgenta & quinquaginta septem, quę  
 sunt partes semidiametri circuli spherę maximi,  
 quas habebit linea E.O. Pergendum porrō deinceps  
 hoc pacto, linea E.C. quę sinus est 663. gra-  
 duum, quando ea est 91706. partium, linea E.O. va-  
 let 33447. si eadem E.C. esset centum milium par-  
 tium, quod earum caperet eadem E.O. 33457. in  
 100000. ducito, fient 3345700000. Hanc summam  
 per 91706. partitor; inuenies triginta sex milia  
 quadrīgenta & octoginta duo; quot partes valet  
 linea E.O. sinus arcus D.G. cui sinui respondent  
 viginti vnus gradus cum viginti quatuor prope pri-  
 mis minutis, quas partes continebit arcus D.G. quo-  
 niam autem gradus vnus valet quatuor horę minu-  
 ta prima, fient hi 21. gradus & 24. minuta prima  
 gradus; hora vna cum viginti quinque minutis pri-  
 mis & triginta sex minutis secundis horę. Itaque  
 arcus dimidiatę diei, cum Sol fuerit in principio  
 Cancrī, apud eas gentes, vbi polus quadraginta gra-  
 dibus attollitur, erit septem horarum & vigintisex  
 ferē scrupulorum horę: quę fiunt in totam diem  
 quatuordecim horę cum quinquaginta duobus  
 scrupulis, & reliquum tempus ex viginti quatuor  
 horis

horis erit nobis longitudo ad eundem diem, seu diei magnitudo quando Sol in principio Capricorni conuertitur. Postquam autem idem graduum numerus, quem habet dimidiati diei arcus supra 90. ea differentia est, quæ est inter ascensionem rectam & obliquam eiusdem puncti zodiaci, quo describitur is parallelus, vt in sphaera s'apparet. eadem via poterunt ascensiones oblique deprehendi, vbi primum rectas cognoueris, addendo scilicet detrahendoque has ascensionum differentias, vt locus postulabit, quemadmodum ait hic auctor in capite tertio, &c.

*Vernaculo sermone scripsit hoc Nonius,  
id est, Hispano Portugallico.*

**EXPOSITIO XXII.**  
**EX LIBRO TERTIO**

*Epitomes Ioannis de Regio Monte in  
 Almagestum Ptolemæi.*



**DIES NATURALES DVPLICI**  
*causa inæquales esse.*



**D**IES naturalis dicitur tempus reuolutionis Solis per motum primi mobilis ab horizonte aut meridiano, donec ad ipsum redeat. Sic quantum temporis est à puncto meridiei in punctum meridiei, tanta est dies naturalis. Et

hoc est tempus, in quo reuoluitur totus æquinoctialis, & ultra hoc tanta portio æquinoctialis, quanta respondet ei arcui eclipticæ quem in illo tempore Sol perambulat.

Hoc autem additamentum duabus de causis diuersificatur. Vna quidem, quòd Sol in temporibus inæqualibus æquales arcus de orbe signorum abscindit. Alia, quòd arcus æquales eclipticæ inæquales habent ascensiones tam rectas, quàm obliquas. Oportet igitur propter additamenta hæc duplici



duplici causa diuersificata, dies naturales inæquales esse, quod est propositum.

Ex hoc patet hos dies naturales, qui differentes dicuntur, non esse mensuram motuum aliorum, cum inæquales sint. Oportuit igitur in mensuram huiusmodi alios dies, qui æquales essent, assumi. Hac ratione vnus annus Solis est tempus in quo toties reuoluitur æquinoctialis, quoties est vnitas in numero dierum anni reperti iuxta doctrinam secundam huius, addita reuolutione vna, quæ reuoluitur cum motu Solis vero, peracto in vno anno à Sole. Diuiso itaque hoc numero reuolutionum per numerum dierum anni, egredietur quantitas diei mediocri scilicet reuolutio vna æquinoctialis cum additamento 59. minutorum, octo secundorum æquinoctialis, iuxta quantitatem medijs motus Solis in die. Hæc verò additamenta sunt inter se æqualia. Hinc constat mediocres inter se esse æquales. Palam est, igitur dies naturales differentes vnum ab alio atque à mediocribus differre. Et licet vnus dies differens parum à die vno mediocri differat & insensibiliter, in pluribus tamen diebus hæc diuersitas collecta quantitatem, de qua curandum est, efficit vtpatebit infra.


**EX**

# EX ALFRAGANO

## DE ORTV ET OCCASV

### PLANETARVM,

*Et de occultationibus eorum sub radijs  
Solis. Differ. xxiiij.*



**I**N hoc loco demonstramus ortum planetarum, & occasum eorum, & occultationem eorum sub radijs Solis. Dicamusque quod Saturnus, Iuppiter & Mars sunt cursu tardiores Sole. cumque fuerit vnus eorum ante Solem, appropinquat ei Sol, & videtur eius apparatus in occidente in vespere: nominaturque occidentalis, donec occultetur sub radijs Solis. Cumque transierit eum Sol, per cursum suum, & exierit de sub radijs, apparebit in oriente manè, & nominatur orientalis: eritque vnicuique eorum occasus in vespere, & ortus in manè.

Vnus autem & Mercurius, eo quod sunt cursu velociores Sole, cumque fuerit vnus eorum coniunctus Soli, fueritque cursu directus, vincit eum & transiens egreditur de sub radijs eritque ortus eius in occasu vespere, donec veniat ad maximam suam longitudinem, à Sole in circulo breui. Post hoc minuitur

nuitur cursus eius, & reuertitur ad radios eius: eritque occultatio eius in vespere occidente. Cumque separatus fuerit à sole, & exierit de sub radijs, orientur in oriente manè, donec perueniat ad longitudinem suam maiorem à Sole. Post hoc fit: cursus velocior, & attingit Solem, eritque eius occasus in oriente manè, Luna verò est velocior Sole cursu, & non est ei retrogradatio: ideo attingit, Solè & occidit in oriente manè, transitque eum: & oritur in occidentè vespere.

De esse quoque stellarum fixarum iam narrauimus in initio libri, quòd quicquid ex eis fuerit prope axem septentrionalem, non sit ei occasus in climatibus septentrionalibus. Et quanto plus aucta fuerit longitudo climatis in septentrione, tanto plus augetur altitudo axis ab hemisphærio, & eò magis non erit eis occasus in ipso climate, & sunt hæ Algeth, & Alpharcadam, & Henethai, quæ sunt stellæ Vrsæ maioris atque minoris, in quarto Climate. Et similiter quicquid opponitur his stellis ex parte axis meridiani, non erit ei ortus meridianus in eodem climate. Quicquid etiam fuerit ex eis magis elongatum ab axe, fueritque occasus in his partibus, quæ excedunt quinque climata: fueritque eius longitudo maxima à circulo signorum, non est ei occultatio sub radijs Solis propter prolixitatem moræ eius super terram: ex quo cum Sol fuerit in gradu longitudinis stellæ, erit ortus eius ante ipsum Solem, & eius occasus post ipsum. Quod si fuerit stella ante initium Cancrì vel initium Capricorni erit tempus, quo præcedit eum per ortum, æquale tempori, quo succedit ei per occasum.

Quicquid autem fuerit ex stellis fixis in cingulo circuli signorum vel prope, vel inter utrasque par-

tes, erit occasus eius sub radijs Solis vespere, & ortus in oriente mane secundum q̄ diximus de Saturno, Ioue, & Marte. Et erunt tempora occultationis eius secundum quantitatem siue corporis magnitudinem, & diuersitas eius longitudinis à Sole. Sed si fuerit latitudo septentrionalis, abbreviatur tēpus occultationis: & si fuerit in meridie, augmentatur.

Quicquid verò fuerit ex eis in latitudine signorum versus meridiem, abbreviatur tempus moræ eius, super terram. Cumque fuerit Sol in gradu eius, erit ortus eius post ipsum Solem, & eius occasus ante eum. Eritque ortus eius & occasus in die, & non videbitur: & quanto plus fuerit longitudo eius a circulo signorum, vel à Sole versus meridiem, tanto prolixius erit spatium eius occultationis, vt si-  
 dus, quod est in initio quarti climatis. Occultaturque à sole quinque mensibus anni: eritque occasus eius & ortus & non videbitur. Cumque fuerit stella prope initium Cancrī vel Capricorni, erit tempus, quo succedit Soli in ortu, æquale tempori, quo præcedit eum per occasum, vt sidus Sithelis, quod est in fine Geminorum.

Mansionibus quoque Lunæ apud occasum Solis sunt ortus & occasus: ortus scilicet vt exeat stella de sub radijs Solis, & oriatur manè in oriente ante ortum Solis. Occasus verò, vt stella in Nadir hac oriente vel orta manè occidit in occidente eadem hora. Prima itaque mansio, quæ est Alscarchan, oritur 10. diebus remanentibus de mense Aprili, & cadit eius Nadir, quæ est Alphar vel Algaphar. Deinde post omnes 31. dies oriuntur vna mansio, & cadit eis Nadir vsque in finem anni.

# D E O R T V P O E T I C O,

*Hoc est, exempla ortus & occasus stella-  
rum fixarum, ex varijs aucto-  
ribus collecta,*

*Et ad studiosorum vtilitatem diligenter  
explicata, incerto auctore.*



Cognitionis ortuum & occasuum stellarum fixarum p̄cipua vtilitas & fuit quondam & nunc esset, si calendaria nō haberemus, vnde sumerentur discrimina temporum anni. Nunc quoque certissima tempestatum indicia inde accipiuntur. Ac mihi sæpe cogitāti seriem anni, videtur Deus mirabili consilio ita distribuuisse omnes ortus & occasus, vt rerum nascentium vtilitati seruiant. Id declarari multis exemplis posset. Solis in Ariete cursus sua natura aliquantulum deficcat terram & auras, ea tempestas apta est sationi. Sed semini- bus aliquanto post opus est humore: ideò cū ventum est ad Pleiades & Hyadas, ordo naturæ adfert pluuias. Hæc quondam studiosè animaduersa & descripta sunt, estque vtilis consideratio vt opificum mundi sciamus non extitisse casu.

Deinde prodest hæc de ortu & occasu doctrina ad enarrationem multorum scriptorum: quorum  
Sphæ. Sac. Bosc. G quia

quia alij magis, alij minus eruditè ortus & occasus recēsent, explicatio difficilis interdum & est admodum intricata, cum præsertim stellæ propter motum octauæ sphæræ iam aliquantulum progressæ sint vt signa consequentia, & intercalatio quoque non emendata, aliquid faciat discriminis. Olim Sol ingrediebatur Arietem 17. die Martij, nunc 11. die Martij ingreditur, & sic de reliquis. Quia enim annus noster vsualis est maior iusto, necesse est tempora æquinoctiorum, solstitiorum, & ingressus Solis in cætera signa anticipare, seu recedere a sedibus suis in antecessoribus. Quare etiam si in tanta obscuritate, & tot difficultatibus, summam semper præcisionem pariter in omnibus locis deprehendere non posse videbimur, danda tamen est opera, vt quam fieri queat, simplicissimè nos ex singulis euoluamus. Quòd quidem facere facilius poterūt, qui definitiones, quarum in textu est facta mentio, diligenter didicerint.

### ORTVS ET OCCASVS

Cosmicus, seu mundanus, manè fiunt sub ortum solis, ita vt omnes stellæ quæ cum Sole, vel paulò post Solem, supra horizontem ascendunt, dicantur oriri cosmicè. Quæ verò cum signo Soli opposito, eodem tempore sub horizontem dilabuntur occidunt cosmicè.

### ORTVS ET OCCASVS

Acronychus vesperi fiunt sub occasum Solis.

Omnes enim stellæ quæ cum Sole, vel paulò post Solem descendunt, occidunt ἀκρονύχως. Quæ cum signo



igno Soli opposito eodem tempore supra horizon-  
em ex parte orientis emergunt acronychè,  
ta stellæ cosmicè surgentes, descendunt acrony-  
chè: & ascendentes acronychè, occidunt cosmicè,  
um modò non magnam latitudinem habeant, seu  
non multum distent ab ecliptica. Hinc sunt versu-  
culi vsitati,

Cosmicè descēdit signum quod acronychè surgit,  
Cronychè descendit signum quod cosmicè surgit.

## ORTVS ET OCCASVS

Heliacus differunt à prioribus. Cum enim Sol mo-  
tu suo, quem in annuo conficit spatium, subinde ad  
alias atque alias accedat stellas, & postea paulatim  
ab ijs iterum recedat, fit ut illæ, ad quas accedit pro-  
pius, propter vicinitatem luminis solaris obscuren-  
tur seu tegantur a aliquantisper lateant. Tales di-  
cuntur occidere heliacè, tunc cum Solis propinqui-  
tate impediuntur quò minus vesperi post occasum  
Solis in occidente appareant. Oriuntur autem ite-  
rum heliacè quando Sol motu suo progressus, tan-  
tis per ab eis remouetur, donec iam mane à radijs so-  
laribus liberatæ, ante ortum Solis in oriente rursus  
cōspiciuntur.

Præcipua verò ratio cur tot ortuum & occasuum  
genera constituentur, à motu Solis proprio pēdet:  
qui aliquando ad stellarum loca accedens propius,  
interdum vero longius ab ijs recedens, efficit ut alio  
atque alio tempore oriantur & occidant: nec diffi-  
cile est videre ordinem in ijs stellis quæ carent lati-  
tudine, vel saltem ab ecliptica non multum distant.



Primò enim occidunt heliacè tum, cum Sol accedit ad earum loca tam propè, vt vesperi post occasum Solis non possint amplius conspici. Paulo post mane cum Sole oriuntur cosmicè; & vesperi occidunt acronychè eodem tempore, vt suprà dictum est. Elapsis aliquot diebus, postquam Solè ab illis discedente manè ante ortum Solis in oriente iterum apparere incipiunt, oriuntur heliacè. Inde perpetuo ante Solem manè conspiciuntur, donec post sex fermè menses, Solè accedente ad signum seu locum illis oppositum, vesperi oriantur acronychè, & manè occidunt cosmicè. Hæc ratio expedita est, & a studiis facile potest itelligi, propterea quòd stellæ non multum ab ecliptica discedentes in alterutram partem, cum eo propemodum loco zodiaci oriuntur & occidunt, in quo sunt.

Cor Leonis nostro tempore in 23. gradu Leonis & ab ecliptica tantum distat 10. minutis. Sub medium igitur Iulij, Solè accedente ad principium Leonis, heliacè occidere incipit; ac vesperi post occasum Solis vix potest cerni. Diende in principio Augusti, cum sol peruenit ad 23. grad. Leonis, oritur cosmicè mane, & vesperi occidit acronichè cū Sole. Sub finem augusti, quanto Sol discedit inde ad medium ferè Virginis, a radijs Solis sub quibus tectum latuerat, liberatur iterum, ac mane añ ortū Solis videtur, donec tandem in principio Februarij cū Sol est circa 23. grad. aquarij vesperi oritur acronychè occidente Sole, & manè occidit sub Solis ortum cosmicè.

In stellis verò habentibus magnam latitudinem, ratio ortuū est aliquāto magis intricata: nec enim cum eo loco eclipticæ oriūtur, in quo sunt, nec cum  
eodena

eodem oriūtur & occidunt Septentrionalem enim latitudinē habentes in nostro sphæræ obliquæ situ, hoc est, eleuato polo septentrionali oriuntur cum gradu quodam zodiaci, locum suū in quo sunt præcedente, occidunt cū loco sequente. Contrà versus meridiem distantes ascendunt cum gradu sequēte descendunt cum præcedente. Atque adeò ordinem ortuum prædictum omnino mutant. Idque magis quo ab ecliptica longius distant.

Nos hanc varietatem breuitatis causa duobus tantum exemplis monstrare conabimur.

Arcturis stella insignis est ac primæ magnitudinis sub pedibus Bootæ, nostro seculo in 18. gradu Libræ: recessit autem ab ecliptica versus polum Borealem 32. fermè gradibus. Is igitur, primò oritur cosmicè manè cum Sole in hoc nostro horizonte, qui habet eleuationem poli septentrionalis 52. graduum sub principium autumnū, Sole existente in initio Libræ. Sub initium Octobris, quando Sol mouetur in medio ferè Libræ, oritur heliacè, hoc est, mane paulò antè quā Sol ascendat, in oriente cernitur. Aliquantò post in fine Nouembris, Sole existente in medio Sagittarij, occidit heliacè: vesperti enim post occasum Solis non ampliùs appareret. Post paucos dies in medio ferè Decembris, dum Sol est in principio Capricorni, descendit acronichè cum Sole. Deinde sub initium veris, sole accedente ad initium Arietis, oritur acronichè vesperti, Sole sub horizontem descendente. Postremò in solstitio æstiuo Sole existente in tropico Cancrī, occidit cosmicè manè Sole oriente.

Canis maior seu Sirius stella eiusdem magnitudinis non minus lucida in parte cœli meridionali est hodie in 8.gra. Cancrī, latitudinem verò habet meridianam 40.ferè graduum. Ea stella primo occidit heliacè in aprili, Sole ad principium Tauri accedente, quando videlicet vesperi propter vicinitatem radiorum solarium in occasu non amplius apparet. Deinde in principio Maij existente Sole in 22.gradu Tauri vesperi occidit acronychè cum sole. Prima Augusti sole in 17. Leonis gradu constituto, mane cum eo ascendit cosmicè. Elapsis inde aliquot diebus sole principium Virginis ingrediente oritur heliacè, hoc est, in matutino diluculo conspicua est, prius quàm Sol supra horizontem ascendat. Postea in initio Nouembris manè occidit cosmicè sole in 22. gradu scorpionis ascendente. Tandem sub finem Ianuarij, vesperi oritur acronychè, Sole in 17. Aquarij sub horizontem descendente.

Hæc de ordine ortuum præmittēda duxi, quòd ea definitionibus supra traditis aliquid lucis allatura sperarem. Nunc ad institutum redeo, ac primum quidem veterum auctorum loca quibus ortus vel occasus alicuius mentionem faciunt breuiter exponam. Deinde totum id quantum fieri poterit maxime illustribus, & ex varijs auctoribus collectis exemplis declarabo.

## AD CERTAM ORTVS

vel occasus alicuius speciem determi-  
nandam tria requiruntur  
præcipuè.

- 1 Tempus certum.
  - 2 Locus solis ad id tempus.
  - 3 Locus eclipcticæ, cum quo data stella oritur vel occidit, ad certam poli elevationem.
- 1 Tempus aut ab ipso authore annotatum offertur, aut ex certis ortus vel occasus speciebus eliciendum est, vt postea dicemus.
- 2 Locus solis ad diem datam, his nostris temporibus ex ephemeridibus, aut alijs tabulis vel instrumentis, facillè colligitur. Quia verò, vt supra monstratum, propter vitiosam intercalationem, sedes æquinoctiorum & solstitiorum mutatae sunt, atq; adeò singulis diebus Sol non in eodem gradu est hodie, in quo fuit olim: colligimus ex Ouidio, Columella, & alijs, dies quibus Sol ipsorum tempore ingressus est signa zodiaci, & ex ijs tabulam congestimus, ex qua vtcunque ad diem propositam locus solis ad tempora veterum possit elici: nec in ea supputanda astronomicam quæsiuimus præcisionem, sed singulis diebus singulos penè gradus tribuimus, quod negotium ipsum accuratiorem calculum requirere non existimarem. Si igitur ex ea locum Solis pro aliquo die ad veterum tempora habere voles, sume diem in margine tabulae, & statim sub titulo mensis tui in angulo communi (vt vocant) reperies gradum signi, quem sol eo die olim tenuit. Quòd si dato loco Solis, diem scire cupis, quære signi gradum in area tabulae, & supra cum in ca-

pite tabulæ, mensem : in margine verò iuxta eum, diem mensis reperiēs. Dies verò, qui nomina signorum sine numero graduum adscripta habent sunt dies mensium, quibus Sol ea signa olim ingrediebatur:

Huc pertinet tabula continens ingressum

Solis. in 12. signa zodiaci &c.

3. Locus vero cum quo stella oritur vel occidit nostro seculo; ex globo aliquo cœlesti facillè potest elici. Sed dum stellarum quoque loca à poetarum temporibus ad hæc nostra vsque propter motum octauæ spheræ mutata sunt, vt supra etiam monuimus, & ob eam causam stellæ cum alijs gradibus eclipticæ ascendant, ac descendant hodie aliter quàm olim: secundum hanc addidi tabulam, quæ continet gradus eclipticæ, cum quibus stellæ insigniores oriebantur quondam & occidebant Romæ & Alexandriæ. Videntur enim Latini, præcipuè poetæ ex peregrinis calendarijs suos ortus descripsisse nec satis cōstat ad suamne, an vero ad eleuationē Aegypti seu Alexandriæ, ex qua calenderia habent. Vtrunque igitur consulas, & quod in rebus dubijs tutissimum est, ea vtaris, quæ proposito tuo quam maxime conuenire videbitur. Sumptæ autem sunt longitudines stellarum in hac tabula ex Ptolomæo qui vixit post natum Christum, siue post tempora poetarum 150. fere annis sub imperatore Antonio propterea quod illud temporis inreruallum exiguum sit, & minus quam vt sensibilem aliquem errorem ingerere possit.

**H V C R E F E R T V R T A B V L A,**  
 quæ habet gradus eclipticæ, cum quibus  
 stellæ insigniores olim oriebantur & occidebant.

**PROINDE** authores in eiusmodi descriptionibus duplici ratione usus esse videmus. Aut enim tempus anni certò exprimunt, & ad illud ortû vel occasum alicuius stellæ in genere applicant: aut non annotato tempore, ortus vel occasus speciem notâ quadam circumscribunt, & ex ea tempus nobis inuestigandum relinquunt. Prior ratio, Ouidio in Fastis; historicis, ac rei rusticæ scriptoribus ut plurimum familiaris est: posterior rarius occurrit, quæ à Virgilio magis usurpatur. Si quem igitur habes locum præ omnibus primo illud videas, utrû ab authore certo exprimatur, tempusne anni, an verò ortus: & si ortus, quam speciem describebat, diligenter consideres. Deinde statim inquire locum eclipticæ, cum quo stella, cuius mentio fit, veterum temporibus ascenderit supra horizontem aut descenderit, ex tabula præmissa & quidem vtranque elevationem sumas, ea utaris, quia quàm maximè ad rem quadrare videbitur, sicut dictum est.

Tertiò, si oblato tempore de ortus specie diuinandum est, quære locum Solis ad tempus propositum, ut supra monstrauius, eumque confer ad gradum cum quo stila oritur vel occidit. Si enim is gradus idem est cum loco Solis, necesse est ortum intelligi cosmicum, vel occasum acronychum. Si vero locus stellæ in opposito solis, occasus erit cosmicus, aut ortus acronychus. Quòd si locus  
 Solis



Solis gradum, cum quo stella oritur, aliquantulum sequitur in signorum ordine, dicitur ortum heliacum: propterea quod Sol locum à quo oritur stella superarit, ita ut manè paulo ante ortum Solis ascendat & conspiciatur. Si verò locum, cum quo stella occidit, aliquantulum præcedit, occasum intelligas heliacum: tunc enim quia Sol ad locum, cum quo occidit stella, propius accedit, incipit vicinitate radiorum Solis obscurari, ut post occasum non possit facile cerni.

*Paulo ante ortum Solis ascendat & conspiciatur. Si verò locum, cum quo stella occidit, aliquantulum præcedit, occasum intelligas heliacum: tunc enim quia Sol ad locum, cum quo occidit stella, propius accedit, incipit vicinitate radiorum Solis obscurari, ut post occasum non possit facile cerni.*

**SI VERO ORTVS SPECIE** expressa de tempore diuinandum erit, sic procedas. Primo ut ante dictum, summo studio perpendas quam ortus speciem intelligat author: id ex ipso verborum contextu coniiciendum erit, ut infra cernes in exemplis:

Deinde, locum, cum quo stella oritur vel occidit, ut prius, inquiras. Tandem si ortus est matutinus vel occasus vespertinus, tamen quia cum Sole stella oritur vel occidit necessario, quare ex tabula quo tempore anni Sol eum tenuerit locum cum quo stella ascendit, vel descendit, ratione superius monstrata. Si verò ortus est acronychus vel occasus cosmicus, tum quia in ijs Sol semper occupat signum loco stelle oppositum, inuestiges ex eadem tabula quando Sol olim fuerit in signo zodiaci stellæ loco opposito. Occasus heliacus aliquot diebus præcedit occasum acronychum in omnibus stellis, quare pro eo aliquot dies auferas à tempore occasus vespertini. Ortus heliacus aliquo intervallo temporis ortum cosmicum sequitur, ideo



pro hoc aliquot dies adijcias ad tempus ortus confirmi: & reperies tempus quæsitum prope verum. Nam in summa præcisione inuestiganda, omnia ad accuratiorem calculum reuocanda essent, quod plus requireret laboris, quam ferret utilitatis, cum præsertim præter supradictas difficultates, etiam ad ortum & occasum heliacum nõ possit tradi definita à Sole distàtia, quod arcus visionis stellarum fixarum deprehensi satis non sint, cum propter diuersas corporum magnitudines; tum verò ob varias earum ab ecliptica distantias, & signorum etiã inæquales ascensiones. Itaque erudito coniectatore hæc res omnino opus habet. Nec fort assis parum iuuaret, si quis ortus & occasus, quorum Columella & alij mentionem faciunt, diligenter exciperet, eosq; quasi in diarium quoddam digereret, ex quo deinde de poetarum locis facilius diuinare posset. Ad quam rem multum profutura viderentur ea quæ Plinius libro. 18. cap. 25. & sequentibus tradit, qui quidem & loca obseruationum diuersa ostendit, & suos singulis ortus adscribere conatur. Sed ad exempla venio, quæ rem magis declarabunt.

## VIRGILIUS PRIMO GEORG.

Antè tibi Eoæ Atlantides abscondantur,  
Gnosiaque ardentis decedat stella Coronæ,  
Debita quam fulcis committas semina &c.

## IN PRIMO VERSU.

Ortus exprimitur: Eoæ, inquit, idest matutinae:

tinæ: est ergo occasus cosmicus, qui fit mane sub ortum Solis.

2. Pleiades stellæ sunt in ceruice Tauri quæ in vtraq; poli eleuatione occidunt cū 4. gradu Tauri.

3. Quia verò occasum describit cosmicum, necesse est Solem esse in signo opposito, videlicet in 4. gradu Scorpij. Eum Sol tenebat olim circiter 22. diem Octobris, vt apparet in tabula. Id tempus intelligit. Virg. quo Pleiades olim occidebant manẽ oriente Sole in 4. gradu Scorpionis.

IN ALTERO. VERSU.

1. De ortus specie quæritur, tempus notum est ex superiori versu, videlicet 22. Octobris.

2. Notus est & locus Solis 4. Scorpij.

3. Ortus autem Corona Romæ cum 27. Virginis Alexandriæ cum 7. Libræ. vterque gradus sequitur locum Solis in signorum ordine. Ergo exponendus est versus de ortu heliaco Nam Sole ex Libra in Scorpionem transeunte, Corona manẽ ante Solem oriebatur & conspici poterat. Porro occasus Pleiadum cosmiçi crebra fit mentio apud poetas & historicos, vt apud Polybium de transitu Annibalis in Italiam libro quinto:

Τῆς δὲ χρόνος τὴν τῆς πρὸς τοὺς ἀκροὺς ἀθρομένῃς διὰ τὸ σπυρτῆν τὴν ἀλυσίδος ἀύσιν.

Quem locum & Liuius imitatus est libro primo Decadis terciæ, vbi ipse quoque id iter Annibalis describit Verba eius hæc sunt:

Fessis tædiō tot malorum, niuis etiam casus occidēte iam Vergiliarum fidere ingentem terrorem iniecit. Sed in vtroque tempus exprimitur: fit enim

enim mentio autumnī, quare de occasus specie non est difficilis diuinatio.

Citantur ab Athenæo versus ex Astrologia Hefiodi de eodem.

Χειμέριαι δύνουσι πολέηδεις.  
Αἰδητοὶ θέρουσι καὶ χιμάτος ἀγγελοὶ εἰσιν.

Hic etiam tempus expressum est: hybernæ occidunt, scilicet cosmicæ, Sole existente in Scorpione.

Vocat autem nuncias æstatis & hyemis, propterea quod in initio æstatis oriantur heliacè Sole in Geminis existente: ante exordium hyemis in autūno Sole existente in Scorpione, oriantur acronyche vesperi, & manè occidunt cosmicè. Quod ipsum etiam Plinius indicat lib. 18. cap. 29.

Namque Vergiliæ priuatim ad fructus attinent ut quantum ex ortu æstas incipiat, occasu hyemis semestri spatio intra se menses vindemiasque & omnium maturitatem complexæ.

Eundem occasum intelligit etiam Plinius libro 21. cap. 6. de croco.

Floret Vergiliarum occasu paucis diebus.

Columella de cura apum libro nono cap. 24.

Ab æquinotio deinde quod conficitur octauo Calend. Octobris, ad Vergiliarum occasum diebus quadraginta. &c.

Ab octauo calend. Octobris, id est à 24. die Septembris. ad 3. Nouembris, qua Sol est in 16. fere Scorpionis. ergo occasum intelligit cosmicum, &c.

Vbi illud quoque obseruandum est, quod æquinotiorum & solstitiorum sedes (sic ut & Plinius libro decimo octauo capit. 26.) non in principijs, sed

sed in octauis fermè partibus signorum cardina-  
liū constituit, contra verā astronomicā rationem.

*Idem lib. 11. Cap. 2.*

Tertiodecimo & duodecimo Calendas Nouem-  
bris, Solis exortu, Vergiliæ incipiunt occidere, occa-  
su scilicet cosmico. Et eodem capite.

Sexto Idus Octobris Vergiliæ oriuntur vesperi,  
ortu scilicet acronycho vesperi Sole in scorprio de-  
scendente, quod eodem fermè tempore cum occa-  
su cosmico fieri diximus in stellis parum ab eclipti-  
ca distantibus.

*Hesiodus libro. 11.*

Πληιάδων ἀπὸ πλεονέων ἐπιπλομενάων  
Ἄρχθ' ἀμνητὲ ἀρότοις ἧ δυνσομέναν  
Αἴδι' ἦτοι νύκτας τε καὶ ἡμέρας πρὸς αράκοντα  
Κεκρύφαται, αὐθις δ' ἐπὶ πλομένου ἐνι αὐτῇ  
κύνοντα.

1 Messē adoriri iubet orientibus Pleiadibus, &  
exprimit ortus speciem, videlicet ortum heliacum,  
eum enim hoc verbo *ἐπιπλομενάων* plerunque intel-  
ligunt. Sunt autem Pleiades in tauro: & quidem  
cum principio eius ferè oriebantur & occidebant,  
ut apparet in tabula, ergo necesse erat eas liberari à  
radijs Solis, & manè ante ortum eius conspici, Sole  
accedente ad Geminos, quod fiebat olim in fine  
Maij, vel principio Iunij, id tempus messis vocat in  
regione calidiore.

11 Tempus arationis dicit esse, cum occidunt Ple-  
iades,

iades, scilicet cosmicæ, quod fit in Octobri Sole existente in scorpio, vt supra dictum.

111 Dicit eas latere per dies 40. Id intelligendum de tempore quod est ab occasu heliaco vsque ad ortum heliacum, post quem mane ante ortum Solis iterum cernuntur; ideo dicit eas postea cerni per totum annum post ortum heliacum. Conspiciuntur enim mane perpetuo ante ortum Solis vsq; ad ortum acronychon, qui est in Octobri, post quem vesperi conspiciuntur post occasum Solis, iterum vsque ad occasum heliacum. Fingis itaq; eas non conspici 20. diebus ante ortum cosmicum, seu ante coniunctionem earum cum sole, & totidē diebus post, quod est admodum verisimile. Nam & stellæ parue sunt, & ab ecliptica non multum recedunt. Nec male conuenit id ad tempora ortus & occasus heliaci quæ à Columella libro 2. cap. 2. annotantur. Nam de occasu heliaco sic inquit,

Octauo Idus Martij Vergiliæ celantur.

De ortu heliaco, ibidem,

Nonis Maij Vergiliæ oriuntur, sexto Idus totæ apparent.

*Item libro. 9. Cap. 14.*

Ab æquinoctio primo quod octauo Calend. Aprilis in 8. parte Arietis conficitur, ad exortum Vergiliarum dies verni temporis habentur duodequingenta. Et iterum paulò post.

Duodequingagesimo die ab æquinoctio verno cum sit Vergiliarum exortus circa 5. Idus Maias.

Ab 8.

Ab 8. enim Martij quo incipiunt occidere occasu heliaco, vsque ad nonas Maij, quibus iterum totæ apparent, 60. sunt dies. Non igitur male dixit Hesiodus eas diebus 40. continuis integras latere, seu omnino non conspici.

Polybius libro quinto, in initio, ait Achæos aspiciari annum à vere circa ortum Pleiadum, iuxta traditionem Ariati Sicyonij, eius scilicet cuius in Officijs mentio fit apud Ciceronem.

Verba hæc sunt.  
 τὸ μὲν γὰρ, καὶ τὴν Ἀράτου τῆς νεοτόρου, ἐπὶ τὴν γ-  
 χαινε διηλυθὸς πρὸς τὴν πλεῖστον ἐπιτολὴν.  
 αὐτῷ γὰρ ἦγε τοῖς χρόνοις τὸ τῶν Ἀχαιῶν ἔθνος.

Id de cosmico ortu commodissimè exponitur qui æquinoctio verno proximus est, de quo & Columella.

Decimo Calendas Maij Vergiliæ cum Sole oriuntur.

Si quis tamen locum Polybij de ortu heliaco interpretari malit non repugno, nisi quod is ad æstatem propius accedit, vt ex superioribus patet.

*Hesiodus libro. 2.*

ὡς τὰ ἐπὶ πῶ δὴ  
 πλεῖστα δὲ θ' ὑάδες τε, τὸ, τε, αἰένοσ' ὠρίωνος  
 Δύνωσιν τὸ τ' ἐπλεῖτ' ἄρότου μεμνημένος εἶναι.

Autumnū intelligit, in quo Solē existente in Scōrpio Pleiades & Hyades in Tauro, & Orion cū ijs occidit cosmicè manè oriente Solē. Nam & Orion in vtraque elevatione cum Tauro occidit, vt patet in tabula. Sub id tempus iubet arationem fieri



fieri, & prohibet nauigationem. Ideo & in Theocrito quidam optat amico fœlicem ac bonam nauigationem sub id tempus: quod alioqui solet esse flatuosum ac turbidum. Verba eius hæc sunt in Idillio. 7.

Ἔσσεταί γε ἡ χεῖν' ἀκκιπὲς καλὸς πλόος ἐς Μιτυλαίαν.

Χ' ὅταν ἐφ' ἐσπερίοις εἰρφοῖς νότος ὑγρὰ διώκει

κύματα, χ' ὥραν ἐπ' ὠκεανῷ πόδας ἵχτι.

Hoc est, utinam Ageanaæ sit bona nauigatio in Mitylenam, quando notus infestat mare sub hesperius Hædos, quando occidit Orion.

1 Tempus notum est, autumnus scilicet, quo, Sole existente in Scorpio, Orion manè occidit cosmicè, ut dictum est.

2 Hædi oriuntur cum fine Arietis seu principio Tauri Alexandriæ. Ergo eodem tempore solc in Scorpio vesperi descendente, è regione oriuntur acronychà: ideò ἐσπερίοις vocat, id est vesperi apparentes: & quidem sub id tempus eos vesperi orienti etiam columella testatur, cum inquit

Nonis Octob. Hædi oriuntur vesperi.

Polibius libro primo.

De nauigatione Romanorum in Africam ex Sicilia, quâ inter ortum Orionis & canis susceperant.

Μεταξὺ γὰρ ὠδίου τοῦ πόνου τῆς ὥρας καὶ κυνὸς ὠδιπελῆος, ὕδενι περσέχοντες τὰς λεγόμενων.

Μεταξὺ, inquit, id est, intra ortum Orionis & Canis. Queritur igitur quem ortum intelligat. Tempus ex contextu colligitur fuisse sub initium æstatis. Oritur autem Orion cum Geminis, canis ma-

Sphe. Sac. Bosc.

Hior



ior cum medio ferme Cancrī, ut cernitur in tabula. Ergo ortum intelligit heliacum, quo Sole sub finē veris ex Geminis accedente ad Cancrum totus Orion, & paulò post cū ad finem Cancrī peruenit, Canis quoque manē rursus conspicitur. Improbatur autem eam nauigationē, quòd sub ea tempora occasus heliacus, & paulò post ortus cosmicus & heliacus Orionis & canis vtriusque tempestates ciēt. Propter quā causam Heliodus etiam nauigationem vernam prohibere videtur. Sic Plinius lib. 18. cap. 29. de occasu heliaco Canis.

Post dies vndeiginti ab æquinoctio verno per id quātriduum, varia gentium obseruatione, quarto Calendas Maij Canis occidit, sidus per sese vehemens, & cui præoccidere Caniculam necesse sit.

#### Et de Orione, cap. 25.

Cum sidus vehemens Orionis ijsdem temporibus longo decedat spatio.

Scilicet post æquinoctium vernum paulatim occidere incipit: est enim magnum sidus, & multas habet insignes stellas: ideo non subito à solis radijs tegitur: quod ipse etiam Plinius eodem lib. cap. 26. testatur.

Nonis Aprilis Orion & gladius eius incipiunt abscondi: quinto Calendas Maij totus Orion absconditur: octauo Idus Maij Canis vesperi occultatur.

#### Et Columella.

Pridie Calendas Maij Canis se vesperi celat occasu scilicet heliaco. Oritur autem iterum heliacè paulò ante solstitium æstiuum, ut idem scribit libro

bro eodem, capite vigesimo octauo.

Sexto Calendas Iunij Cæsariæ Orion oritur: tertio nonas Iunij Atticæ totus exoritur.

Hunc ortum intelligit Hesiodus de tritura ac tempore messis.

Εὐτ' αὖ πρωταφαιῖν ὁ ἑὸς ὀρίωνος.

Cum primum iterum appareat Orion ortu heliaco, in Iunio scilicet, sole existente in fine Geminarum, vt dictum est. Canicula verò post solstitium oritur, vt est apud Columellam.

Peraçto solstitio vsque ad ortum Caniculæ, qui ferme triginta dies sunt.

De ortu Heliaco, cum scilicet Sole existente in principio Leonis, Canicula cum Cancro manè ante solem ascendit, & conspici potest, quòd tempus nauigationi aptissimum est, & vt Hesiodus testatur.

Ouidius 1. Fastorum.

Octipedis frustra quærentur brachia Cancri.

Præceps occiduas ille subibit aquas.

Institerint imbres missi de nubibus atris,

Nonæ signa dabunt, exoriente Lyra.

Hic tempus offertur 3. Ianuarij: eo die Sol in 17. Capricorni in signo opposito. ergo occasum intelligit cosmicum, quo manè oriente sole in Capricorno, Cancer è regione descendit.

11 Lyra oritur cum fine Libræ Romæ, Alexandriæ verò cum initio Scorpij. vterque locus sequitur locum solis antea repertum, scilicet 17. Capricorni. Ergo ortus est heliacus, quo Lyra manè ante ortus Solis conspicitur, a radijs liberata.

Hunc ortum præcessit ortus cosmicus, cuius meminit Columella.

Decimosexto Calendas Decembris, Fidicula manè exoritur, scilicet Sole existente in fine scorpij, cum quo occidit Lyra, ut supra patet ex tabula.

Ovidius in eodem.

Septimus hinc oriens cum se demiserit vndis,

Fulgebit toto iam Lyra nulla polo.

Sidere ab hoc, ignis venienti nocte, Leonis

Qui micat in medio pectore, mersus erit.

Die 23. Ianuarij Sol est in 8. gra. Aquarij serè.

Lyra occidit Alexandriae cum 22. Aquarij.

Ergo occasum intelligit heliacum, quo scilicet vesperi occidente Sole in 8. Aquarij, Lira \* supra horizontem vix adhuc cernitur.

\* scilicet intra

Possent & enarrari hic locus de occasu cosmico, quòd Romæ occidat Lyra cum 2. serè Aquarij. Sed illa expositio min' videtur idonea, propterea quod in stellis septentrionalem latitudinem habentibus occasus cosmicus præcedat, eum deinde ortus heliacus, & tunc ortus cosmicus sequatur, post quem occasus acronychus proximus est, quem ipsum quoque describit Ovidius in secundo libro, ut postea videbimus.

## II Qui micat in medio, &c.

Cor Leonis intelligit, quod fuit in quinto vel 6. gradu Leonis. Is locus est oppositus gradui Solis prius inuento, ergo occasus est cosmicus.

Sic Columella.

Sexto Calendas Februarij Leonis, quæ est in pectore, clara stella occidit.

Et

Et Plinius lib. 18. cap. 26.

Octauo Calendas Februarij stella, regia appella-  
ta Tuberoni, in pectore Leonis, occidit matutino.

# OVIDIUS LIB. II.

Illa nocte aliquis tollens ad sidera vultum,

Dicet, Vbi est hodie quæ Lyra fultit heri?

Dumq; Lyram quæret, medijs quoq; terga Leonis

In liquidas subito mersa videbit aquas.

Quem modo cælatum stellis Delphina videbas,

Is fugiet visus nocte sequente tuos.

Dies est expressa 3. Februarij. Occidit Lyra cum

22. Aquarij Alexandriæ: est autem locus Solis 18.

Aquarij, & commodè interpretari potest de occa-

su acronicho: posset tamen applicari ad heliacum,

qui paruo tempore acronychum præcedit. sed hæc

expositio commodior est, sicut ante diximus.

## II Terga Leonis.

Leo est signum oppositum Aquario. ergo sole in  
Aquario manè oriente occidit cosmicè.

## III Is fugiet visus.

Tempus datur tertio Februarij. Locus solis est in  
decimonono Aquarij. Occidit Delphin cum medio  
forme Aquarij. ergo occasus est Acronychus. sic &  
Columella.

Tertio Calendas Februarij Delphin incipit oc-  
cidere. Idem, Fidicula occidit, scilicet vesperi. occa-  
su Acronycho, Sole in 19. Aquarij existente.

Εὐτ' αὖ δὲ ὠρίων καὶ σείριος εἰς μέσον ἔλθῃ  
 Οὐρανὸν, ἀρκτουῖρον δὲ ἐσίδῃ ῥοδὸ δακτύλῳ ἰῶσ.

Hic ortus species describitur, cum enim Orion cum Sirio, qui in Geminis sunt in medio cœli existunt, necesse est Arcturum cum Virgine oriri, idque cosmicè, Sole existente in Virgine, sub initium Septembris. Sic & Columella,

A Canicula ferè post diem quinquagesimum Arcturus oritur.

### ET ALIBI.

Nonis Septembris Arcturus oritur, scilicet manè cum sole ortu cosmico. Hunc ortum intelligit etiā Thucydides libro secundo, ubi scribit exercitum Lacedæmoniorum discessisse ab obsidione plateæ πῶδ' ἀρκτουῖρον ὠδὶ τραῦ, relicta ibi parte exercitus. Quanquam idem locus de ortu heliaco, qui ortum cosmicum paruo temporis interuallo sequitur, nō incommodè accipi potest.

Plinius libro secundo.

Arcturi fidus, quod exoritur vndecim diebus ante æquinoctium Autumni.

Ortu scilicet heliaco, quo apparet Arcturus, sole ex Virgine accedente ad Libram.

# ARISTOTELES

## DE NATURA ANIMALIVM

### LIBRO VI. DE CERVIS.

**Η** δ' ὀρχία γίνεταί μετὰ ἀρκτουρον ποδὶ τὸν βηνιδό-  
μῶνα ἢ μεμακθηῶνα.

Dicit coitum ceruarū fieri mense Augusto & Septembri, sub Arcturi ortum cosmicum & heliacū.

Theodorus Gaza in libello de mensibus, locum Galeni de hoc ipso ortu citat : cuius hæc sunt verba libro quarto de tuenda sanitate.

Ἔσι μὲν ὠραιότατον τῆς ραΐατος τὸ σπέρμα ποδὶ τῷ  
ἐπιτέλῃ τῆς ἀρκτουρον, ὅς τις χειρὸς ἐν πρώμῳ κελεύ-  
μενος, μὲν σπέρμιμβριος ἐστὶ, ἐν πόρῳ δὲ παρὰ ἡμῖν  
ὑπὲρ τῶν αἰσθησίων, ἀθῶνσι δὲ μυσηρεῖα.

Id est,

Maximè verò maturum est abietis semen sub or-  
tum Arcturi heliacum, mense Septembri, &c.

### HESIODVS LIB. II.

Εὐτ' αὖ δ' ἐξήκοντα μετὰ τὸ πᾶσ' ἐραΐσιο  
χειμέρι ἐκπέσῃ ζεῖσ' ἡμέτα, δὴ ρα τὸ τ' ἀσπὴρ  
ἀρκτουρον πρὸς λιπὼν ἱερὸν ῥέον ὠκεανοῖο,  
πρῶτον παμφαίνων ἐπὶ τέλει μετὰ ἀκρονέφαλον

Hic & tempus exprimitur & ortus species, se-  
xaginta diebus post solstitium hybernū, id est,

Η 4 circi-

circiter 15. Februarij: quo tempore Sol ingreditur Pisces. Oritur autem Arcturus cum Virgine, rectè dicitur vesperi, hoc est, acronychè Sole in Piscibus descendente.

## OVIDIUS II. FASTORVM.

Tertia nox veniat, custodem protinus Vrsæ.

Aspicias geminos exeruisse pedes.

Temp<sup>9</sup> est 11. Februarij, sole in fine Aquarij prope initium Piscium, oritur Bootes cum Virgine, qui locus est oppositus soli. Ergo ortum intelligit acronychum: quare inquit, Noctu aspicias.

De hoc ortu Plinius lib. 18. cap. 26.

OCTAVO calendas Martij, hirundinis visu, & postero die arcturi exortu vespertino.

Et Columella lib. 9. cap. 14.

ORTVS Arcturi, qui est idibus Februarij, sub aduentum hirundinum.

Idem lib. 11. cap. 2.

Nono Calendas Martij Arcturus prima die oritur.

## LIBRO III. FASTORVM.

Siue est Arctophylax siue est piger ille Bootes,

Mergetur, visus effugietque tuos.

Tempus est 5. Martij, locus Solis in fine Piscium.

Occidit autem Alexandriæ Arcturus cum initio Scorpij. Quare, quia Sol est ferè in signo opposito, occasum intelligit matutinum, seu cosmicum. Hæc expositio qualiscunque est. Nam vt supra etiam monuimus, Latini poetæ negligentes fuerunt in descriptionibus



ptionibus ortus & occasus siderum. Verum occasum cosmicum describit Columella lib. 11. cap. 2.

Vndecimo, decimo, & septimo Calendas Iunias Arcturus manē occidit.

Scilicet cosmicè, Romæ cum 5. Sagittarij. Occidit ergo dictis diebus quibus Sol mouetur in primis partibus Geminorum, manē oriente sole è regione descendit.

Est & locus in Rheseo Euripidis,

Δύε' τε σήμει' α, καὶ ἐπ' ἄποροι

πληϊάδες ἀδείλαι

μίσου δ' αἰτὸς οὐρανοῦ περὶ τε

Occidunt signa & septem Pleiades æthereæ,

Aquila in medio cœli volat.

Describitur id fieri in noctu hyemali sub finem quartæ vigiliæ tribus ferè horis ante ortum Solis.

Oritur autem Aquila cum priori parte sagittarij.

Ergo eo versus medium cœli ascendente, necesse est Pleiades ex opposita parte iam in Tauro descendisse, & Solem quoque sub horizonte esse in fine Capricorni, vel initio Aquarij. Finguntur igitur hæc mense Ianuario acta, vel initio Februarij.


F I N I S.



COM-

# COMPENDIUM IN COSPH AERAM,

Per Pierium Valerianum Bellunensem.



# CAPITULA QVAE Tractantur, sunt hæc.

*De tota Mundi machina breuissime.*

*De Polis.*

*De Aequinoctiali.*

*De Zodiaco.*

*De Regionibus signorum.*

*Signa quibus Planetis addita.*

*De Tropiis.*

*De Arctico & Antartico circulis:*

*De coluris.*

*De Circulis mobilibus.*

*De Horizonte.*

*De Meridionali.*

*De Sphæra recta & obliqua.*

*De Motu Solis & aliorum Planetarum.*

*De Zonis.*

*De Parallelis.*

*De inaequalitate dierum & noctium.*

*De calore & frigore.*

*De Eclipsibus.*

*Cur facies Lunæ varia.*

*Quid nox, quid dies sit.*

*De significationibus Eclipsis vtriusque in vnoquoque signo, ex Proclo.*

# AD ILLUSTRIS.

## Et maxime Reu.adolesc.

ALEXAND. FARNESIVM  
Cardin. S. R. E. Vicecancell.

*Pierij Valeriani Bellun. Compendium in Sphæram.*



**Q**UOD quæris Alexander Cardinalis amplifs. terrarum situm tibi breuiter describi, quæris quidem rem & scitu iucundam, & studijs tuis apprimè necessariam. Nam siue poetas, siue historiam, siue oratores legas, quæ tuæ sunt adolescentiæ primæ delitiæ, quoquo te verteris, rei istius cognitio tibi fuerit opportuna. Inuitat verò te sapientissimi, eruditissimiq; aui tui exemplum, ad ea omnia studiosius consecretanda, per quæ ille ad sumum rerum culmen euectus est: atque eos tibi primos in disciplinis gradus constituisti, qui ad humani ingenij captum propinquiores esse videantur: ut gradatim inde ad reliquarum scientiarum cognitionem, & consummatissimam, qua ille plurimum pollet, doctrinam progrediaris. Maacte igitur hoc animo, qui quem auum refers nomine, sapientiæ et æquare contendas In quo spero Deum Opt. Max. optatis tuis facillimè responsum: tu modò hæc præditus indole, his honorum auspicijs, totq; eruditissimorum hominũ, quos domi alis, auxilio cõmunitus

nitus paululum quid enitere, dum institutum cursum arripias, reliqua negotio minimo, ac si nulla puluere consecuturus. Quoniam verò terræ ipsius situs descriptio, dimensioque ad cœli rationem accommodanda est: de cœlo prius, cœlique partibus differere quàm breuissimè apertissimeque possem necessarium existimaui quod hæc præsertim pars vt Latina dictione tradatur desiderari hæctenus visa est. Fuerunt enim plerique etiam Latini homines, qui rem minus Latinè in vulgus edidere, quam uis cætera diligenter examinerint. Curauimus autem vt ea esset in institutione nostra facilitas, vt tenera quælibet ætas doctrinæ huius capax fieri posset. Nam & superflua pleraque, ne inepta dicam, quæ plerisque fastidium afferre consueuerant, à me summotà reiectaque sunt, eaque tantum admissa, quæ ad simplicem sphæræ ipsius cognitionem necessaria videbantur. Illa autem quæ postea subsequuntur ad orbis geographiam pertinentiâ, vnoquoque vel mediocriter erudito commostrate, vel tuo ipsius studio facillime consequeris.

## DE TOTA MVNDI MACHINA.

**I**llud verò primum omnium tibi fuerit mente concipiendum, terram hanc quam incolimus vniuersam vna cū aqua circumfusa, ac illi intra supraque, & infrà etiam adhærescente, pilæ cuiusdam obrotundæ modo considerari debere: quam circum aer vndeque diffusus circumplectitur: eodemque modo aer à circumfuso igne confouetur. Quatuor enim his simplicibus, terra quippe,  
aqua,

aqua, aere, & igne, omnia constant, quæ mox in varias rerum species conformantur. Supra corpora hæc, vt fieri potest, orbicularia, septem Planetarum orbes alterum alteri instar corticum cœpis incumbentes astronomorum subtilitas adinuenit, Lunæ scilicet Mercurij, Veneris, Solis, Martis, Iouis & Saturni. Supra Saturni Sphæram stellarum fixarum orbis esse creditur.



Huc vsque humanæ vis aciei fertur, totumque cœli ambitum igneis quibusdam clauis confixum arbitratur. Supra tamen stellas cœlum aliud esse fertur, quod primum mobile antiqui sapientes vocât, vtpote quod summi Dei (neque enim aliter creden-  
dum

dum est) imperio cōcitatum, assidua rapidissimaq; vertigine ruens ab oriente occasum versus, mox ab occasu ad orientis terminum sese circumuoluit, trahitque secum & stellarum fixarum orbem, & planetarum omnium sphæras. Quāquam illæ, vti videbimus inferius, reluctabundæ, eo lentius aliæ, celerius verò aliæ trahuntur, quò primo illi orbi rapidissimo vel propinquiore, vel longinquiore fuerint. Iuniores decimam adinuenerunt sphæram, cui nōnulli pernicitatem eam attribuerunt: alij contrā perpetuā rerum diuinarum quietem in illa statuerunt: vbi scilicet diuini spiritus piorumque animæ adsistant Deo, æternaque omnino tranquillitate pfruantur. Sed enim hoc hic disputare nostri non est instituti, qui ad simplicem quandam cœli traditionem properamus. Scias tamē inter astronomos & philosophos de cœli orbibus, minimè continere neque etiam de planetarum situ & ordine: sed nos hæc tibi, vt à pluribus traduntur, exponentes, quæstiones in aliud tempus differemus.

## DE POLIS.


**E** Sto igitur cœlum, vt vno omnia vocabulo cōplectamur, ad pomi huius, qd̄ nunc præmanibus est, similitudinē orbiculatū. (vtar enim hoc ad partem, qua de nunc agimus, satis idoneo.) Vertitur hoc, vt diximus, supra terram ab oriente occidentē versus: & ab occidente sub terra ad orientem, eò usq; vnde mane ferri cœperat, quatuor & viginti horarū spatio. Cardinales, quibus inniti videtur, aut circa quos versatur, duo, poli Græco vocabulo nuncupantur: *πλῶ*. n. verto est. Horū vnus;

[omi



## DE ZODIACO.

**D**iffecat hunc per obliquum fascia quædam lata dimidia sui parte ad arcticum obuerfa, altera ad antarcticum inclinata, quæ à 22. animalium formis, quibus insignita perhibetur, zodiacus circulus Græcis nūcupatur, signifer Latinis, qui duodecim figuras signa vocant. Horum primus Aries, quæ primū parte ab æquinoctiali zodiacus diuertens in arcticum cœpit porrigi: inde Taurus, & huic proximum Geminorum signum: compendiosis autem notis ita figurantur, ♈, ♊. Postquam per tria hæc signa arcticum versus obliquo tramite progressum est, reflecti incipit fascia, & ad æquinoctialem rursus redire: quæ tribus itidem distincta signis, Cancro scilicet, Leone, & virgine, quorum hæc notæ sunt, ♋, ♍, ♎ simul ac attigit, inde antarcticum versus ab æquinoctiali dilapsa, trium adhuc signorum spatio, quæ sunt Libra, Scorpius, Sagittarius, quæ ita notantur, ♏, ♐, ♑, exporrigitur. Mox pertesa loci ab infima ea regione ad æquinoctialem rursus sursum vertitur, alijs tribus signis Capricorno, Aquario, Piscibus insignita, quæ ad hunc modum figurantur, ♑, ♒, ♓. Hic verò circulus, neque non omnes, quotquot in sphæra nominantur, in duodecim has primum parteis, ab ipsis scilicet signis diuiduntur: mox



vnaquæque pars. 30. gradibus ita appellatis distinguitur, atq; ita totus vniuscuiusq; circuli ambitus trecentis & sexaginta gradibus dispescitur. Latitudo zodiaci per duodecim circiter gradus extendit: medium eius qua parte plurimum abit, ab æquinoctiali distat gradibus tribus circiter & viginti. Habet verò zodiacus & ipse polos suos, quibus quidē zodiaci polis innixi orbes celorum omnes, qui sub fixarum stellarum celo sunt, in tu quodā suo versantur, de quo iuferius loco suo dicetur.

## DE REGIONIBVS SIGNORVM.

**A**B his polis circuli ducti qui vniuscuiusq; signi terminos secant, vniuersum sphaeræ corp<sup>9</sup> in 12. partes æquales diuidunt, veluti si peponem quis in 12. portiones æquas dissecaret. Et quicquid inter duos huiusmodi semicirculos, vt ita nūc vocē, ab vno polo ad eorum alterum continetur, eius signi regio esse dicitur, quicquid in medio continuerit. Inde itella quæuis extra zodiaci spatia quantumlibet procul sita, in Arie, vel Tauro, vel Geminis esse perhibetur.



Et

**E**T quoniam vnumquodq; signum gradibus, vt dictum, 30. constat: eodem modo per gradus vniuscuiusq; terminos ductæ in angustum lineæ per polos suos, efficiunt, vt quo etiam gradu huius vel illius sideris stella quælibet toto celo contineatur, appareat. Sed hæc non nisi in sphæra solida discerni possunt.

## SIGNA QVIBVS

Planetis addicta.


**O**Ecode spots autem docere loco hoc congruum videtur, siquidem aiunt astronomi ex pla-

netis Sole vni Leoni præesse, vni verò Cancro Lunā: reliquos, duobus singulos signis esse præfectos, Saturnum quippe Capricorno, & Aquario Ioui subijci Sagittariū & Pisces: Marti Scorpionem, & Arietem; Veneri Libram vna cum Tauro: Virginem & Geminos Mercurio. Cuius rei compendium hac figura subiecimus.



## DE TROPICIS.

**S**ed enim vt ad circulos reuertamur, summus ille locus quo per tria prima signa zodiacus attolli nobis videtur, medio suo circulum diurna vertigine describit, qui tropicus Cancrī nuncupatur, qui scilicet Cancro incipiente, flecti ad inferiora ipsa incipit fascia; Latini cōuersionem æltiuam appellauere. Simili ratione locus infimus, quo scilicet peruenerat Sagittarius, & vnde Capricornus in sublime attolli ceperat, alium eadem vertigine circulum delineare fingitur, qui Capricorni tropicus, ob conuersionem scilicet ipsam, ab astronomis vocatur, ab æquinoctiali vterque distans, 13. gradibus.



## DE ARCTICO ET

antarctico circulis.

**P**roximè autem ad polum circulus alius effingitur, quem circū-actus zodiaci polum, vt paulò superius dictum, scribit, atque is arcticus ab vr̄sæ imagine dicitur: è cuius regione alter quoq; huic similis ad alterum polum statuitur, ab inferiore zodiaci polo signatus, quem antarcticum



circulum

circulum appellauere: hi quoque gradibus circiter 23. à polo distantes.

## DE COLVRIS.

**S**Vnt verò alij duo circuli coluri nuncupati, quorum vnus per puncta, vbi æquinoctialis à signifero dissecatur, & per polos mundi ducitur: alter pariter per vtroq; tam mûdi quam etiâ zodiaci polos, & puncta illa, quæ tropicos signant, trahitur, sphæra omnis per duos huiusmodi circulos in partes quatuor æquales partita: ideoq; coluri, quasi dissecti & imminuti: nuncupantur, quamuis nonnulli



li eorum rationem supra finitorem tantum æstimarint, ideoque ridicula quædam de nomine somniarint. Atque omnes hi quidem circuli, firmi stabilesque, eodem semper tenore modoque, omnibusque regionibus iisdem statuuntur.

## DE CIRCVLIS MOBILIBVS.

**M**Ox & alij duo circuli non iisdem omnibus regionibus neque eodem omnibus tenore modoque: sed prout vnusquisque locus exortum, aut occasum versus situs est & ab æquinoctiali magis minusue remotus, mobiles, & ad vnus cuiusque loci personæ situm accommodati.


## DE ORIZONTE.

**H**Orum vnus, qui quidem partem eam cœli dissecat, quam oculis quoquouersum in orbem circumactis dimetimur, horizō Græcis dicitur, Latinis finitor, aut terminator. Relinquit is scilicet dimidiū cœli nobis intuemum: reliquum, inferius positum ē conspectu adimit. Quæ pars supra finitorem nobis inspicenda conceditur, illud est superius hemisphæriū: quæ verò supprimitur, inferius hemisphærium nuncupatur.



## DE MERIDIONALI.

**A**Lter ex mobilibus circulis meridionalis vocatur, qui scilicet per arctici poli punctum & cœli locum eum, qui perpendiculariter capiti nostro incūbit ducitur, & per disiectum, vbi fors tulerit, æquinoctialem ad polum vsque antarcticum descendit, eoque omni hemisphærio decurso ad arcticum emergit. Circulum hunc, vbi loci fuerimus, cum Sol attingit, meridies est nobis, merinoctiū Antipodibus. Atque hic tibi varius,





prout



prout occasum aut exortum versus tetenderis. Neque grauabor tibi dicere cœli punctum illud, quod vniuscuiusq; vertici ad ppendiculum imminet, zenith barbaro quidem vocabulo, sed astronomis nostris passim iam recepto, nuncupari. Hic duo igitur imaginarij circuli mente concipiendi, vt pro locorũ mutatione, p vnum, poli altitudinẽ supra horizontẽ nrm. atq; ita, quantum à tropico, vel arctico vel alijs circulis intra polos descriptis recedim⁹, edoceamus : per alterũ varias eclipsium apparitiones, & locorum interualla, quę intra ortum & occasum inter hos & illos incidunt ad certã reduci posse dimẽlionẽ : Hic verò sphæra, modo recta, modò obliqua cõsideratio sese offert, quæ quidem non otiosẽ fuerit examinanda . sic igitur super ea philosophemur.

DE SPHAERA  
recta & obliqua.

**S**phæra porrò alia recta, alia obliqua dī  
Recta, qñ horizon  
vtrũq; polũ secat, & populis quib⁹ ea ita sita est  
dies & noctes sp̃ æquales  
sunt : quod tota torrida  
zona ferè accidit. de qua  
paulò inferius differe-  
mus. Recta materiã nõ  
nulli vocant , vbi polus





vertici nostro imminet perpendiculariter, & æquinoctialis est horisotis loco. Et vbi ea est, vniuersus annus nocte vna semestri constat. Atque hæ regionnes illæ sunt, quæ glaciales appellantur, antiquis quidem parum cognitæ, nostro autem tempore multorum diligentia pertinaciq; labore perquisite, per viæque iam omnibus factæ. Obliqua, quando alter




polorum magis altero supra horisotem attolitur. Et tunc contingit per annum, noctes & dies inæquales esse, incrementumq; ideo magis augeri, quo magis zenith ad polum appropinquat. Idque accidit duabus zonis, quas temperatas nūcupam⁹, quæ

vbi & cuiusmodi sint, inferius apparebit.

### DE MOTV SOLIS ET aliorum planetarum.

**Z**odiacum medium dissecat linea quæ vocatur Ecliptica, sub qua Sol assidue fertur, neq; ab ea vnquam vel tantillum aberrat. Sub eodem zodiaco feruntur & planetæ reliqui, Sole quidem liberiores, sed Luna cohibitiores, excepto Marte, qui plurimū excedit.



Nam

Nam alij parū quid vltra eclipticam transgrediunt̃. Luna liberius, intra tamen zodiacum, per quinque quippe gradus suprā vel infra progressa spatiat̃. Mars ad octointerdū gradus ab ecliptica declinat.

Duodecim illæ zodiaci partes, quæ signa vocantur, triginta singula, vti dictum, gradibus distinguuntur: atque ita zodiacus omnis in trecentos sexaginta gradus distribuitur. Sol autem diebus singulis ab occidente orientem versus nixus vnoquoque die gradum vnum, minutis interdum aliquot superantibus, interdum deficientibus progreditur, quamuis primi mobilis impetu raptus 24. horarum spatio, in contrarium ab oriente occidentem versus rapiatur: atque ita 360. dierum spatio Sol vniuersum zodiacum perambulasse deberet. Sed enim, vel quia in tropicis obeundis nescio quid moræ contrahit, vt veteres opinabantur, vel, vt iuniores deprehendere: in vnoquoque fere gradu minimum quid quotidie superest. quinque in super dies & horæ sex accedunt antea quam annus de curso spatio ad punctum perueniat, vt ferri cœperat: fitque annus ipse ex 365. diebus, & horis sex, quæ quidem horæ quarto, quoque anno supputatæ diem vnum efficiunt. Vnde Aegyptij, qui annū suum perfectum quadriennio quoque metiebantur, annum hunc communem per descriptam iugis quadram figurabent. Erat verò hæc termini cuiusdam signum. Singula enim iugera quatuor apud eos terminis insignita erant. Quartus itaque quisque annus, apud nos, vno plus reliquis die, maior est; isque vulgo, bissextus appellatur, propterea quòd eo anno bis scribitur, sexto Calend. Martias. Nam 24. Februar. diui Matthiæ vigilia celebra-

celebratur, atque ita festus eius dies in 25. differ-  
tur nihilo secius tam die vigiliæ, quam die festo  
6. Calen. Martias dicimus. Luna simili motu ad  
orientem & ipsa tendit, quamuis ea quoque vi pri-  
mi mobilis in aduersum trahatur. Sed enim, vel  
quia plurimum distabat ab ea vi, vel quia orbem  
omnium minimū sortita est, quod iter annuo Sol  
spatio dimetitur, ipsa septem & viginti dierum  
spatio superat, mox biduum consumit in assequen-  
do Sole, qui iam vnus ferè signi spatium transie-  
rat. Arque ita fit, vt nono semper & vicesimo per-  
actō die sub Sole transeat, atque illum mox præte-  
reat: diciturque Lunæ coitus, cū ea ad gradum  
punctumque, in quo Sol est, applicuerit. Saturnus  
ex planetis, quod Sol anno vno, Luna eo dierum  
paucorum spatium metiuntur, cū proximus ipse  
sit cælo rapidissimo, maiorem vim patitur, vel quia  
maiore fertur orbe. 36. annorum spatium zodiacum  
perambit: Iupiter 12. Mars biennio. Venus atque  
Mercurius eodem ferè cum Sole cursu feruntur:  
sed modò eum antecedunt, modò veluti cursu de-  
lassati iungunt iter, modò pares conferunt cum eo  
gressus, de quibus suæ sunt apud Astronomos tra-  
ditiones. Octaua etiam sphæra, quæ vt plurimorum  
est opinio, stellas fixas continet, naturali motu fer-  
tur in orientem: sed quia primo mobili vicina est,  
longe maiorem patitur vim. Hinc accidit, vt non  
nisi centum annorum spatium per gradum vnum  
promoueri possit. Sed Astronomi plerunq; mino-  
rem annorum numerum deprehendere. Constat  
tamen ab Augusti Octauiani tempore ad hanc vs-  
que diem, qui anni fluxere 36. supra mille & quin-  
gentos, Solem quatuordecim ferè dies progres-  
sum.

sum. Nam eo tempore, vt obseruat Plinius, brumæ dies vigesimoquinto Decembris erat : quo die natus est Christus assertor noster. Bruma verò, si ea est ingressus Capricorni, nunc est, vt plerique supputant statim ab eiusdem mensis vndecimo : Græci tamen Brumam & tres alios cardinales octauo omnes gradu Capricorni, Arietis, Cancræ, & Libræ statuunt, sed hæc alia est consideratio. Diligentiores quidam vnde viginti dies depræhendere, qui iam deberent intercalari. Quare nisi annus aliquando corrigatur, vt Leonis 10. tempore sapientissimus anuus tuus, Max. hodie pont. faciendum censebat, futurum olim est, vt salutis nostræ natalitij dies, qui brumales olim erant, in vernum tempus inuadant, pascha in æstatem. Sed nos hanc ipsis rerum dominis curam, & tibi fors, vbi adoleueris, relinqueamus, & quod instituti operis munus exigit, prosequemur. Superfedebo verò. hic de nona sphaera tibi quæquam disserere : quam nouem & quadraginta milium annorum spatio aliorum planetarum instar aduolui tradunt. Eius enim speculatio alterius est negotij. neque tamen dissimulabo antiquorū quorundam opinionem, qui motum vnum tantum in cælestibus huiusmodi corporibus existimarūt. Omnia scilicet velut equos è carceribus, vno emissa signo, ab oriente occidentem solem versus cursum arripuisse. Accidisse vero, vt Sol metas omnes circumactus vno gradu segnius eò rediret, vnde ferri ceperat : ita & planetæ alij aut plus, aut minus properarint, vt luna oīum tardissimè aduentasse videatur. Neq; tamē ab agitatione cessatū, sed institutū, vt quibus planeta quisque viribus contendere possit, eo feratur nixu, neque cogatur quicquam


vltra

ultra vires suas attentare. Atque hos esse defectus varios volunt, de quibus poetæ meminerint, pro spatij scilicet modo, quo fuerint à primo mobili superati. Alij alios atque alios motus excogitarunt, quos importunum esset hic enumerare, cum nihil aut parum ad sphaeræ fabricam faciât. Suum tamen his alibi erit locus.

## DE ZONIS.

**V**T verò ad vniuersum cœli corpus reuertamur, tota ea moles quinque distinguitur zonis, quarum media ea est, quæ inter vtrunq; tropicum continetur, eam dissecant mediam æquinoctialis, in obliquum verò zodiacus amplexatur. Et quoniam Sol sub zodiaco semper est, accidit vt bis annis singulis eam pererret, dum scilicet à Capricorno ad Cancrum fertur, mox dum à Cancro ad Capricornum reuertitur. Ita fit vt assiduè Solis ardoribus exusta nullum refrigerandi spatium nancisci possit, ideoque torrida consensu omnium vocitatur. Duæ mox regiones, quæ orbes potius quam zonæ vocandæ essent, à forma quippe orbiculari, qua prædictæ sunt, arctico vna, antarctico altera circulis circumscribuntur. Vtriusque polus suus pro centro est. Atque hæ sunt, quæ glaciales ab omnibus vocitantur:

Alteræ cœli regiones duæ, quæ scilicet intra conuersionem Cancri, & arcticum circulum, quæque intra conuersionem Capricorni & antarcticum continentur, quia calorem frigori commiscent, temperatæ fiunt, perque vices annuo spatio nunc abeunte Sole



Sole obrigescent, nunc  
eo appropinquante con-  
calescent.

Has appellant habita-  
biles, has temperatas, has  
munere deorum immor-  
talium animantibus con-  
cessas aiunt. De quibus  
apud Maronem.

Quinque tenent cœlum zonæ, quarū vna corusco.  
Semper sole rubens, & torrida semper ab igni.  
Quam circum extremæ dextra læuaque trahuntur.  
Cærulea g laciæ concretæ, atque imbris atris.  
Has inter, mediamque, duæ mortalibus ægris  
Munere concessæ diuum, & via lecta per ambas,  
Obliquus qua se signorum verteret ordo.

Ad eandem porrò faciem ipsa etiam tellus ijs-  
dem zonis distinguitur, glacialibus enim hinc & in-  
de ad polos constitutis, torrida sub zodiaco, duas  
inde medias temperatas habet, vt appolita indicat  
figura.





Tametsi quantum ad torridam spectat, Græcorum aliquot disputationes nō desunt, aliorum, inhabitabilem propter æstus intolerabiles, aliorum, temperatissimam eam esse propter dies & noctes sæper æquales, asserentiū. Quæ quidem vltro citroque examinata apud Possidonium & Cleomedem videre poteris. Nam & qui nunc terrarum marisque orbem supra infraque nauigant, maximam cœli temperiem sub æquinoctiali se deprehendisse autumant. Sanè autem Ouidius Ptolemæi, atque adeo communem secutus opinionem, dixit. Utque duæ cœlum dextra, totidemque sinistra Parte secant zonæ, quinta est ardentior illis: Sic onus inclusum numero distinxit eodem Cura dei, totidemque plagæ tellure premuntur: Quarum quæ media est, non est habitabilis æstu. Nix tegit alta duas: totidem inter vtrantq; locauit, Temperiemque dedit mixta cum frigore flamma.


DE



## DE PARALLELIS:


**C**um autem constitutum sit ex ijs quæ superius enarrata sunt, Solem vnoquoq; die cōtra diurnum cursum gradum zodiaci vnū orientem versus obrepere: hinc accidit vt propter zodiaci obliquitatem diebus singulis nouum quēdā circulum in cēlo describat, turbinata vertigine. altero iuxta alterum, funiculi in spiram collecti instar, adhærescente; à Capricorni quippe primo gradu exorsus, vsq; ad primum Cancrī; mox reciprocatōne facta à Cancro Capricornum vsq; eādē replicet spiram, eosdemq; circulos ductu perpetuo describat; ita neque hodie eodem horizontis termino oriatur, quo heri emicuit neque quo hodie loco apparuit, cras sit oriturus.

Hi verò circuli, qui numero sunt centum circiter & octaginta, pari scilicet dierū numero quo semestree constat anni spatium, paralleli nūcupant. Facti vero sunt hi paralleli ad instar funiculi, quē tu nonnunquā turbini solit⁹ es obuoluere, cū puer eum parabas ad iactū. Ab imo vero crescit habentæ ipsius circumductus, veluti vnusquisq; dies p̄ vniuersum semestree habentā sibi semel circumducatur: dicunturq; paralleli Greco vocabulo, quæ æquo inter se distent interuallo; & in sphaera quoq; dicunt paralleli, & ad eius similitudinem




nem in continenti, ibi circuli, hic linearum ductus, quicunque parem æquidistantemque inter se latitudinem tuentur, huiusmodique lineæ toto terræ tractu ab oriente occasum versus ab cœli gradibus singulis ductæ, parallelæ à cosmographis appellantur.

Quoniam verò parallelorum, de quibus primò agebamus, ductus à parte ea horizontis quæ ad orientem est, ad alteram, quæ occidentalis est, quantum ad diurnarum horarum incrementum, diminutionemue pertinet, considerantur, accidit vt finitore in ob-



liquum porrecto paralleli ipsi diurni eò breuiores arcus habeant, quo sunt Capricorno proximiores, puta funiculi ductus in turbine, qui cuspidi proximus trahuntur, eò verò magis exporrigantur, quo magis ad cancrum tendunt quippe ad partem turbine latiore.



Quod quidem minimè accidit in sphæra recta; vtrouis modo quis rectam intelligat. Siquidem quibus polus ipse zenith est, vno emerſu sol semestrum diem affert, atque vno itidem occasu eiusdem longitudinis noctem facit. Ita illis menses 12. vnus est dies

est dies ex ijs, qui luce & tenebris constant.


Vbi verò horizon æquinoctialem secant ad angulos rectos, quod accidit cum per vtrunque polum ductus fuerit, parallelorum arcus diurni, nocturnique inter se pari sunt dimensione, ac proinde dies atq; noctes pari horarum spatio, 12. quippe vtriusq; numero attributus, perpetuo agunt æquinoctio. Tota verò torrida arcus huiusmodi ferè pares sunt quare per meridionalem ad 50. circiter gradus manifestum est parvam esse dierum ac noctium differentiam, sub æquinoctiali verò dies prorsus esse pares noctibus.



## DE INAEQUALITATE.

dierum ac noctium.


**S** Ed ut de zonis, locisque alijs quæ plurima dici possent, copiosissime ab alijs tractata missa nunc faciam, satis superque nobis fuerit, quæ regioni nostræ accidant, explicare: de quæ zonæ eius, quam incolimus, conditione disputare. Variat hæc dies ac noctes, put Sol magis minusve ad Can



Sphæ. Sac. Bosc.

gru n


crum accedit, aut recedit: siue huius rei cardinem Capricornum statuere voluerimus, idque, uti dicebamus, accidit tam ob zodiaci, quam ob horis nostri obliquitatem. Sed quoniam hoc oculis discernendum est, age sphaeram ipsam in manus capiamus & finitorem primum ad poli certam altitudinem constituto, puta gradu 40. age, cerulam hanc lenticulam puncto illi apprimamus, ubi incipit Capricornus. Sitque huius cerulae facies Sol ipse: tollemus nunc qua parte exortus est, quippe a dextra nostra Solem supra horizontem, sensimque meridionalem usque deducamus, Bene habet. hic eam sistamus. Tu verò enumera nunc gradus per tropicum (is enim huius loci parallelus est) qui à meridionali ad horizontem usque sunt, quam viam puta hodie Sol iuit. Hi circiter sexaginta sunt. Solem autem scimus una quaque hora gradus cœli 15. permeare. Hi verò sunt non plures quam sexaginta. Quatuor hoc est horarum spatium, quo peruentum est ad meridiem. totidemque gradus, horæque totidem residuæ sunt ad occasum usque: eritque dies hic horarum octo. At si polus altius attollatur, horizon fit zodiaco propinquior, deque arcu Tropici, quem primum statuimus parallelum, eo plus adimit fitque breuior dies: quò verò magis polus ad horizonem deprimitur, eò minus horarum accedit tota zona varietas, ut alibi Sol per unam, duasve aut



aut treis plurimum horas se videndum exhibeat, alibi per quatuor, alibi per quinque : & ita per singulorum graduum motum , quo plus supra horizontem videtur attolli , figillatim ad 24. vsque horas nostræ dies zonæ progreditur . Extra hos terminos, vti dictum, in torrida æquinoctium ferre perpetuum : in glacialibus, menstruus, bimestris, trimestris, quadrimestris, quinque alibi cubi mensium, & semestris sub polo dies habentur : quæ singula tumetipse attollendo deprimendove horizonte depræhendes , & à cosmographis passim obseruata comperies.



Eadem autem ratione , qua diem dimetimur , noctem quoq; in semestri altero commetiatur, quæque de Capricorno super die locuti sumus , ea nocte super, ad Cancrum referuntur. Arcus enim ille æstiu tropici, quem nox ipsa percurrit, cuius punctum è regione solis in Cancro statui necesse est quantum extendatur vides. Sexdecim enim horas amplectitur ; cum per gradus excurrat ducentos circiter & quadraginta.



Si verò cerulam eam , quam pro Sole affiximus

in primum Cancrī punctum transtulerimus, & ab ortu occasum vsque in tropico dimensi fuerimus, magnam deprehēdemus intercapedinem: quæ ab horizonte orientali ad occidentem vsque porrigitur: idque Soli, die toto superandum, breue illud quod infrà erit, nocte percurrendum. Hunc porro circulū astronomi octo dimensi portionibus, diurnæ parti quinque, nocturnæ vero treis distributas inuenere. Sed enim hæc in simplici hac sphaeræ traditione non sunt vsque adeò minutatim perquirenda. Hinc patet à Capricorni gradu primo, Sole ad Arctos iter suum dirigente, dies augeri quotidie, vsque dum ad Geminorum exitum peruenerit: esse tamen intra finem Geminorum & prima Cancrī puncta, siue gradus dicere voluerimus, moram aliquam, vt per aliquot dies, dum eandem viam nobis itare apparet, loco dimoueri vix discernatur, vnoq; & eodem parallelo oriri videatur. Gradus enim illi



aspectui nostro nō obliqui, sed recti poti⁹ apparent, quod tēpus nostri solstitium appellauere. Mox à principio Cancrī ad finem vsque Sagittarij quotidie imminuitur dies. Et circa cardinem hunc primos quippe Capricorni grad⁹ brumales illi dies sunt, solstitiumq; hyemale, noctibus totius anni quàm lōgissimis. Quod verò nonnulli solstitium vtrunque singulis diebus absoluunt, errorem esse ipsa cōprobatur experientia. bis



tia. bis verò anno quolibet, cùm scilicet Sol ad vltimos gradus Piscium peruenerit, & proximos Arietis inuaserit, neque non cùm extremam Virginis partem, & Libræ primam permeat, cùm arcus illi parallelares tam diurni, quam nocturni pari ferè dimensione sint, fieri cōtingit æquinoctium. Verùm hoc euidentius, quàm solstitium, designari potest, & vno tantum die, vel vna nocte describi: quia obliquus Solis meatus facilè transcursus indicat. Ac vt vno denique verbo dicamus, prout Sol magis aut minus polo nostro propinquat, ita diem augeri vel minui manifestum est. Hinc tibi Virgilianum illud liquet,

Cur tantum Oceano properent se tingere Soles  
Hyberni, vel quæ tardis mora noctibus obstet?

## DE CALORE ET FRIGORE.

**E** Adem ratio, idemque Solis cursus, aduentusque aut recessus in causa est, cur anni tempora nunc æstiuosa, nunc rigentia, nunc temperata fiant. Nam cum Solis mora supra horizontem calorem inspiret, nox verò refrigeret, euenit vt hyemali tempore, nox multum inuehat humorem, ac proinde totum celi tractum refrigeret, cōcrescatque aer ipse ob frigus: cuius munus est liquētia condensare, adeo vt Sol exiguo eo temporis spatio, quo se nobis ostendat, mox ad inferiora celi sub horizontem, statim raptus, nullam habeat facultatem, neque crassitiem aeris perrumpendi, neque calorem suum moræ saltem, qua lucet, beneficio, sensim immittendi: atque ita omnia rigore & glacie obstupefcunt.




Crescente vero sensim die, Solem ipsum validiorem fieri sentimus, & nunc hæc, nunc illa nubilia depelli, donec æqui data campi copia certamen æquet, & pari cum nocte vi colluctetur. quod fit ubi ad æquinoctium vernum peruētum est. Inde victor euadens eo acrius ipse noctem, ac perinde frigus omne premere & insectari perseverat quo iniquius ab ea fuerat habitus: factusque quodammodo cœli dominus noctis finibus in arctum redactis, calorem ipse suum per vniuersam hanc plagam ad grauem vsque dominationem extendit. Et quoniam rerum est omnium vicissitudo, cum primum latè la sciuiens Cancrum in inuidiam Lúnæ, quæ nocti patrocinator, malè multauit, inuiolabili fatorum lege solum iussus vertere, ad Leonem, qui cum arctissima illi intercedit amicitia, sese recipiens, amittende sibi possessionis conscius, quanto potest conatu vires suas omnes effundit, & caniculares illos æstus toto aere iaculatur. Receptus demum a Virgine Astrææ commendatur, quæ conata inter eos componere, paremque vtrique potestatem fieri, nihil quidquam proficit: siquidem nox Scorpionibus, & Sagittarijs armata solem aggreditur, longoque exagitationum certamine demum fugat, rerum summa ad tempus ipsi frigori commendata.

## DE ECLIPSIBVS.

**R**Eliquum est, vt Solis Lúnæque labores, eclipses quidem ipsas, hoc est, cur modo Luna subitæ nonnunquam vmbre interuentu, modo Sol occurrente Luna obscurantur, explicemus. curque id non vnoquoque Lúnæ coitu, & oppositione fieri

ne fieri contingat. Quare animus hoc loco tibi  
acrus excitandus, & aures depurandæ, vt quæ di-




cam, rectissimè perci-  
pantur. Memineris au-  
tem illud omnium pri-  
mum, quod paulò antè  
dictum, zodiacum ip-  
sum linea quadam, cui  
nomen eclipticæ, me-  
dium ductu perpetuo  
dissecari, neque Solem  
vnquam ab ea quidquã  
discedere: eumque sem-

per ordinem seruare, vt eandem semper itet viam.  
Sed enim Luna hinc digressa ad gradus aliquot to-  
to ferè zodiaco expatiatur, neque semper sub ecli-  
ptica fit obuiam Soli, plerunque autem libera tran-  
sit eo tantum salutato: quippe Sole in aliquo gra-  
du, puta Cancrì primo existente, transilit sæpe Lu-  
na vltra tropicum, interdum ad quintum vsque gra-  
dum ab ecliptica, interdum minus. aut ad inferiora  
figura prolapsa su-  
prave Capricorni  
tropicum eodem  
modò defertur, ne-  
que quidquam at-  
tingit eclipticã. At  
qui necesse ẽ si ecli-  
psis ventura sit tã  
solis, q̃ Lunæ, quo-  
cunque accadat si-  
gno, septétrionali,  
vel australi, vtrũq;



sub ecliptica deprehendi. Secaret verò ecliptica terram mediā in æqualeis parteis, si linea inde demissa quæ mundi machinā diuideret. traduceretur. Quare siue terra ipsa lunæ opponēda sit, vt ymbra sua, quæ illuc vsq; exporrigitur, eam obscuret, siue Luna Soli obijciatur, vt lumen eius inuideat terræ: necesse est vtrunq; planetarum sub ecliptica reperiri: & ea de causa linæ nomen id à Græcis inditum, q̃ defectuum huiusmodi causa sit.

Debes autem animo percipere in duobus eclipticę locis pari graduum interuallo transire in transfersum lineam alteram siue circulum mauis dicere.



re, per quem Luna fertur, qui ab ecliptica resiliens interuallum quoddam relinquit ad apertum, quasi per scindam. Sed vbi coniungitur eclipticę, vna parte caput draconis, altera cauda vocatur ab astronomis: huiusmodique puncta non secus per cœlum moueri nobis videntur, quàm Sol & planetę reliqui q̃ cursu nunquā intermisso perambulant. Eò tamen differunt, quòd capitis & caudę motus mundum

dum sequitur vnde viginti diebus vno superato gradu, quotidem anni in coitionum Lunæ reciproca-  
tione numerantur. Atque hic ille numerus est, quæ  
aureum appellant.

## DE SOLIS ECLIPSI.


**S**I Solis igitur defectus euenturus sit vtrunque  
tam Lunam, quam Solem aut in capite, aut in  
cauda Draconis esse necessarium est: vt Luna  
interposita cōspectum Solis adimat ipsi terræ, quæ  
& ipsa, vti superius dictum, sub ecliptica est. Rarò  
verò euenit, vt Solis vniuersum corpus obscuretur,  
quod sæpe accidit in Luna. Quòd autem pars tan-  
tum interdum adimatur, ea de causa fit, quòd Lu-  
na non semper obuiam sub eo puncto vel capitis,  
vel caudæ, sed iuxta elabitur, quaq; parte lineam at-  
tingit eclipticam, ea vel luce priuatur, si terra inter-  
cedit, vel Soli adimit lucis partem, si iuxta transiēs  
eclipticam omnino perstrinxerit. Sed vt hæc facilius  
intelligantur, subiijcienda figura fuit hæc, quæ mo-  
duli vicem gerat.



## DE LVNARI ECLIPSI.

**P**orrò si Lunæ defectus contingit, Solem in capite, Lunam in cauda deprehendi necesse est: aut vice versa, Solem in cauda, in capite Lunam. Ita enim terra in medio sita cum umbræ suæ pyramide lunare corpus transfiliat si eam ibi deprehenderit

henderit, tantisper occupat, donec illa eluctata per  
 horas vt plurimum treis, aliquando, quatuor, eua-  
 dat: ex vmbraque illa omni paulatim exempta to-  
 tius mox orbis candorem ostendat.



Atque hic est Lunæ, quem aiunt, labor: putabāt  
 enim homines huius veritatis ignari, quotiens id ac-  
 cidebat, laborare lunam ex incatationibus, malefi-  
 corum

cōrum hominum, & ea de causa cymbalorum tinnitu, & clamoribus occurrendum instituerant: ne scilicet excantantium voces audire posset, atque ita minus obsequi cogeretur. Sed hæc rudioris ætatis deliria fuerunt.

## CVR FACIES LVNAE VARIA.

**N**ON est autem loco hoc prætereundum, Lunam, quam modò toto orbe plenā, modò tuberosam, modo dimidiam, modo excavari & ad nihilum redigi vnoquoq; mense conspiciamus, id ea de causa pati quia dimidium tantum lunaris corporis luceat, quod scilicet à solarib' radijs illustratur: Hinc fit vt, cum Luna in oriente est, sol verò in occidente, aut contra oculus noster, qui medius est inter vtrunque, eam lunaris corporis medietatem aspiciat, quæ a sole irradiatur, atque tota ita cādicare videatur: vbi verò à diametro secedere incipit, ea de causa nobis iminui videatur, quia pars illustrata per obliquum auertitur, atque ita oculis nostris eripitur. Ita cū eadem in cœli quadra prima vel tertia reperitur, dimidia sui parte nobis sese videndam offert. Mox quò magis ad solem appropinquat, eò magis superior pars illustratur, quæ obtutu nostro semota est; inferior, quæ scilicet ad oculos nostros obscura est, obscuratur, aut potius deficere videtur. Et cum Soli demum subiecta est, luminosa eius parte tota ad solem versa, nobis, qui infrā sumus, illuminis apparet, donec à sole recedens tertia mox die obuersa in literæ speciem sese nobis visendam præbet, ac damno mox quotidie reparato  
magis




magis increscens, usque ad quintum decimum diem, paulatim aucta, toto iterum corpore sese illustratam ostentat.



Q V I D

## QVID NOX, QVID DIES SIT.

**N**Equē illud ignorandum est, diem, aut à tēpore, aut à qualitate intelligi : a tempore quatuor & viginti horis cōstare, à qualitate esse aerem illuminatum à sole supra horizontem euecto, & quandiu moram ibi traxerit, ad occasum vsque noctem verò nihil aliud, quam terræ vmbra:



atq; euenire semp, vt simul ac Sol infra horizontē deciderit, vmbra hæc oboriat, terramq; obfuscet media sui parte, diametro cum Solis progressu semper mobili. Itaque non antè dies est, quàm Sol iterum supra horizontem emergat. Accidit tamen,

vt

vt sole per gradus duode viginti infra horizōtem, vt Ptolemæus, tam in exortu, quam in occasu existente, lumen eius supra diffundatur: atq; ita ferme per horam antequam oriatur, & posteaquam occiderit, adhuc lux in superiore hemisphærio maneat, idq; tempus Latini crepusculum vocauere. Habes iam adolescens honoratissime, sphæræ summam, quemadmodum tota mundi machina orbicularis fingitur, & vt ipsi cœlorum orbés quatuor & viginti horarum spatio circumuoluuntur, quæque sua unicuique inferiorum sit cessationis causa. Habes elementa quatuor infra cœlum Lunæ, terramque in medio omnium, quibus tota hæc cōstat fabrica, pro centro reductam. Habes de polis duplicem cōsiderationem & vertiginum varietates, æquinoctialem, zodiacum, tropicos duos, & polares totidem circules, quos vnà cum coluris duobus tibi descripsimus. Circulos mobiles, finitorem, & meridionalem cōmostrauimus: quid sphæra recta, quid obliqua sit, ostendimus: Solis & aliorum planetarum diurnos annuosq; motus, quantum ad ortum & occasum pertinet, indicauimus. De zonis quinque & parallelis, vnde æqualitas, & inæqualitas dierum & noctium accidat, disseruimus: ad hæc, vnde calor & frigus resultaret, aperuimus: mox defectum tã in sole quã in luna causas modumq; non modò retulimus sed oculis propemodum subiecimur: quæ quidem ad eã quam affectas Geographiæ peritiã satis tibi superq; opis allatura sunt. Reliqua de exacto cœlorum numero, de epicyclis, de eccentricis, & deferentibus circulis in planetarum sphæris, de motuum quorundam trepidatione, quæ astronomorum subtilitas excogitauit, sed quibus ægrè philo-

topia

loſophi aſſentiuntur, quæque authores eoſdem p-  
plexa loqui cogunt, neque ad hoc negotium, ne-  
que ad ſtudia nunc tua pertinere arbitrati ſumus.  
Quare ijs, & ſublimiori doctrina illa, quæ eruditif-  
ſimi Viterbienſis tui propria eſt, dimiſſis, tibi per  
immenſos terrarum marisq[ue] tractus ingreſſuro,  
hæc de ſphæra dicta ſufficere iudicauimus.

**F I N I S.**

**DONATI**

## DONATI VILLALTAE

Feltren. Physici Carmen,  
ad Pierium.

*Duxisse Phœbum te per alta sidera,  
Vraniam aut ipsam puto.*

*Pieri Aonidum decus sororum:*

*Qui, dum situs, vagos meatus orbium,*

*Dum temporum varias vices,*

*Dum Lunæ coitus, graues labores,*

*Quæ signa flexo deferantur circulo,*

*Errantia aut quæ commeant,*

*Fixæ stellifero vel astra olympos,*

*Dum cuncta demum, quæ tenet cæli ambitus,*

*Tali ordine, ut merito queat,*

*Mirari sapiens, rudis doceri,*

*Breuissimo complecteris compendio,*

*Terras polosque munere*

*Tam docto tibi, Pieri, obligasti.*

## DE ECLIPSIBVS EX PROCLO.



**N** vniuersum cum acciderit eclipsis alterutrius ☉ aut ☽ in ♋, ♌, aut Cap. fructuum penuria, & præcipuè frugum satorumque continget: in ♊, ♍, & ♎, fames, & atrocissimas ægritudines, morborumque pestes mortalibus ingruere astronomi obseruauerunt. In ♈, ♏, & ♐, obicure turbæ, ignobilibusque plebeculæ interitus, diuulgur-

Sphæ. Sac. Bosc.

L næ

ne bellorum seditiones. & aquatiliū marinorūq; ,  
 & aliorum in æquore degentium magna pernicies.  
 Quartus tribus in signis  $\Upsilon$ ,  $\Omega$ , , unde argumentū  
 hoc exordiebatur, explicari non potuit, quia codex  
 Græcus corrosus erat prima statim pagina. Sed qd  
 ibi contineretur ex vniuscuiusque signis decanis ap-  
 parebit.

Effectus iudiciarij ob solis eclipsim per decanos  
 singulos.

Sol cum laborare visus fuerit in aliquo ex primis  
 decem gradibus  $\Upsilon$ , crebros armorum & exercituū  
 motus portendit, continuasq; expeditiones, & in-  
 sultus bellorum cum tumultu plurimo: Seditiones,  
 controuersias, & intemperiem aeris ad siccitatem  
 potissimum vergentis.

In sequenti verò decano regis carcerem, mæro-  
 rem, aut mortis periculum, arborumque fructife-  
 rarum corruptionem, ac terra nascentium putredi-  
 nem: in ultimo denario tristitiam, & luctum affert  
 mortalibus, magnæque mulieris obitum, & ad hæc  
 pecudum perniciem minitatur.

In  $\delta$ , verò denario primo negociatores affligit,  
 & irrita tractare cogit, omniaque eorum negotia  
 subruit: satis quoque, & segetibus obest.

In altero decano peregrinantibus, parturienti-  
 busque parat incommoda.

In postremis, pestemque famemque inducit.

In  $\pi$  primis x. gradibus sacerdotibus, & in quo-  
 uis ordine sacris initiatis dissensionem, lites, & sedi-  
 tiones aggerit: odia infanda, legum contemptum,  
 & pietatis etiam neglectum concitat.

In x. medijs latrocinia maritima & cædes.

In ultimis x. regis obitum, & status publici detri-  
 menta

menta varia, ciuiliūmq; negotiorum irritos euert.

In  $\Xi$  x. primis gradib<sup>9</sup> aerem perturbat, magnaque exagitat varietate.

In secundo decano fluuios & fontes exiccat, incontinentiam, & petulantiam mortalibus intētat.

In vltimis x. gradibus per vniuersam Armeniam & Africam, ceterasque regiones Cancro subiectas morbos, seditiones, & lues alias immittit.

In  $\Omega$  denario primo summi alicuius principis mortē, & rei frumentariæ penuriam præmonstrat.

In secundo, regis, magnatum, & procerum anxietates & detrimenta minuitur.

In vltimis captiuitates, & seditiones, direptiones, & ædium sacrarum profanationes.

In  $\mu$  decano primo, calamitosum regis alicuius exitum, & stragem arguit.

In scđo famē, pestem & seditiones mortalium.

In vltimo pictoribus, poetis & Mercurialib<sup>9</sup>, qui ingenio vigent, aduersa oīa, cædes, exiliū, & similia.

In x. primis gra.  $\alpha$  aerem corrumpit, pestem suscitāt, & annonam flagellat, caramque rudit.

In  $\mu$  medijs magni regis mortem, seditiones, & famem portendit.

In vltimis nobilium controuersias, & fortunarum detrimenta.

In  $\mu$  denario primo tumultus bellicos mouet, cædes, odia, captiuitates, & prodiones machinat.


In medio, regis cuiuspiam perniciem, auersum exercitus animum, & similia.

In vltimo, alieniginæ tyranni aduentum, ignauā atque locordiam prioris regis omnibus inuiscam.

In x. primis  $\Phi$  gradibus seditiones inter mortales manifestas ostendit, & ab omni consensu,







concordiaque alienationem.

In x. medijs, camelorum; rudentumque iumentorum, ac cæterorum eius generis veterinorum animalium interitum.

In vltimis & equos, & exercitus multifariam affligit.

In X decano primo infœlices habet magnorum virorum casus, regis alicuius transmigrationem, nobilium, & plebis rebelliones.

In medio denario iuratos milites in imperatore, ductoresque suos irritat: conatusque eorum irritos, aut infelices euentus facit.

In postremo tumultuarium regis motum cit, famem inducit.

In  $\infty$  primis x. gradibus publici mœroris & luctus materiam præbet.

In x. medijs latrocinia publica, furta rapinas, terræ motusque, & famem comminatur.

In vltimis, ouium, agrestiumque brutorum eius modi interitum innuit.

In X decem primis gradibus fluuios exiccat, maritima infortunat.

In medio decano clari præstantisque viri mortem, ac in maritimis regionibus piscium vastitatē, terræque motum facit.

In vltimo denario seditionem, crudelitatem, ferociam; & inhumanitatem militum extimulat.

### SVPER ECLIPSIS LVNAE.

Proclus idem.

**I**N V decem primis gradibus obscura Luna febres futuras, ædium incendia, combustiones nemorum, ac acris siccitatem ostendit.

In medio denario pestilentiam.

In x.

In x. vltimis gra. abortiuos partus, & incommoda, periculaque huiusmodi alia in mulieribus.

In 8. denario primo; nece, morboque grassatur in pecudes.

In x. medijs gradibus, regine obitum, & factorum feminumque sterilitatem im mittit.

In vltimis, in serpentes, & reptilia sæuit.

In 11. decem primis gra. incursiones & rapinas hostium minitatur.

In x. medijs repentinos exercituum motus, priuatarum, publicarumque rerum sollicitationes.

In vltimis, præstantis fama viri obitum ostendit.

In 6. denario primo bellum omnino concitat.

In secundo exactiones acerbæ, tributa intolerabilia, & huiusmodi onera portendit.

In vltimo, sexui muliebri morbos, subitas, miseras, repentinasque neces minitatur.

In 9. x. primis gra. vel celerem regis alicuius infirmitatem, vel præclari cuiuspiã viri mortẽ adducit.

In x. verò medijs regis iter, & aliquam rerum mutationem accersit.

In vlt. exercitus populosve excitat ad res nouas.

In 11. decano primo ægrotationes regum inducit, atque hominum varias discordias & seditiones.

In secundo, in cõsultores, scribas, & huiusmodi hominum forense genus perniciem parat.

In vltimo mortalibus morbos affert.

In decem 12. primis gradibus, grandines & fœdas alias tempestates prouocat.

In x. medijs, vitiligenis omnibus perniciosa est.

In vltimis, magni clariq; viri interitum minatur.

In 11. x. primis gra. horrenda tonitrua & fulgura portendit, & interdum terræ motum.

In de-

In decem vero medijs , oliuas & aerem exccat.  
& febres æstuosas facit.

At in vltimo decano, eadem minitatur, atq; insu-  
per inter mortales plurimum sequit morbo, rixis, se-  
ditionibus, cædibusque.

In ♄ x. pri. gra. latrocinia, & rapinas immittit.

In x. medijs, in equos, & in mulas defæuit.

In vltimis pestem afflat , & mala inter mortales  
plurima.

In ♄ decano primo suggillationes in homines  
mouet, & præstantis alicuius viri perniciosam cæ-  
dem ostendit.

In medio decano crebros militum insultus, incur-  
siones crebras, latrocinia, & captiuitates.

In vltimo, regis alicuius mortem & seditionem.

In ♃ x. primus grad. malam regi cui piam valetu-  
dinem indicat affuturam.

In x. medijs sementem lædit vniuersam.

In vltimis insignem rerum: omnium mutationē  
facit, qua tamen, quicunque grauiora perpeffi fue-  
rint, à malis liberentur.

In ♄ denario primo, sacerdotibus, & ædituis, an-  
tistitibusque luctum & mœrorem affert.

In medio, magni, præstantisque viri obitum.

In vltimo latrocinia & rapinas terra mariq; pro-  
miscuas minitatur.

F I N I S.

## Registrum.

A B C D E F G H I K L.

Omnes quaterniones, præter L Duernionem.

|||

~~101 115 121~~

